

ও রি রে ন্ট বুক কো ন্পা নি ৯, খামাচরণ দে খ্রীট: কলিকাতা ১২ প্ৰথম প্ৰকাশ আখিন, ১৩৬•

প্রকাশক শ্রীপ্রহ্লাদকুমার প্রামাণিক », স্থামাচরণ দে খ্রীট কলিকাতা ১২

মূড়াকর শ্রীখনঞ্জর প্রামাণিক সাধারণ প্রেস লিমিটেড ১৫–এ, কুদিরাম বহু রোড কলিকাতা ৬

> রূপসভ্জা শিল্পী ধীরেন বল

প্রচ্ছদপট-মূদ্রণ মোহন প্রেস ২ করিসচার্চ লেন কলিকাতা »

বাঁধাই মডাৰ্ন **বা**ইতাস

দামঃ তুই টাকা চার আনা

#### পরশুরাম

## 

ছেলেবেলা শুধু ছেঁড়া-ভাব আর খোঁড়া-ছন্দেরে টানিমিল খুঁজে-খুঁজে কবিতা রচিতে ইইয়াছি হয়রাণি!
মান্থবের মাঝে কত কৌতুক—তুমি যে ক্যামেরা ধরি,
দেখালে রঙীণ চশমা লাগায়ে, তাইত তোমারে শ্বরি!
একলব্য যে গুরু-ডোণে দিল কাটি বৃদ্ধান্দ্লি—
'পরশুরামের' চরণে রাখিনু মন-গড়া ভুলগুলি!

আশ্বিন, বিনীত ১৩৬০। **স্বপনবুড়ো** 

### মুখবন্ধ

'এত ভঙ্গ বঙ্গদেশ তবু রঙ্গ ভরা'

সত্যি তাই। বঙ্গদেশ ভঙ্গ হয়েছে বটে, তবু তার রঙ্গ এতটুকু কমেনি! বরং আরও বেড়েছে।

কবি ঈশ্বর গুপ্তও একথা হয়ত জানতেন না। বেঁচে থাক্লে অনেক কিছু নতুন করে জানা যায়। রবীন্দ্রনাথও তাই কৌতুক করে বলেছিলেন—

"আপাতত এই আনন্দে গর্বে বেড়াই নেচে
কালিদাস তো নামেই আছেন, আমি আছি বেঁচে।
তাঁহার কালের স্বাদ গন্ধ আমি ত পাই মৃত্মন্দ আমার কালের কণামাত্র পান নি মহাকবি।"

এই হাসিব গল্পগুলি পড়ে পাঠক-পাঠিকারা হাস্বেন কিনা

এই হাাসব গল্পপ্রাল পড়ে পাঠক-পাঠকারা হাস্বেন াকনা জানিনা, তবে একটি কথা আগে থেকেই স্বীকার করে রাথা ভা**লো** যে, গল্পগুলি বয়স্কদের জন্মেই রচিত হয়েছে, ছোটদের **জন্মে** নয়।

আমার পরম স্নেহাম্পদ শ্রীমান প্রস্লোদকুমার প্রামাণিক যে আন্তরিকতা নিয়ে তাড়াতাড়ি বইথানি প্রকাশের ব্যবস্থা করে দিয়েছেন তা চিরদিন আমার মনে অক্ষয় হয়ে থাক্বে। প্রকৃতপক্ষে এক মাসের মধ্যেই পুস্তকখানি মুদ্রণ-যন্ত্র থেকে মুক্তিলাভ করেছে। আজকের ডামাডোলের যুগে তাকে প্রায় রেকর্ড করা বলা যেতে পারে।

এই অবকাশে শিল্পী ধীরেন বলকেও আমার প্রীতি জানাই।
কলিকাতা
স্বপনবুড়ো
আখিন, ১৩৬০।

# রঙ্গ-তালিকা

সাহিত্য-সভা	•••	•••	>
<b>হি</b> ট্-পিক্চার'	•••	•••	<b>२</b> ऽ
পঞ্চশরের পরাজয়	•••	•••	৩৬
दुष-नीर्च	•••	•••	¢¢
শারদীয়ায় রস-স্মৃষ্টি	•••	•••	৬১
थ्नी	•••	•••	99
<u>হুৰ্ভাবনা</u>	•••	•••	۶2
অবশেষ			৯৪
বৃদ্ধং শরণং গচ্ছামি	•••	•••	7 • 8
প্রতিক্রিয়া		•••	22°
দীনে বাদাম	•••	•••	ऽ२२
হি*ছ-মুস্লিম প্যাক্ট্	***	•••	787
ঢাকের বাছ্যি	•••	•••	262
টোট্কা	•••		১৬৽
নবোদিত সিনেমা তাড়কা	ার একদিন	•••	১৭৩
ু ডুপ ওঠার আগে	•••	•••	245



তৈলোক্য ত্রিপাঠী!

—নামটা ইতিমধ্যে আপনারা নিশ্চয়ই শুনেছেন—এবং পাঠক-পাঠিকাদের ভেতর অনেকেই এই বিশেষ নামটি জপমালা করে ফেলেছেন।

আর না হবেই বা কেন ?

ত্রৈলোক্য ত্রিপাঠী বাঙলা দেশের নারী-পুরুষের মন নিয়ে যেন একেবারে ছিনিমিনি খেল্তে স্কুরু করে দিয়েছেন! এত অল্প সময়ের মধ্যে এমন চমক্প্রদ নাম আর কোনো সাহিত্যিক করতে পেরেছেন বলে আমাদের জানা নেই।

কী চোথা-ভাষা আর রোথা-বুলি!

'কানের ভিতর দিয়ে মরমে পশিয়ে দেয়' বল্লে ভুল করা হবে…, বাস্তবকে অমুসরণ করে উক্তি করা চলে যে, চর্মের।ভেতর দিয়ে যেন স্চিকাভরণ করে দেয়।

এ হেন ত্রৈলোক্য ত্রিপাঠীর সভা-সমিতি থেকে ঘন-ঘন ডাক আসে। ইনি না গেলে কোনো সাহিত্য-সভাই নাকি জমে না! ত্রিপাঠীর গুরু-গন্তীর কণ্ঠমরে সভাগৃহ গম্-গম্ করতে থাকে, তাঁর শ্লেষ আর বিজ্রপে সবাই ভয়ে তটস্থ; তাঁর কণ্ঠ থেকে নির্গত তীক্ষ্ণ বাক্যরাশি শাণিত তরবারির মতো মান্থ্যের পুরাতন সংস্কার, জার্ণ-মত, আর বস্তা-পচা ব্লিকে খণ্ড খণ্ড করে এগিয়ে চলে! শ্রোতা অবাক হয়ে ভাবে—উঃ! মান্থ্যটার কি অগাধ পাণ্ডিত্য! চল্তি মত আর পথকে তুলোধুনো করে নিজের মন মতো বিরাট সড়ক মৃহূর্তে তৈরী করে দিয়ে চলে চান। তিনি প্রস্থান করলে তবে অন্থর্টানের কর্তৃপক্ষ হাঁফ্ ছেড়ে বাঁচেন। মৃস্থিল এই যে, তাঁকে যেমন সবাই যমের মতো ভয় করেন—তেমনি তাঁকে বাদ দিলে কোনো সাহিত্য-সভাই জমে না। শিবহীন যজ্ঞের মতো ভা শেষ পর্যান্ত 'দক্ষযুক্ত' পরিণত হয়!

তাই ত্রৈলোক্য ত্রিপাঠী একাধারে ভয় ও বিশ্বয় উৎপাদন করে সভাপতির করে ফেরেন—শহরে, শহরতলীতে, মহকুমায়, গ্রামে আর মহানগরীতে!

থুব বেশী লঙ্কা আর পেঁয়াজ বাটা মেশানো তরকারী যেমন

লোকে চেয়ে-চেয়ে নিয়ে থায় এবং তারপর নাকের জলে, চোথের-জলে এক হয়ে ওঠে তেমনি ত্রৈলোক্য ত্রিপাঠীকে মানুষ ডেকেনিয়ে যায় বিভিন্ন অঞ্চলে, কিন্তু তারপরই তাঁর বাক্য-যন্ত্রণায় অস্থির হয়ে মনে-মনে বলে, ছেড়ে দে মা কেঁদে বাঁচি!

তব্ জনসাধারণের মনে কোথায় যেন একটা তুর্বলতা লুকিয়ে থাকে—তারই ফলে যে মামুষটি জালা দিয়ে কথা বলে, বিদ্রূপ করে, সমস্ত কিছু আয়োজনের একটা অকিঞ্চিংকর অর্থ বের করে উৎসবকে পণ্ড করতে চায় তাকেই লোকে ঝাল তরকারির মতো বেশী করে চায় জিবের স্বাদের জন্যে! চোথের জল পড়ুক তাতে আপত্তি নেই, তবু জিবের ত' সোয়াদ হল।

তাই ত' সভা-সমিতি, সংস্কৃতি-কেন্দ্র, বারোয়ারী-তলার লোকেরা ত্রৈলোক্য ত্রিপাসীকে সসম্মানে ডেকে নিয়ে যায়, মালা দেয় গলায়, অসীম-পুলকে তীব্র বাক্যবানে বিদ্ধ হয়, তারপর নিজেদের থরচায় গাড়ী করে বাড়ী পৌছে দিয়ে যায়!

অমুষ্ঠান অস্থে সাত দিন ধরে সেই অঞ্চলের লোকেরা বলাবলি কবে, ই্যা লোকটা শোনালে বটে! মরা-মামুষের চামড়াতেও জ্বালা ধরিয়ে দেয়!

বিহাতের মধ্যে বজ্র আছে বলেই ব্ঝি লোকে তাকে এত বেশী ভয় করে। ত্রৈলোক্য ত্রিপাঠী সভায় গিয়ে যত কড়া কথা শোনান তার জনপ্রিয়তা তত বেশী বৃদ্ধি পায়—এটা নিছক অনুমান নয়, চোথে দেখা কথা।

ত্রৈলোক্য ত্রিপাঠীর উপন্থাসগুলিও স্ত্রী-পুরুষের মনে স্নায়্ব-যুদ্ধ স্থুরু করিয়ে দেয়। নানা বিচিত্র চরিত্র সেই উপস্থানে ভীড় জমায়। প্রত্যেক পাঠক-পাঠিকার মনে কোন একটি চরিত্র তার চোখে আঙ্গুল দিয়ে বলে, এই মান্তুষটি হচ্ছ তুমি! তোমাকে বিদ্রূপ করা হয়েছে, তারপর আঘাতে আঘাতে মিশিয়ে দেয়া হয়েছে—ধ্লির সঙ্গে!

নিজের দেহ যতই কুংসিং হোক—তাকে নানাভাবে আয়নায় ঘুরিয়ে ফিরিয়ে দেখার যেমন একটা প্রলোভন মান্তুষের থাকে তেমনি ত্রৈলোক্য ত্রিপাঠীর শাণিত লেখনীতে দে নিজে কিভাবে রূপলাভ করেছে সেটা দেখবার একটা ভীত্র আকাদ্যা পাঠক-পাঠিকা মহলে গোপনে বাসা পেঁধেছে। যতই তারা মনে-মনে আহত হোক, ত্রিপাঠীর উপন্তাস না পড়ে তাদের গতান্তর নেই। বিভালয়ের ছাত্রেরা পড়ে লুকিয়ে, শিক্ষক পড়েন ছাত্রদেব আড়াল করে টিফিনের ঘণ্টায়, মহিলারা পাঠ করেন ছ্প্রহরের স্থা-নিজা বিসর্জন দিয়ে—আর অফিসের বাবুরা পড়েন—ডেক্ষের ভেতর লেজার খাতায় লুকিয়ে।

এমন কাহিনীও ইদানিং শোনা গেছে যে, স্ত্রী পড়েন সামীকে লুকিয়ে এবং স্বামী পাঠ করেন স্ত্রীকে আড়াল করে। এইভাবে ত্রিপাঠীর উপত্যাস কত স্থাথের দাম্পত্য-জীবনকে যে তচ্নচ্করে দিয়েছে—পশ্চিম বাঙ্লা সরকার হিসেব রাখলে দেখতে পারতেন যে, তার সংখ্যা নগণ্য ত' নয়ই বরং ক্রমবর্ধমান!

ত্রিপাঠীর উপক্যাস প্রকাশের জন্ম প্রকাশক মহলে একটা রীতিমত প্রতিযোগিতা সুরু হয়ে গেছে। প্রত্যেক প্রকাশকই 'রয়ালটি'র মাত্রা বাড়িয়ে দিচ্ছেন আর প্রলোভন দেখাচ্ছেন, আমাকে ছাড়া আর কাউকে দেবেন স্থার! এমন 'গেট-আপ্' করে উপন্থাস ছাপবো যে, লোকের দেখে ভাক্ লেগে যাবে!

ত্রৈলোক্য ত্রিপাঠী মনে-মনে মৃচ্ কি হাসেন আর কলমের ডগায় আরো বেশী ধানী লঙ্কার গুড়ো মেশান।

প্রলোক্য তাঁর নিজের সঞ্চলে শনি-ঠাকুরের মতো একটা বিভীষিকা হয়ে উঠেছেন। প্রতিবেশিনী, প্রতিবেশীরা ভাবেন— তাঁদের স্বাইকে অপরূপ রূপসজায় সাজিয়ে তিনি উপস্থাসের পাত্র-পাত্রী সৃষ্টি করেন। কাজেই কেই তাঁব সঙ্গে মন-খুলে কথা কইতে রাজি নন্। অথচ তাঁদের পাড়ায় ত্রৈলোক্য বাস করেন এটাও সকলের পর্ম গর্বের বিষয়।

এই বিপ্রীতমুখী মনোভাব নিয়ে ত্রৈলোক্যের প্রতিবেশী ও প্রতিবেশিনীর দল স্বদাই হাসি আর অঞ্-সায়রে দোলায়মান!

ত্রিপাঠী ঠিক করে নিয়েছেন—ভালো হোক—মন্দ হোক,
মাঝানি গোক—প্রতাহ তিন ফুমা পরিমাণ লেখা তাঁকে প্রদব
করতেই হবে। নইলে প্রকাশক মহলের চাহিদা মেটানো শক্ত !
ইস্কুল-কলেজের ছেলেরা যেমন রচনায় হাত মক্স করে, ত্রিপাঠী
তেমনি সকাল-সন্ধোয় খাতা পেন্সিলেব সঙ্গে সমর স্কুল্ফ করে দেন।
যতবেশী লেখেন তারও অধিক লেখনী-আন্দোলন করেন। লিখ্তে
লিখ্তে চেয়ার ছেড়ে উঠে দাড়িয়ে ছইটি হাত মৃষ্টিবদ্ধ করে মহাশৃত্যে
কার বিরুদ্ধে আক্ষালন জানান!

্রিপাঠীর বাড়ীর আশে-পাশে যারা থাকেন তাঁরা এই সময়টায় ক্যামেরা নিয়ে অপেক্ষ। করেন—লেথকের ভাবাবেগের ছবি 'স্ন্যাপ্ সটে' তুলে নেবার জন্মে; এগুলি দেশের সাপ্তাহিক ও সিনেমার কাগজগুলি টিকা-টিপ্পনী সমেত প্রকাশ করে। তার ফলে আলোক-চিত্র গ্রহণকারীর বেশ কিছু লাভ হয়ে যায়।

সেদিন সন্ধ্যেবেলা ত্রৈলোক্য ত্রিপাঠী একটি নতুন ধরণের মনস্তত্ব-মূলক উপসাসে সবে হাত দিয়েছেন এমন সময় বাইরের ঘরের কড়া ঘন ঘন শব্দিত হয়ে উঠল।

বাড়ীতে তখন কেউ নেই, চাকরটাকে পাঠানো হয়েছে সিগারেট কেনবার জন্মে। ঘন ঘন ধোঁয়া না ছাড়লে ত্রিপাঠীর লেখা নাকি ভালো জমে না। কাজেই তাঁব টেবিলের ওপর থরে-থরে সাজানো থাকে নানা স্বাদের ও বিভিত্র গদ্ধের সিগার-সিগারেট। যখন ভাবাবেগ সপ্তমে গিয়ে পৌছয় ত্রিপাঠী চক্ষু মুদ্রিত করে তখন কেবল বিড়ি টানতে থাকেন।

নাঃ! কড়া নাড়ার শব্দটা ক্রমশঃ বিরক্তিকর হয়ে উঠছে। ত্রৈলোক্য চটি পায় দিয়ে দোতলা থেকে ফট্ফট্ করতে করতে নেনে এলেন একতলায় বস্বার ঘরে। হুড়কো খুলে দিতেই পল্লী অঞ্চলের কয়েকটি ভদ্রলোক তাঁকে ঘিরে দাঁডালো।

ত্রৈলোক্য প্রথমটা হক্চকিয়ে গেলেন। চোর-ছায়াচড় নয় ত! আজকাল কলকতো সহরের যা কাণ্ড-কারখানা হয়ে ইঠছে—কাইকেই বিশ্বাস নেই।

মুথ দেখেই লোক-চরিত্র অধ্যয়ন করতে পারেন বলে ত্রিপাঠীর একটা প্রকাণ্ডদান্তিকতা আছে। তিনি এক মুহূর্তের মধ্যেই সবাইকার মুখের দিকে একবার করে তাকিয়ে নিলেন।

নাঃ! মারাত্মক তেমন কিছু নয়।

সকলকার মূথে-চোথেট একটা 'বশস্বদ' বিনীতভাব যেন লেগে রয়েছে।

আশস্ত হয়ে তিনি সবাইকে আসন গ্রহণ করতে অমুরোধ করলেন। তারপর জিজ্ঞেস করলেন, কি তাঁদের প্রযোজন।

পল্লীবাসাদের মধ্যে একজন সহরাঞ্চলে থেকে চাকরী-বাকরী করেন এবং কলকাতার একটি মেসে অবস্থান করেন। তিনিই মুখপাত্র হিসেবে কথা স্থুক্ত করলেনঃ আজে, আমরা বিখ্যাত লেখক তৈলোক্য ত্রিপাঠীর সঙ্গে সাক্ষাৎ করতে এসেছি—

ত্রৈলোক্য শথা নেড়ে জবাব দিলেন, আমিই ত্রিপাঠী, আপনাদের কি দরকার আমাকে বলতে পারেন।

সবাই সবিনয়ে ত্রিপাঠীকে নমস্কার জানালেন। মুখপাত্র বল্লেন, দেখুন, আমরা গ্রামাঞ্চলের লোক। সেখানকার লোকে শুধু আপনার নামই জানে কিন্তু সাম্না-সাম্নি দেখে জীবন সার্থক করতে পারে না! তাই আমরা এক বিরাট সাহিত্য-সভার আয়োজন করেছি। আপনাকে গিয়ে পৌরোহিত্য করতে হবে।

ত্রৈলোক্য ত্রিপাঠীর হঠাৎ কি মনে হতে জ্বাব দিলেন, দেখুন, সহর অঞ্চলেই আমাকে বেশী সভাপতিত্ব করতে হয়। পল্লীর লোক যে আমার বই পড়ে সেটা জানা ছিল না। শুনে আনন্দিত হলাম।

ভদ্রলোক বিনয়ে একেবারে মাটির সঙ্গে মিশে গিয়ে কইলেন, আজে আপনি বল্ছেন কি! আপনার লেখা বই পল্লী অঞ্চলের লোকেরা পড়ে না এ আপনি মনেও স্থান দেবেন না! লোকে রামায়ণ-মহাভাবত ফেলে ছ'বেলা আপনার বই কঠস্থ করছে! আমাদের লাইবেরীতে প্রতি মাদে আপনার বই কেনা হয়।

এই মুখরোচক বার্তা শুনে ত্রৈলোক্য ত্রিপাঠী সত্যি পুলকিত হয়ে উঠলেন, বল্লেন, সত্যি, সহরে বাস করে গ্রামকে আমি প্রায় ভূলতেই বসেছি। পল্লী অঞ্চলে মাঝে মাঝে যেতে ইচ্ছে করে বৈ কি!

ভদ্রলোক জবাব দিলেন, আছে, আমাদের গাঁয়ে আপনার মতো লোকের পায়ের গ্লো পড়লে সত্যি আমরা ধন্ত হয়ে যাবো। এই সাহিত্য-সভায় আপনাকে অবিভিয় করে যেতে হবে।

কলকাতার রেশনের চাল আর আটা থেয়ে ত্রিপাঠীর মন-মেজাজ বিষিয়ে উঠেছিল। মনে-মনে ভাবলেন, গ্রাম দেশে গিয়ে যদি অন্তত হু' দিনও খাঁটি জিনিষ খেতে পান তবে দাত আর পেট নিশ্চয়ই বেশ আরাম বোধ করবে। তাই রসিকতা করে শুধোনেন, আপনাদের গাঁয়ে খাঁটি ছধ-ঘি মিলবে ত ?

মৃথপাত্র এইবার উৎসাহে চেয়ার থেকে উঠে দাড়ালেন। জিবে যতদূর সম্ভব জল এনে, গলাটী মোলায়েম করে জবাব দিলেন, আজে, সে কথা আর আপনাকে মৃথ ফুটে বলতে হবে না। আপনার সেবার ভার নেবার জন্মে গাঁয়ের লোক উৎস্থক হয়ে আছে। ক্ষেত্রের ধানের সরু চাল, পুকুরের মাছ, বাগানের টাট্ক। তাজা শাক সজ্জী—সহরের লোক আপনারা থাকে 'ভিটামিন' বলেন; এছাড়া কচি নধর পাঁটা, বাড়ীর বৌ-ঝিদের তৈরী খাঁটি গাওয়া ঘী, গোয়ালের গাইয়ের ঘন তুথের পায়েস, ছানা—যা আপনি ভকুম করবেন—

দীর্ঘ তালিক। শুন্তে শুন্তে গ্রিপাঠীব রসনাও লালা-সিক্ত হয়ে উঠেছিল। বল্লেন, ব্যস্! ব্যস্! যা' ফিরিস্তি আপনি দিলেন—
ভাতে সভাপতির ভাষণটা বিশেষ মুখরোচক হবে বলেই মনে
হচ্ছে—

সম্যতি লাভ করে পল্লী অঞ্চলের লোকেরা থূশী মনে মুথপাত্রের সঙ্গে প্রস্থান করলেন।

সেদিন রাত্রে ত্রৈলোক্য ত্রিপাঠীর নতুন উপক্যাসের প্রথম পরিচ্ছেদ আর ভালো করে জমে উঠতে পাবল না। তাঁব মনে রসালো খাছগুলি কেবলি আনাগোনা করতে লাগলো, এবং তিনি ইজি চেয়ারে শুরে জিব নেড়ে, মুখ চট্কে থেকে থেকে তাদেরই ধ্যান করতে লাগলেন!

যথাসময়ে সাহিত্য-সভার নির্ধারিত দিন এসে উপস্থিত হল।

তুপুরবেলা •সেই মুখপাত্র ভদ্রলোকটি ট্যাক্সি নিয়ে এসে হাজির
হলেন।

আজ ত্রৈলোকা ত্রিপাঠী একটু বিশেষভাবে সাজ-সজ্জা করেছেন।
সাহিতা-সৃষ্টিব ফাঁকে ফাঁকে শবীরকে একটু আয়েস দিতে হয়।
অনেকদিন বাদে বাঙ্লার পল্লী অঞ্চলে যাচেছন, অনেক কিছু মনের
খোরাক পাবেন, বহু বিচিত্র বাঞির সঙ্গে আলাপ-আলোচনা হবে,
ভাতে প্রচুর রসদ তিনি পাবেন সাহিতা সৃষ্টির অমুকূলে! আদির
গিলে করা পাঞ্জাবী, শান্তিপুরী ধৃতি, পাম্প স্থ, স্ফেটা এত বেশী
চক্চকে করা হয়েছে যে নীচু হ'লে দিবি৷ আয়নার কাজ কলে—মানে
মুখ দেখা যায়। ফিনফিনে উড়নী জড়িয়ে নিয়েছেন আদির পাঞ্জাবীর
ওপর। তাঁর পাশে এসে দাঁড়ালে বেশ বোঝা যাবে যে, তিনি
'সেন্ট' মাখ্তেও ভুল করেন নি।

ত্রিপাঠী-গৃহিণী রসিকতা করে বাকা চোথে তাকিয়ে ফোঁড়ন দিলেন, এই বয়সে যে ভাবে নব-কার্তিকটি সেজে যাচ্ছো—দেখো, আবার ভুল করে আমার জন্মে একটি সতীন যোগাড় করে এনো না! ত্রিপাঠীও কৌতুক কঠে জবাব দিলেন, সহরের মেয়ের সঙ্গে ত অনেকদিন প্রেমালাপ করা গেল, এখন পল্লী বালার পাণিপীড়ন করলে দোষ কি গ নতুন প্রেরণা হয়ত সেই অনাছাত পুষ্পই দিতে পারবে।

ত্রিপাঠী গৃহিণীও ছাড়বার পাত্র নন। বল্লেন, সেই পল্লী-বালা-রূপ পুষ্পে কীটও ত' থাক্তে পারে! খুব বুঝে-শুনে সাভাণেব চেষ্টা কোরো।

রস আর কৌতুকে উচ্ছুসিত হয়ে ত্রৈলোক্য ত্রিপাঠী 'সভাপতির অভিভাষণ' প্রেটে নিয়ে মুখপাত্রের সঙ্গে ট্যাক্সিতে উঠলেন।

এমন অভিভাষণ তিনি রচনা করেছেন—যা শুনে পল্লী অধিবাসীরা স্তব্ধ হয়ে থাক্বে—মানে তাঁকে আরো বেশী ভয়-ভক্তি করতে শিথবে।

ত্রৈলোকা জিজেদ করলেন, কোন মেইলে আমরা যাবে। १
মুখপাত্র সবিনয়ে জবাব দিলেন, আজে মেইল কোথা পাবো আমরা १
'মার্টিন' লাইনেই আমাদের যাতায়াত। আমরা পাড়ার্গায়ের
লোক হতে পারি কিন্তু আদর আপ্যায়নে আমাদের কিছুমাত্র ক্রটি
ধবতে পাববেন না। মার্টিন লাইনের কথা শুনে ত্রৈলোক্য
ত্রিপাঠীব মনটা একটু দমে গেলেও ছ্ধ-ঘা, মাছ-মাংদের আশায়
বেশ খানিকটা চাঙা হবার চেঠা করলেন।

প্রথম শ্রেণী হলে কি হবে ? একেবারে ছারপোকার ডিপো।
আর এমন একটা বদ্ শুট্কি মাছের গন্ধ গাড়ীর ভেতর থেকে
বেরুছে যে, অন্প্রাশনের অন্ন প্রয়ন্ত উঠে আসবার উপক্রম হল !

কিন্তু তিনি সাহিত্য-সভায় সভাপতিত্ব করতে যাচ্ছেন—বিচলিত

তাঁকে হলে চল্বে না! বিচিত্র পরিবেশের মধ্য দিয়ে চলাই ত' সত্যিকারের জীবন! তবু মনটা গেকে থেকে খুঁত-খুঁত করে উঠ্ল যে, আদির পাঞ্জাবী আর শান্তিপুরী ধূতি না পরে এলেই হত!

প্রেশনের পব প্রেশন চলে যাচ্ছে—মভুত তাদের নাম। কিন্তু সেদিকে তাঁর জ্রাক্রেপ নেই। বহুকাল পরে তিনি পল্লী-সঞ্চলে যাচ্ছেন—,কী ভাবে সেথানকার লোকে তাঁকে মভ্যর্থনা জানাবে, কে তার গলায় মালা পরিয়ে দেবে, কোন ধনবান গৃহস্তের গৃহে তাঁকে সবাই তুলবে—চোথ বন্ধ করে তিনি সেই সবই আপন মনে ছবি একে যাচ্ছিলেন। এইভাবে কত সময় যে কেটে গেছে সে বিষয়ে তাঁর বিন্দুমাত্রও হুঁদ্ ছিল না।

হঠাৎ মুখপাত্রের বিনীত আহ্বানে তার চমক ভেঙে গেল, তিনি আত্মস্থ হয়ে চোখ মেলে উঠে বস্লেন।

- —আজে, এইবার আস্ছে আমাদের ক্টেশন—আপনি তৈরী হযে নিন্—মুথ ব্যাদান কবে মুখপাত্র জানালেন।
- —প্তেশনটার নাম কি ? আলস্যভরে জিজ্ঞেস করলেন ত্রৈলোক্য ত্রিপাসী।
- —আজ্ঞে 'নাকে-দড়ি'—ঠিক আগেরই মতো একাস্ত অনুগত বশস্বদের স্থায় উত্তর দিলেন মুখপাত্র।

এইবার চমকে উঠ লেন— তৈলোক্য তিপাঠী।

চোথ ছুটে। বড় বড় করে শুধোলেন, নাকে-দড়ি ? কৈ সে ক**থা** ত' সাপনি আমাকে আগে জানান নি !

অধিকতর বিনয়ের ভান করে মাথাটা মুইয়ে মুখপাত্র জবাব

দিলেন, আজে, আপনি ত' আমাদের গ্রামের নাম জিজেদ করেন নি!

—তা বটে! ত্রিপাঠি ভাবিত হয়ে পড়লেন। অত্যধিক ধ্ম উল্গীরণ করে এবং দীর্ঘ নিঃখাস ছেড়ে গাড়ী হাঁফাতে হাঁফাতে এসে নাকে-দড়ি ষ্টেশনে উপস্থিত হল।

হাটু পর্যন্ত কাদা মাথা একদল ছেলে প্ল্যাটফর্মে দাড়িয়ে ক্রমাগত চীৎকার কর্ছিল "ত্রৈলোক্য ত্রিপাঠী কী জয়।"

ত্রিপাঠী শঙ্কিত হয়ে জিজ্ঞাসা করলেন, ব্যাপার কি আপনাদের ? শ হাঁটু পর্যন্ত কাদা মেথে এরা সাহিত্য-সভা করনে ত্লাকি ?

মুখপাত্র মুখে স্মিত হাসি টেনে জবাব দিলেন, আছে সাইছিত্য-সভা ত' নয়, ফুটবল খেলা! আর খানিকক্ষণ আগে এক পশলা বৃষ্টি হয়ে গেছে কি না—পাড়া গাঁয়ের রাস্তা—বুঝতেই পারছেন!

তৈলোকা ত্রিপাসী রাগে একেবারে ফেটে পড়লেন !—সাহিতা-সভা নয়, ফুটবল খেলা। তা আমি কি করবো! আমায় কেন মিছিমিছি টেনে নিয়ে এলেন এখানে ?

— আজে আপনাকেই ত' রেফাবীগিরি করতে হবে! নামকরা লোক না হলে ছেলেদের মন ওঠে না! অথচ এই পাড়া গাঁয়ে কেট আস্তে রাজি হয় না। তাই বাধ্য হয়ে সাহিত্য-সভার নাম করে আপনাকে নিয়ে এসেছি। আমার অপরাধ নেবেন না স্থার! কল্কাভায় থেকে চাকরি করি বলে গাঁয়ের ছেলেবা স্বাই আমাকেই মুখপাত্র ঠিক করেছে। তাই নিজের একটা বৃদ্ধির ক্যারামতি দেখিয়ে দিলাম!

হি-হি শব্দে মুখপাত্র তাঁর সাম্নে বত্রিশপাটি দাঁত বিকশিত করে হাসতে লাগলেন।

ত্রিপাঠীর পায়ের বুড়ো আঙ্গুল থেকে মাথার চুলের ডগা পর্যন্ত যেন বিত্যুৎ-প্রবাহ খেলে গেল। তিনি দেশের মান্তুষকে শ্লেষ-বিদ্রূপ করে কোন্ঠাদা করে রাখেন আর দামান্ত অজ-পাড়াগাঁয়ের এক বিকৃত-বদন-ব্যক্তি তাঁকে নাকে দড়ি দিয়ে ঘোরাচ্ছে!

চোথ পাকিয়ে ত্রিপাঠী হুংকার দিয়ে বল্লেন, আমি এখান থেকে এক পা-ও নডবো না!

বিনীত ভাবে হাত কচ্লে মুখপাত্র বল্লেন, দেখুন, ত্রিপাঠী নশাই, এখন আমাদের রাজ্যে এসে পড়েছেন—বেশী ট্টা-ফোঁ করলে একেবারে জ্যান্ত পুঁতে ফেল্বো, কাক-পক্ষীতেও জান্তে পারবে না। তাই বিন্দুমাত্র আপত্তি না করে যা বলছি শান্ত-শিষ্ঠ স্থবোধ ছেলের মতো করে যান। প্রাণে বাঁচবেন, আর আপনার সম্মানও বজায় থাক্বে।

ত্রৈলোক্য ত্রিপাঠী চারদিকে একবার তাকিয়ে দেখলেন, ইতিমধ্যে সন্ধ্যের আঁধার ঘনিয়ে আস্ছে। দূরে শেয়ালের ডাকও শোনী যাচ্ছে।

ওদিকে প্লাটফর্ম থেকে ছেলের দল চীংকার করে উঠল, নেমে আসুন ত্রিপাঠী মশাই, আমরা আপনাকে কাঁধে করে মাঠে নিয়ে যাবো। সঙ্গে সঙ্গে একটি ছেলে ছুটে এসে তাঁর গলায় একটি জবা ফুলের মালা পরিয়ে দিলে। মনে হল, আদ্দির পাঞ্জাবীতে জবা ফুলের দাগ লেগে তার শুভ্রতে কলঙ্কের কালিমা একৈ দিলে!

ত্রৈলোক্য ত্রিপাঠী নিজেকে অত্যস্ত বিড়ম্বিত বলে মনে করলেন। কথায়—বলে "পড়েছ যবনের হাতে—খানা খেতে হবে সাথে।"

আপত্তি করে কোনো লাভ নেই—তাই তিনি সম্পূর্ণভাবে ছেলেদের হাতে আত্ম-সমর্পণ করলেন।

্তারা নীচে দল বেঁধে এই স্থােগেরই প্রতীক্ষা করছিল।

হ'জন জাঁদরেল ছেলে এক ঝাঁকুনীতে তাঁকে কাঁধের ওপর



তুলে নিলে। সঙ্গে
সঙ্গে অন্য সবাই
আকাশ ফাটা চীংকার
করে উঠল—
"ত্রৈলোক্য ত্রিপাঠী
জিন্দাবাদ!" কয়েকটি
ছেলে আবার দ্র
থেকে শিবা-কঠে
জিগির দিলে—"বল
হরি—ছরিবোল।"

ত্রিপাঠী মশায়ের তখন গৃহিনীর রসিকতারকথা মনে পড়ে গেল,—সেই

সতীন জোগাড় করে নিয়ে যাবার কথা!

কিন্তু এ যে একেবারে পাণ্ডব-বর্জিত দেশে গঙ্গা যাত্রার আয়োজন! ত্রৈলোক্য ত্রিপাঠীর মনে যে আলোড়নই জাগুক, ছেলেদের উৎসাহ তার চাইতে অনেক বেশী। তারা হুম্-হুম্ শব্দে তাঁকে একেবারে খেলার মাঠে নিয়ে এসে ধপাস্ করে নামিয়ে দিলে। খানিকটা কাদা ছিটকে উঠে ত্রিপাঠীর মুখে-চোখে লেগে গেল—কিন্তু উৎসাহ-উদ্দীপনার প্রাবল্যে সে ব্যাপারে কারো বিন্দুমাত্র দৃষ্টি নেই!

তৈলোক্য ত্রিপাঠী চেয়ে দেখলেন, মাঠে কাদা-জল থৈ-থৈ করছে, আর কতকগুলি ছেলে উন্মাদের মতো তারই মধ্যে ছুটোছুটি সুরু করে দিয়েছে।

মূথপাত্রের বিনীত ভাবটা আবার ফিরে এসেছে। তিনি ইতিমধ্যে ত্রৈলাক্যের সম্মুখীন হয়ে বল্লেন, আছে, এর পর বড্ড অন্ধকার হয়ে যাবে— আপনি খেলাটি স্থুক্ত কবিয়ে দিন।

ত্রৈলোক্য ব্ঝলেন, আপত্তি জানিয়ে কোনো লাভ নেই। তাই তিনি মরিয়া হয়ে প্রশ্ন করলেন, ফুটবল ম্যাচ ত' হবে—কিন্তু বল কোথায় তোমাদের ?

পরম উৎসাহে কয়েকটি ছেলে ছুটে গিয়ে গোটা কয়েক বাতাবী লেবু এনে মাঠের মাঝখানে ফেলে দিলে; বল্লে, আমাদের কিন্তু সহরের মতে। গাঁটের কড়ি খরচ করে ফুটবল কিনতে হয় না। গাছে ফলে আমাদের বল; যত খুশী খেলো, আবার ফেটে গেলে তক্ষুনি বদ্লে নেয়া চলে।

ত্রিপাঠী আবার বুঝলেন, তিনি তাঁর লেখনীতে যতই ঝাল মেশান এখানে তাঁর জারিজুরি একেবারেই খাটবে না। প্রতিবাদ করে কথা বলতে গেলে গাট্টা খেতে হবে! স্থতরাং সর্বনাশ উপস্থিত হলে অর্ধেক ছেড়ে দেয়াই পণ্ডিতের উপদেশ! তিনি যদি গিলে করা আদির পাঞ্জাবী আর শান্তিপুরী ধুতির মায়া কংতে যান তবে প্রাণ তাঁর থাকবে না। ইতিমধ্যে চক্চকে পাম্পস্থর দশা যে কী হয়েছে সেটা আড় চোথে একবার দেখে নিয়েছেন!

মুখপাত্র বল্লেন, মালকোঁচা মেরে নিন্ ত্রিপাঠী মশাই, নইলে সারা মাঠে আপনি রেফারী হয়ে ছুটোছুটি করবেন কি করে দু

ম্থপাত্রের দিকে ত্রিপাঠী একবার তাকালেন। আগেকার মুনিঋষির মতো তার যদি ভন্ম করবার ক্ষমতা থাকতো তবে মুথপাত্র
এক গাদা ছাইয়ে পরিণত হয়ে যেতেন! কিন্তু শৈষ পর্যন্ত কিছুই
হল না,—বিখ্যাত ওপত্যাসিক ত্রৈলোক্য ত্রিপাঠী সত্যি সালিকোঁচা মেরে কাদায় ভরা মাঠে বাতাবি লেবুর ফুটবল প্রতিযোগিতায়
রেকারি হয়ে ঝাঁপিয়ে পডলেন!

যেখানে-দেখানে কাদা গোলার মধ্যে বাতাবি লেবু এসে পড়ে আর ত্রিপাঠী মশায়ের যে মূর্তি হয় তা দেখলে তাঁর ষে কোনো ভক্ত একেবারে মূর্চ্ছা যেতো! কিন্তু এখানে খবরের কাগজের কোনো রিপোর্টার কিংবা ক্যামেরাম্যান নেই যে, বিবরণী দেবে—বা ফটো তুলে নেবে!

স্থৃতরাং তৈলোক্য ত্রিপাঠী একেবারে প্রাণপণে রেফারী হয়ে ছুটোছুটি করতে লাগলেন—একবার একটি 'পেনালটি সট্' ছুটে গিয়ে ঘোষণা করতে গিয়ে যাকে বলে একেবারে পা পিছলে আলুর দম!

'হাফ টাইম' হতে সবাই তাঁকে ঘিরে দাড়াল। ছেলেরা বল্লে ত্রিপাঠী মশাই, হুটো লেবু খান, আপ'ন গোটা মাঠটা ছুটোছুটি করেছেন! লেবু না খেতে বলে যদি খাবি খেতে বলা হত তাহলেই বোধ করি সত্যিকারের বৃদ্ধিমানের কাজ করা হত। ত্রিপাঠী মশাই কাষ্ঠ-হাসি খেসে জবাব দিলেন, কিছুই খেতে হবে না ভাই! তোমাদের সঙ্গে মাঠে নেমে যে প্রেরণা পাচ্ছি তা আমি ভাষায় জানাতে পারবো না! মনে হচ্ছে— যেন আবার হারানো ছেলেবেলা ফিরে পেয়েছি!

ছেলেশ প্রবল উত্তেজনায় জয়ধ্বনি করে উঠল, "জয় ত্রৈলোক্য ত্রিপাসীর জয়।" মাঠের কাদা ছিটিয়ে সমবেত জনতা সেই জয়-ধ্বনির সমর্থন জানালো।

ত্তি পাশাপাশি গ্রামের টিমের মধ্যে জার প্রতিযোগিতা চলছিল। একপক্ষ যদি গোল দেয় তবে অন্তপক্ষের সমর্থক দল রেফারীর মাথা ভাঙতে কিস্থা ঠ্যাং খোঁড়া করতে ছুটে আসে!

অতি সাবধানে ত্রিপাঠী মশাই ডাইনে-বাঁয়ে, সামনে-পেছনে তাকিয়ে গুরু-দায়ির সমাধা করতে লাগলেন। কোন উপত্যাসে জটিল সমস্থা সৃষ্টি করবার ব্যাপারেও তাঁকে এত বেশী মাথা ঘামাতে হয় নি! আর যাই হোক পৈত্রিক প্রাণটী নিয়ে বাড়ী ফিরতে হবে ত'! নইলে যে গৃহিণীর হাতের নোয়া আর শাঁখা কোনো মতেই অক্ষুপ্প থাকবে না। নিজের জন্ম না হোক তাঁর স্ত্রার জন্মেই তাঁকে জীবন ধারণ করতে হবে। বেচারীর আবার মংস্থহান-অর মুখে রোচে না। হায় নারি, তুমি যদি জানতে যে কোথায় ত্রৈলোক্য ত্রিপাঠী সভাপতিত্ব করতে যাচ্ছেন তা হলে বৃন্দাবনের রাধার মতো তাঁর ট্যাক্সির টায়ার ধরে পড়ে থাক্তে, কিছুতেই ষ্টেশনের দিকে এগুতে দিতে না!

বাঙলা দেশের খ্যাতনামা লেখক ত্রৈলোক্য ত্রিপাঠীর চোখের জ্বল 'নাকে দড়ি' গ্রামের কাদা ভরা মাঠে ঝরে পড়ল ইতিহাসে তার কোনো সাক্ষ্যই আর রইল ন।!

যে লেখক হাজার হাজার পাঠককে নাকে দড়ি দিয়ে ঘুরিয়ে চোখের জল ফেলতে বাধ্য করেছেন—তাঁর আজ এই দশা!

একেই বলে প্রকৃতির প্রতিশোধ !

তব্ ত্রিপাঠী মশায়ের ধৈর্য্যের প্রশংসা করতে হবে। কেননা তিনি ব্ঝে নিয়েছিলেন যে, এখানে মাথা ঠিক রাখা একান্ত প্রয়োজন; নইলে পাড়াগাঁয়ের ডাণ্ডার কাছে মাথার মায়া একেবারে ত্যাগ করতে হবে।

ত্রৈলোক্য ত্রিপাঠীর ভাগ্য ভালো বলতে হবে। ছুই পক্ষই ছুটি করে গোল থেয়েছে। কেউ আর শেষ পর্যন্ত শোধ দিয়ে খেলার গতি অন্তদিকে ফিরিয়ে দিতে পারল না।

যে কোন একটি পক্ষ যদি জয়ল।ভ করত—ভবে বিজ্ঞিত পক্ষ এসে যে ত্রিপাঠী মশায়ের মাথা ভেঙে দিত সে বিষয়ে সন্দেহের আর বিন্দুমাত্র অবকাশ নেই।

কিন্তু সমান ফল হওয়ায় ত্রিপাঠী মশায়ের গাদর ছই দলেব কাছে অব্যাহত থাক্ল এবং ছটি দলই তাঁকে টানাটানি করতে লাগলো খাওয়ার জন্মে।

গ্রামের মুখপাত্র মশাই খাওয়া-দাওয়া সম্পর্কে মিথ্যে গুমোর করেন নি। থেলা শেব হবার সঙ্গে সঙ্গে জল থাবারের যে আয়োজন চোখে পড়ল তা দেখে কল্কাতার রেশনের মানুষ ত্রৈলোক্য ত্রিপাঠীর চোথ ছটি একেবারে গোলালু হয়ে উঠ্ল! বাগানের বহুবিধ ফল—আর সেই সঙ্গে ছানার পায়েস থেকে স্বুক করে বহুরকম ঘবে তৈরী মিষ্টি।

ঔপন্যাসিক মশাই মনে মনে ভাবলেন, এই মুখরোচক পদার্থগুলি পুঁটুলি বেঁধে সঙ্গে নিয়ে গেলে মন্দ হত না! তব্ এতক্ষণ ধরে খেলোয়াড়দের সঙ্গে সারা মাঠ চয়ে তাঁর ক্ষিদেও পেয়েছিল খুব, স্মৃতরাং বেশী বাক্য-ব্যয় না করে ডানহাতের কাজ বেশ ভালোভাবেই সুরু করে দিলেন।

রান্তিরে আবার তুইদলে কথা কাটাকাটি আরম্ভ হল—'রেফারী' কোথায় নৈশ-ভোজ সমাপ্ত করবেন—তাই নিয়ে। একদল যদি বলে, আমরা পুকুর থেকে বড় বড় মাছ ধরিয়েছি—অমনি অপর পক্ষ হংকার দিয়ে ওঠে, আমাদের পাঁটা কাটা হয়ে গেছে! কথা কাটাকাটি থেকেই হাত গুটোনো—তারপরই প্রায় ঘুষোঘুষি স্কুক্ত হয় আর কি! ত্রিপাঠী মশাই মারখানে পড়ে বল্লেন, তু' দলের রালাই এক জায়গায় বসে খাবো,—কারো কোনো ক্লোভ রাখবোনা। প্রাণ যদি যায় তবে থেয়েই যাক্।

তুই দল তখন মহা খুশী!

কল্কাতায় ফিরে এসেই ত্রৈলোক্য ত্রিপাঠী একটি বিবৃতি সব কাগজে পাঠিয়ে দিলেন। ছাপা হলে দেখা গেল—তাঁর বিবৃতিটি এই রকমঃ

বাঙলা দেশে সাহিত্যকে কেন্দ্র করে সকলেরই অল্প-বিস্তর অর্থাগম হয়; সাহিত্য-স্ষ্টির ব্যাপারে দগুরীও তাঁর পারিশ্রমিক পেয়ে থাকে। কিন্তু স্রষ্টা-সাহিত্যিক সাহিত্য সভায় বক্তৃতা দিয়ে কিংবা সভাপতিত্ব করে একটি কানাকড়িও লাভ করতে পারেন না।
তাই আমি ঘোষণা করে দিচ্ছি যে, আজ থেকে প্রতি সভায়
সভাপতিত্বের জন্মে নগদ ১০১ টাকা দক্ষিণা গ্রহণ করবো।
ডাক্তার যদি ফী নিতে পারেন, সাহিত্যিক কি দোষ করলেন তা
আমি বৃঝ্তে পারি না! তাঁর সময়ের মূল্য আরো বেশী। আরো
একটি জরুরী ঘোষণা আছে। পল্লী-অঞ্চলে সভাপতিত্ব করতে
হলে সেই প্রতিষ্ঠান সাহিত্যিকের জীবন-বীমা করতে বাধ্য থাকবেন।
বলাবাহুল্য প্রিমিয়াম উক্ত প্রতিষ্ঠানকেই যোগাতে হবে। অলমিতি
বিস্তরেণ।

শ্রী**ত্রৈলোক্য ক্রিপাঠী** (সাহিত্য ধুরন্ধর )



তিসির কারবারী হরিহর ভাণ্ডারী যথন বৃদ্ধ বয়দে দেহরক্ষা করলেন পাড়ার পাঁচজন বিশেষ উৎসাহিত হয়ে উঠেছেন বলেই মনে হল।

হরিহরবাব সারাজীবন ব্যবসা চালিয়ে টাকা জমিয়েছেন যেমন প্রচুর, তেমনি তার বয়সেরও গাছপাথর ছিল না। পাড়ার মাতব্বরেরা সাম্নে থাতির করত, আর আড়ালে-আবডালে বলত, বুড়ো অক্ষয় পরমায়ু নিয়ে এসে যথের ধন আগলাচ্ছে। মরলে যে শ্রাদ্ধে ভরপেট লুচি-মণ্ডা থাৰো—তার কোনো হদিশই পাওয়া যাচ্ছে না।

দেই হরিহরবাব্ যখন স্বাধীনতা দিবসে নশ্বর দেহ ত্যাগ ক'রে চিত্রগুপ্তের কাছে সারা জীবনের হিসেব-নিকেশ দিতে চলে গেলেন তখন একজন বৃদ্ধ দীর্ঘনিশ্বাস ত্যাগ করে অভিমত প্রকাশ করলেন— আহা! স্বাধীনতার হাওয়া ভদ্রলোকের সইল না। একে প্রচুর টাকার গরম তায় স্বাধীনতার উত্তাপ, হরিহরকে পটল তুল্তেই হল!

হরিহরের একমাত্র ছেলের নাম হচ্ছে রামহর। কিন্তু মুক্ষিল হ'ল এই যে, রামহর ম্যাট্রিক পাশ করে মাদ ছয়েক কলেজে যাতায়াত করেই স্থির করে ফেল্ল যে, 'রামহর' নামটি অতি দেকেলে। কাজেই বিশ্ববিভালয়ে আবেদন জানিয়ে দে রাতারাতি দেই পচা পুরোনো দেকেলে নামটি পরিবর্তন ক'রে নিজের নতুন নামকরণ করলে 'ঝিলিক'।

হরিহরের মৃত্যুর পর ঝিলিক ভাণ্ডারী পাড়াব 'হিরো' হয়ে উঠল।

পাড়ায় সার্বজনীন ছুর্গোৎসব হবে—ঝিলিক ভাণ্ডারী তার অভার্থনা-সমিতির সভাপতি। পাড়ার ছেলেরা অবৈতানক নাট্য-সম্প্রদায় গড়বে—ঝিলিক ভাণ্ডারী তার পরিচালক; এতদিন সেই অঞ্চলে যে পাঠশালাটা টিম্টিম্ করছিল—বুদ্ধিমান পণ্ডিতমশাই একদিন সন্ধ্যাবেলা গিয়ে ঝিলিককে তার সেক্রেটারী করে দিয়ে

এলেন। অন্ততঃ মাস গেলে পণ্ডিতমশাই নিজের মাইনেটা থেকে বঞ্চিত হবেন না।

এমনি ভাবে সকল দিক থেকে সবাই মিলে যখন ঝিলিকের তরুণ মাস্তচ্চ চর্বন করতে তৎপর হয়ে উঠেছে, ঠিক সেই সময় রঙ্গমঞ্চে আবিভুতি হল—ঝিলিকের ছোটমামা বৃন্দাবন।

বুন্দাবন এদে তার দিদিকে বোঝালে যে, ভাণ্ডারীমশাই পরিণত বয়েসেই পরলোকের ডাকে চলে গেছেন—সেজন্য শোক করবার কিছু নেই। কিন্তু সাত-ভূতে মিলে তার ভাগ্নের কচি মাথাটা সে চিবিয়ে খাবে সেটা সে কিছুতেই বরদান্ত করবে না। আর সেইজন্য সে তার সমস্ত কাজ-কর্ম আর ব্যবসা-বাণিজ্য ফেলে দিদির এই বিপদে না এদে থাকতে পারে নি।

সত্যি কথা বলতে কি, বাপের মৃত্যুর পর থেকে ঝিলিক যে ভাবে তু'হাতে টাকাগুলি 'নয়-ছয়' করছিল তাতে ঝিলিকের মা বিশেষ শঙ্কিতই হয়ে পড়েছিলেন। এখন ভাইকে নিজের পাশে দেখে আকাশের চাঁদ যেন হাতের মুঠোয় খুঁজে পেলেন!

— বৃন্দাবন এসে পড়েছে, এখন সেই আমাদের ভরাড়বি থেকে বাঁচাবে— এই রকম একটা ভাব হরিহব গৃহিণীর মুখে ফুটে উঠল।

দিদিকে নিশ্চিন্ত করে বৃন্দাবন ভাগ্নের খোঁজে বৈঠকখানায় এসে হাজির হল।

বয়েস হতেই ভাগুারী মশাই অবশ্য কারবার গুটিয়ে নিয়েছিলেন। কেননা, নিজের হাতে অপর কেউ এসে তামাক খেয়ে যাক্ এটা তিনি আদপেই পছন্দ করতেন না। কিন্তু বিভিন্ন ব্যাক্ষে তাঁর

সঞ্চিত অর্থ যে ক্রমাগত ছা-পো বিয়িয়ে চল্ছিল সে কথা কারো অজানা ছিল না!

দান-ধ্যান করাটাকে তিনি অপব্যয় বলেই মনে করতেন; তার ক্রভঙ্গিকে ভয় করে ভিথিরী-বষ্টুমেরা বাড়ীর ত্রি-সীমানায় ঘেঁষত না! এহেন ভাণ্ডারী মশায়ের বৈঠকখানা এখন বঙ্কিমী ভাষায়—"কাক-সমাকুল বটবুক্ষের ন্যায় সর্বদা শব্দিত হচ্ছিল।"

বৃন্দাবন ত্ব'দিন ভাগ্নের মজলিসে যোগদান ক'রে ব্ঝতে পারল বে, ভাগ্নের প্রকৃত 'প্রাইভেট সেক্রেটারী' হচ্ছে— চঞ্চল বলে একটি ছেলে—শ্রীমানেরই কলেজের সহাধ্যায়ী।

বিভিন্নমুখী আলোচনায় মজলিস-কক্ষ ক্ষণে-ক্ষণে মুখরিত' হয়ে উঠ ছিল।

আলোচনার বিষয়—রেশন, মন্ত্রিমণ্ডলী, সিনেমা, মোহনবাগান, দাঙ্গা থেকে স্থক করে স্থানূর ষ্ট্যালিন পর্যন্ত বিস্তৃত ছিল। কোন্দিন যে কোন্ বিষয় প্রাধান্ত লাভ করবে সেটা আগে থেকে বলা শক্ত। আবহাওয়া-ঘোষণাকারীদের ভবিন্তং-বাণীকে বার্থ করে দিয়ে ঝড়-বৃষ্টির রাস্তা যেমন অন্ত দিকে ধাবিত হয়, ঠিক সেই রকম এই মঙ্গলিসের আলোচ্য বিষয়ের 'ব্যারোমিটার' কোনো আইনকাম্বন না মেনে অকাবণেই ওঠা-পড়া করতে থাকে।

বৃদ্ধিমান বৃন্দাবন বুঝতে পারল যে, এই 'ব্যারোমিটার'কে
নিয়ন্ত্রণ করতে হলে সকলের আগে চঞ্চলকে হস্তগত করতে হবে।

কাজেই ভাগ্নেকে আয়ত্তে আনবার আগে চঞ্চলের সঙ্গে সে গায়ে পড়ে ভাব জমিয়ে ফেল্লে।

প্রতিদিনকার মজলিসে যে ধুমায়িত চা আর তপ্ত চপ্-কাট্লেট্

সরবরাহ করা হয়—তার আদেশ দেবার মালিক হচ্ছে—চঞ্চল। কাজেই ভাগ্নের মজলিসের দাবা খেলায় শ্রীমান চঞ্চল হচ্ছে আসল 'মন্ত্রী'। এই মন্ত্রীটিকে সর্বাগ্রে হস্তগত করা দরকার।

বৃন্দাবন খবর নিয়ে জান্ল যে, কুঞ্চিত কেশধারী স্থদর্শন চঞ্চল অতি সাধারণ ঘরের ছেলে এবং সংসারে তার অভাব আছে।

কোনো রকম ভূমিকা না করে সরাসরি সে একদিন চঞ্চলের বাসায় গিয়ে উপস্থিত হল।

ঝিলিকের মামা তার ৰাসায় গিয়ে হাজির হয়েছে— চঞ্চল কোঁথায় তাকে বসাবে, কি খেতে দেবে ঠাহর করতে না পেরে **হক্-**চকিয়ে যায়।

বৃন্দাবন মৃত্ হেসে বল্লে, কিচ্ছু তোমার ব্যস্ত হতে হবে না ভায়া, ঝিলিকের বন্ধু তুমি···তুমিও আমার ভাগ্নে, বুঝলে ?

চঞ্চলও ইতিমধ্যে কানা-ঘুষা শুনতে পেয়েছিল যে, মাতুল বৃন্দাবন অভিভাবক হিসেবে ঝিলিকের বিরাট সম্পত্তির রাশ টেনে ধরবে। নেহাৎ বরাৎ থারাপ হলে ওথানকার অগ্ন-জল বন্ধ হয়ে যেতেও পারে। স্থতবাং মাতুলকে যে খুশী করা প্রয়োজন, সে কথা কদিন থেকেই সে ভাবছিল।

চঞ্চলের পক্ষে এ একেবারে মেঘনা চাইতেই জল। স্থৃতরাং বৃন্দাবনের স্থেহসিক্ত হবার আকাজ্জা চঞ্চলের পক্ষে খুবই স্বাভাবিক। নইলে আব্-হোসেনের বাদশাগিরি ছ'দিনেই খতম হয়ে থেতে পারে।

পাঁচ মিনিট আলাপের পর বৃন্দাবন আর চঞ্চল স্বস্তির নিঃশ্বাস

ফেলে বৃঝতে পারল যে, তারা রতনে-রতন চিনেছে! ভাবনার আর কোন কারণ নেই।

তখন বৃন্দাবন চঞ্চলের বাবার হুঁকোটা ধরিয়ে নিয়ে আমেজ ক'রে হুটো স্থুখটান দিয়ে বল্লে, তবে বলি শোনো বাবাজি, ছুটি প্রাণের কথা তোমায় কই। বড় লোকের ছেলে, প্রচুর টাকা। এ ক্ষেত্রে যা হয়ে থাকে তাই হবে। হবে ভূতের বাপের শ্রাদ্ধ। পাড়ার স্বাই যদি লুটে-পুটে নেয়—আমারই বা বাদ যাবো কেন ?

সাহস পেয়ে চঞ্চল বলে, সে ত' সত্যি কথাই মামাবাবু।

হা-হা ক'রে অট্টহাস্থে ভেঙে প'ড়ে বৃন্দাবন জবাব দিলে, মিছে কথা বৃন্দাবন কয় না, এইটুকু তুমি জেনে রাথো বাবাজি। দ্বিজু রায় কি বলে গেছেন জানো ত ং

#### "হরির কুপায় দশজনে খায় আমরা কেন গো খাব না ?"

তাই আমাদের ত্'জনের খাবার ব্যবস্থা ভালো ক'রে করতে হবে। তবে এটা তুমি জেনো বাবাজি যে, আমার ভাগ্নের তাতে কিছুমাত্র ক্ষতি-বৃদ্ধি হবে না। সমুদ্রের জল—এক গণ্ডুষ গেলেই বা কি, থাক্লেই বা কি?

চঞ্চল এইবার একটু রসিকতা করৱার চেষ্টা ক'রে বল্লে, আজে হ্যা, যাকে বলে বোঝার ওপর শাকের আঁটি।

অট্হাস্তে নিজের সমর্থন জানিয়ে বৃন্দাবন পুনরায় ঘন-ঘন হুঁকো টেনে ধোঁয়ায় চতুর্দিক আচ্ছন্ন ক'রে ফেল্লে।

চোথে-মুথে তার কৌতুক নেচে বেড়াতে লাগল। বৃন্দাবন পুনরায় স্থক্ষ করলেঃ তোমার সঙ্গে 'প্যাক্ট' যখন হয়ে গেল তথন আমার প্ল্যানটা শুনে রাখো বাবাজি। আমি যখন প্রস্তাব তুল্বো তোমাকেই তা সমর্থন করতে হবে।

চঞ্চল শুধোলে, প্র্যানটা কি বলুন ত' মামাবাবু—! বৃন্দাবন গলা খাটো ক'রে বল্লে, সিনেমা কোম্পানী খুলতে হবে—হা-হা-হা-

চঞ্চল আশ্চর্য্য হয়ে বল্লে, সিনেমা কোম্পানী ? সে ত' অনেক টাকার দরকার।

বুন্দাবন জবাব দিলে, তা অনেক টাকা নিয়েই কাদ্ধ সুরু করিতে হবে বৈ কি! এই যে প্রত্যহ ভূতের বাপের শ্রাদ্ধে টাকা থরচ হয়ে যার্চেই তার হিদেব রাথছে কে শুনি ? শোনো বাবান্ধি, তুমি আর আপত্তি তুলো না। আগেকার দিনে বড় লোকের ছেলেরা হঠাৎ সম্পত্তি হাতে পেলে বাগান-বাড়ী-পর্ব স্বরু ক'রে দিত আর আক্রকালকার দিনে ফেঁদে বসে সিনেমার ব্যবসা। এতে আর আশ্বর্য হবার কি আছে শুনি ? তুমি হবে ডিরেক্টর আর আমি হবো প্রোডাক্শন্ ম্যানেক্ষার। তার পর যদি স্থবিধে মত একটি হিরোয়িনের সঙ্গে বাবান্ধীর যোগাযোগ করিয়ে দিতে পারি, তবে আমাদের বাড়া ভাত থায় কে ?

আপন রসিকতায় বৃন্দাবন আপনিই হাস্তে লাগলো। এর সঙ্গে লাগ-সই একটা ফোঁড়ন না দিলে ভালো দেখায় না বিবেচনায় চঞ্চল চুট্কি দিয়ে বল্লে, হাা, ঠিক বলেছেন মামাবাবু, "বর্বরস্থ ধনক্ষয়ম।"

বৃন্দাবন চোথ বুজে কথাটা আস্বাদন ক'রে জনাব দিলে, নিশ্চয়!
এই যে প্রত্যন্থ চপ-কাট্লেট আর চা উড়ছে…এতে কোন্ দেবতার
নৈবিভি সাজানো হচ্ছে শুনি? এ হ'ল আরো ভালো। দশটা

লোকের অন্ন হবে,— আমরাও কাজ গুছিয়ে নিতে পারবো। তুমি আর অমত কোরো না বাবাজি। আজ রাত্রেই আমি প্রস্তাব তুলবো। এসো, হাতে হাত দাও।

বৃন্দাবন আর চঞ্চলের অলিখিত প্যাক্টের স্বাক্ষর হয়ে গেল। চঞ্চল বল্লে, মামাবাব্, একটু চা খেয়ে যাবেন না ?

বৃন্দাবন জবাব দিলে, আজ তামাক পর্যান্তই থাক্ ভায়া, পরে একদিন পাত পেতে বসে চেয়ে খেয়ে যাবো। দাঁড়াও, আগে তোমায় ডিরেক্টর ক'রে দিই।

সেইদিন সন্ধ্যাবেলা সর্বসম্মতিক্রমে প্রস্তাব গৃহীত হ'ল যে, সিনেমা-ব্যবসার স্ত্রপাত করতে হবে এবং তথুনি 'ঝিলিক্'চিত্র প্রতিষ্ঠানের' নামকরণ-উৎসব মহা সমারোহে সম্পন্ন হয়ে গেল।

ঝিলিক্ বল্লে, শোনো মামা, ব্যবসা আমি ঠিক চালিয়ে যাবো, তবে নায়কের ভূমিকায় কিন্তু আমায় নামাতে হবে।

তার মুখের কথা লুফে নিয়ে বৃন্দাবন বল্লে, সে কথা আর বলতে বাবাজি! তোমার জন্মে আমি সাগর-ছে চা-মাণিক নিয়ে এসে ছবির নায়িকা ক'রে দেবো। 'হিট্-পিক্চার' যদি না হয় ভবে তুমি আমার নামে কুকুর পুষো বাবাজি!

সাজ-সাজ রব পড়ে গেল। বাইরের বৈঠকখানা-ঘরটিকে চেয়ার-টেবিল, সোফা, টাইপ-রাইটার, ফাইল, 'হোয়াট্-নট্' প্রভৃতিতে কণ্টকিত ক'রে তুলে 'ঝিলিক্ চিত্র-প্রতিষ্ঠানের' অফিসে রূপাস্তরিত করা হ'ল।

ঝিলিকের সঙ্গে পড়ত একটি এ্যাংলো-ইণ্ডিয়ান মেয়ে। তাকে কোম্পানীর টাইপিষ্টের পদে বাহাল করা হ'ল। পুরুষ ভূমিকাগুলির জ্বতো কোনো ভাবনার প্রয়োজন নেই। পাড়ায় যে অবৈতনিক নাট্য-সম্প্রদায় ছিল তার বেকার সভ্যদল এসে অফিস-গৃহ জাঁকিয়ে তুললো। শুধু প্রয়োজন তিলোত্তমা-সদৃশ একজন নায়িকার।

চঞ্চল প্রস্তাব উত্থাপন করল যে, থেঁদি-পেঁচীকে নায়িকার ভূমিকা দেয়া হবে না। শিক্ষিতা, উচ্চবংশ-সম্ভূতা, কৃষ্টিসম্পন্না আধুনিকাকে নায়িকারূপে বাছাই ক'রে নিতে হবে। এজন্ম বিভিন্ন সংবাদ-পত্রে বিজ্ঞাপন দেওয়া প্রয়োজন।

বলা বাহুল্য, প্রস্তাব সর্বসম্মতিক্রমে গৃহীত হ'ল।
পরের দিন ক'ল্কাতার বিভিন্ন দৈনিকে এই বিজ্ঞাপনটি অনেকের
দৃষ্টি আকর্ষণ করেছিলঃ

## তারকা-তল্লাসে

'ঝিলিক চিত্র প্রতিষ্ঠানে'র প্রাথমিক 'হিট্ পিক্চার' 'প্রথম দর্শনে প্রেম' ছবিটির জন্ম সর্বস্থলক্ষণযুক্তা তারকা আবশ্যক। উচ্চশিক্ষিতা, সদ্ধংশজাতা, কৃষ্টিসম্পন্না, সঙ্গীত ও নৃত্যপটীয়সী অভিনেত্রীর প্রয়োজন। ফটোসহ আবেদন করিলে চলিবে না। স্বয়ং সাক্ষাৎ করিতে হইবে। চিত্রের নায়ক নিজে নায়িকা নির্বাচন করিবেন।

কর্মাধ্যক্ষ, ঝিলিক চিত্র প্রতিষ্ঠান

১২।৩ এ, ছিদাম মুদি লেন, কলিকাতা।

খবরের কাগজে এই বিজ্ঞাপনটি ছাপা হবার পর থেকে ঝিলিকের বাড়ীতে কালো, মোটা, লম্বা, সরু, হাড়গিলে, অস্থিচর্ম্মসার, দোহারা, দাত-উচু, থ্যাব্ড়ানাকী প্রভৃতি যেরকম নারীসমাগম হতে সরু হ'ল তাতে ঝিলিকের মা প্রমাদ গণলেন এবং পাড়া-পড়শীর দল নিজেদের

অবিবাহিত ছেলেদের সম্পর্কে ভয় পেয়ে পুলিশে খবর পাঠিয়ে দিলেন।

ঝিলিকের মা অন্তঃপুরে ছেলেকে ডেকে পাঠাতে সে বল্লে, মা, তুমি কিছু মাত্র ভয় পেয়ো না। বাবা তিসির ব্যবসা করে বড়লোক হয়েছেন; সত্যি কথা। কিন্তু এখন যুগ পাল্টে গেছে। তিসি নিয়ে কারবার করলে ভদ্রসমাজে মুখ দেখানো চলে না। এই সিনেমার ব্যবসা ক'রে আমি তোমার প্জোর ঘর সোনা দিয়ে মুড়ে দেবো। তুমি সোনার বেলপাতা দিয়ে মহাদেবকৈ পূজো কোরো।

ভাণ্ডারী-গৃহিণী ছেলের কথা শুনেই হোক্ অথবা সোনার বেলপাতা দিয়ে মহেশবের পূজোর প্রলোভনেই হোক্—চুপ ক'রে রইলেন। ও দিকে বৃন্দাবনের উৎসাহের বিরাম নেই।

কি ভাবে মহরৎ অনুষ্ঠান স্থ্যস্পন্ন হবে সেই পরিবল্পনা নিয়ে তার স্নান-খাঁওয়ার সময়েব অভাব ঘটতে লাগ লো।

এই উৎসবেব 'মেমু' রচনার ভার পড়েছে চঞ্চলের ওপর। সে তদমুসারে এক বিরাট তালিকা তৈরী ক'রে ফেলেছে, কাজও স্কুরু হয়ে গেছে।

কৃষ্ণনগর থেকে আসছে সবপুরিয়া, বর্দ্ধমান থেকে সীতাভোগ আর মিহিদানা, ঈশ্বরদীর ছানার জিলিপি, মোল্লার চকের দৈ, 'আবার-খাবো' সন্দেশ, সরেস রাবড়ী—তা ছাড়া চপ, কাট্লেট, ডেভিল, পুডিং প্রভৃতির আয়োজনেও ত্রুটি নেই।

কিন্তু মুক্ষিল বাঁধালো নায়িকা।

'প্রথম দর্শনে প্রেম' ছবির নায়িকা-নির্বাচনে সত্যি গোলমাল বেঁধেছে। এ একটা বিরাট সমস্থা বলতে হবে।

কেন না—এক্ষেত্রে পরিচালক নায়িকা নির্বাচন করছেন না— মনোনয়নের দায়িত্ব নিয়েছে নায়ক নিজে।

অথচ মহরতের নির্দিষ্ট দিন ঘনিয়ে এলো। ছু,ডিয়োতে টাকা জমা দেয়া হয়েছে; নিমন্ত্রণ-পত্র ছাপা হয়ে এসেছে। বাইরের অধিকাংশ মিষ্টিও এসে পড়েছে। কালীঘাটে বিশেষ পূজোর ব্যবস্থাও ঠিক করে ফেলা হয়েছে, অথচ নায়কের প্রথম-দর্শনে-প্রেম ঘনীভূত হচ্ছে না।

চিত্র জগতে এর চাইতে বড়ো ট্র্যাজেডী আর কি হতে পারে ?

সেই দিন গভীর রাত্রে রুন্দাবনের সঙ্গে চঞ্লের ্কথা হচ্চেঃ

তামাক টানতে টানতে উৎসাহের স্থারে বৃন্দাবন চঞ্চলকে জিজেদ করলে, একটা ব্যাপারের দিকে লক্ষ্য করেছ ভায়া ? চঞ্চল চাঞ্চল্য প্রকাশ ক'রে জিজেদ করলে, কি বলত মামাবাবু ?

বৃন্দাবন চোথ টিপে বল্লে, মিঠাই-মণ্ডার চিন্তায় রাত দিন বিভোর হয়ে আছ, আরো সব মিষ্টি ব্যাপারের দিকেও দৃষ্টি দিও।

চঞ্চল পুনরায় নিজের অজ্ঞতা প্রকাশ করলে বৃন্দাবন বল্লে, কদিন থেকে লক্ষ্য করেছি আমাদের টাইপিষ্ট পাম্লির সাথে আমার ভাগনের গুজ-গুজ ফুস্-ফুস্ লেগেই আছে। চিঠি টাইপ করার কাজ বাবাজীর যেন ক্রমেই বেড়ে যাচ্ছে। তুমি Out door এর লোক কি না তাই In door affair-এর দিকে দৃষ্টিপাত করবার অবকাশ পাও নি!



চঞ্চল অসহিফু হয়ে
জিজেস করলে, কিন্ত আ মা দের নায়িকা সমস্থার সমাধান তা হলে কি করে হবে ?

হো-হো করে হেদে
উঠে বৃন্দাবনজবাব দিলে,
সমস্থার সমাধান ত'
ওরই মধ্যে লুকিয়ে
রয়েছে। কোনো আপত্তি
কোরো না বাবাজি,
পাম্লীকেই আমরা
নায়িকা নির্বাচন করবো।

— আপনি বলছেন কি মামাবাবৃ ? চঞ্চলের মুখ থেকে একরাশ বিস্ময় ধোঁয়ার মত বেরিয়ে এলো। পাম্লী ত অ্যাংলো-ইণ্ডিয়ান মেয়ে, ও বাংলা বলবে কি করে ?

বৃন্দাবন জবাব দিলে, যা বলবে তাতেই আমাদের কাজ হয়ে যাবে। 'প্রথম দর্শনে প্রেমের' নায়িকা হচ্ছে ইঙ্গ-বঙ্গ সমাজের মেয়ে। ভাঙা বাংলার সঙ্গে ইংরেজী মিশিয়ে তৈরী করবে তার 'ডায়ালগ'; হা করে আমার মুখের দিকে তাকিয়ে রয়েছ কি ?

চঞ্চল ভয়ে ভয়ে বল্লে, কিন্তু ছবির তাতে একেবারে বারোটা বেজে যাবে!

বৃন্দাবন একটা অর্থপূর্ণ ইঙ্গিত নিক্ষেপ ক'রে উত্তর দিলে, তা বাজুক আমরা সেই ফাকে আমাদের কাজ গুছিয়ে নিতে পারবো। বুঝতে পারলে না বাবাজি ? প্রথম দর্শনে প্রেম! সেটাকে ত আমরা উপেক্ষা করতে পারিনে।

চঞ্চল এইবাব উৎসাহিত হয়ে বল্লে, না, তা ছাড়া আর কি করতে পারি মামাবাবু ?

বৃন্দাবন এইবার খুশী হয়েছে বলে মনে হল। হুঁকোতে আর একটা সুখটান দিয়ে বল্লে, "যৌবন জল তরঙ্গ রোধিবে কে ?… হরে মুবারে।"

মায়াপুরী ষ্টুডিয়োতে সন্ধোবেলা "ঝিলিক চিত্র প্রতিষ্ঠানে"র প্রাথমিক চিত্র-নৈবেভ "প্রথম দর্শনে প্রেম" চিত্রের মহরৎ অন্নুষ্ঠান।

একটি ফ্রোরকে এজন্য আলোক মালায় সজ্জিত করা হয়েছে।
নানা বেশভ্যা পরিহিত হরেকরকম স্ত্রী-পুরুষ উৎসব প্রাঙ্গণে এসে
সমবেত হচ্ছেন, আর বাইরের রাস্তায় মোটরের সংখ্যা ক্রমশঃ
বৃদ্ধি পাচ্ছে। মনে হচ্ছে অনুষ্ঠান অস্তে একটা মোটরের শোভাযাত্রাই হয়ত বের করা হবে।

গ্রামোফোন রেকর্ডে যত প্রেমের গান আছে তার থেকে বাছাই ক'রে একশ-এক "উচ্ছুসিত প্রেম-সঙ্গাত" চঞ্চল বাছাই ক'রে নিয়ে এসেছে। 'লাউড স্পীকারে' একটার পর একটা তাই বাজনো হচ্ছে। যারা শুনছে তারা মোহিত হয়ে প্রেমে পড়ার প্রেরণা

লাভ করছে অার বেরসিক দল সিগারেট টেনে আর পান চিবিয়ে কোনো রকমে সময় কাটিয়ে দিচ্ছে।

নিমন্ত্রিত মহিলাদল নিজেদের গহনা আর রসনার কাহিনীতে পঞ্চমুখ হয়ে উঠেছেন।

এমন সময় হন্তদন্ত হয়ে সেই পীঠস্থানে প্রবেশ করলো প্রডাক্সন্ ম্যানেজার বৃন্দাবন। ডান হাতে তার মা-কালীর মন্দিরের সিঁহুর-সিক্ত বিদ্বপত্র আর বাঁ হাতে প্রসাদী প্যাড়া।

ক্যামেরার কণ্ঠদেশে ঝুলিয়ে দেয়া হল জবাফুলের মালা। পরিচালক তৎপর হয়ে উঠেছেন।

ক্যামেরাম্যান আলোক নিয়ন্ত্রণ করে ফেলেছেন। সকলের দৃষ্টি ক্যামেরার দিকে নিবদ্ধ···

কিন্তু হা-হতোশ্বি…

নায়ক-নায়িকার দেখা নেই!

'প্রথম দর্শনে প্রেমে'র মধু-লগ্ন কি এইভাবে ভ্রপ্ত হয়ে যাবে !

নিমন্ত্রিত ব্যক্তিদের মধ্যে মৃত্-গুঞ্জন শোনা যেতে লাগলো। পরিচালক চঞ্চল এসে প্রডাক্সন ম্যানেজার বৃন্দাবনকে শুক্নো মুখ নিয়ে শুধোলে, মামাবাবু তাহলে এখন উপায় ?

বৃন্দাবন বললে, ভয় কি বাবাজি তেক্ষুণি ওরা এসে যাবে।
ব্রতেই ত পারছ 'প্রথম দর্শনে প্রেম'! একটু বাড়াবাড়ি ত' হবেই।
ত্রম বরঞ্জ নিমন্ত্রিতদের মধ্যে খাবারের প্রেট বিলিয়ে দাও, তা
হলে সকলের মুখ বন্ধ হয়ে যাবে।

বুন্দাবন মিছে কথা বলে নি।

খাবারের প্লেট বিলি হবার সঙ্গে সঙ্গে কুপিতা নাগিনীর মাথায় যেন মন্তর পরা হল। চাকুম-চুকুম শব্দে 'ফ্লোব' মুখরিত হয়ে উঠল।

এমন সময় এক ভগ্নদৃত এসে বৃন্দাবনকে খবর দিলে, নায়ক-নায়িকা দার্জিলিং চলে যাচ্ছে।

পরিচালক খবর শুনে উল্টে পড়ে যাচ্ছিল। বৃন্দাবন তাকে ধরে সিধে করে দাঁড় করিয়ে দিলে।

এমন সময় একখানা বাড়ীর গাড়ী ক্রতগতিতে সেইখানে এসে হাজির হ'ল।

একসঙ্গে সবাই চীৎকার করে উঠল—এসেছে এসেছে…

বৃন্দাবন ছুটে গিয়ে গাড়ীর দরজা খুলে দিতেই তার থেকে বেরিয়ে এলেন ঝিলিক জননী।

তিনি হয় ত লুচি বেল্ছিলেন। হাতে পাথরের শক্ত আর মোটা বেলুনী।

খবর পেয়ে দেই অবস্থাতেই গাড়ী করে চলে এনেছেন।…

বৃন্দাবনকে সামনে পেয়েই তিনি চীংকার ক'বে উঠলেন, তুই আমার সর্বনাশ করতেই এসে জুটেছিস্ তারপর হেই পাথরের বেলুনী তড়িংগতিতে এসে পড়ল তার মাথার ওপর।

সঙ্গে সঙ্গে বৃন্দাবন পপাত ধর্ণী তলে!

নিমপ্রিত ব্যক্তিদের মধ্যে তুমুল কোলাহল উত্থিত হ'ল।

চঞ্চল ঝিলিক-জননীর রণ-রঙ্গিণী মূর্তি দেখে আত্মরক্ষার জন্ম একটি থামের আড়ালে লুকিয়ে কাঁপছিল আর ছুর্গানাম জপ করছিল; এইবার আড় নয়নে বৃন্দাবনের অবস্থা দেখে একটা দীর্ঘ নিঃশ্বাস ত্যাগ করে বল্লে, হ্যা একটা 'হিট্ পিক্চার' বটে!

ক্যামেরাম্যান বল্লে, নিশ্চয়! এক মিনিট! ব্যাপারটা ক্যামেরায় তাড়াতাড়ি তুলে নি!



অতিবড় ছংখের মধ্যেও যে কি ভাবে অতি কৌতুকজনক একএকটি কাণ্ড ঘটে থাকে, তার কারণ বিশ্লেষণ করতে গিয়ে শুধু এই
কথাই বঙ্গা চলে যে, বিধাতা বোধ করি দৈনন্দিন কাজে ঘর্মাক্ত
হয়ে অবসরে চিত্ত-বিনোদনের জন্মে একটুখানি রসিকতা করবার
চেষ্টা করছেন!

বাঞ্ছারামের সঙ্গে টে পীর পরিচয় রাণাঘাট প্ল্যাটফর্মে।

ইতিপূর্বে বাঞ্চারাম পাকিস্তান থেকে আগত বহু উদ্বাস্তর মাল বয়ে দিয়েছে, রোগ-কাতর লোককে কাঁধে করে নিয়ে গেছে কোনো নিরাপদ আশ্রয়ে, তুর্গতদের মধ্যে পুরোণো কাপড় বিলি করেছে, রেশনের ব্যবস্থা করেছে আপ্রাণ পরিশ্রমে, কিন্তু এমন মন-উচাটন কখনো তার হয়নি।

ব্যাপারটাকে জটিল বল্তে পারা যায়। অস্থান্থ দিনের মতো বাঞ্চারাম রাণাঘাট ষ্টেশনে সেবাকার্য্যে রত ছিল। সিরাজগঞ্জের ট্রেন এলে মেয়েদের একটা কামরা থেকে হাউ-মাউ কামা শুনে বাঞ্চারাম সেই দিকেই এগিয়ে গেল। আজকাল নানারকম ঘটনা হামেশাই ঘটছে। এমনিই ত' পূর্ববঙ্গ থেকে স্বাই স্ব খুইয়ে পশ্চিমবঙ্গে চলে আস্ছে, তার ওপর কতকগুলি ছ্ট-প্রকৃতির লোক স্মবিধে ব্রে অনেকের কাছ থেকে যা পাওয়া যায় নিয়ে সরে পড়ছে। সেবাকার্য্য করতে এসে নিজের স্বার্থের দিকে দৃষ্টি দিচ্ছে এমন উদাহরণও আশ্রয়-শিবিরে অপ্রতুল নয়। কাজেই মুহুর্ভমধ্যে কর্মতংপর বাঞ্ছারামের সজাগ কর্ণদ্বয় চঞ্চল হয়ে উঠল।

জানলা দিয়ে উকি মেবে দেখল—একটি পল্লীগ্রামের বয়স্থা মেয়ে চীৎকার করে কাঁদছে আর চোখের জল ফেল্ছে!

বাঞ্চারামের স্বভাবসিদ্ধ পরোপকার-প্রবৃত্তি জাগ্রত হয়ে উঠল। সে জিজ্ঞেদ করলে, কি গো বাছা, এমন করে হাপুদ নয়নে কাঁদছ কেন ? কী হয়েছে তোমার ?

প্রশ্ন শুনে টে'পীর কান্না ক্ষণেকের জন্ম স্তব্ধ হল। তারপর হঠাৎ কলের জলের মত তার অশ্রু-উৎস আবার থুলে গেল। ভেউ- ভেউ করে সে বললে, কাঁহম না ? এতেও যদি কাঁদন না আসে ত' চোখের জল ফেলুম কি চিতার তলায় গ্যালে ?

· বাঞ্ছারাম বল্লে, আহা বাপু, কি হয়েছে তাই বল না।

টেঁপী জবাব দিলে, নতুন কইরা। কওনের আর কি আছে ? সর্বস্ব খুইয়া। আইলাম পাকিস্তান থনে। আইসব্যার সময় আমার গয়নাগুলা অবধি কাইড়া। রাইখ্লাে।

বাঞ্ছারাম উত্তেজিত হয়ে ওঠেঃ কে কেড়ে রেখেছে তোমার গয়না বল দেখি? জানো, নেহেরু-লিয়াকৎ প্যাক্ট হয়ে গেছে? ও সব জলুমবাজি এখন আর চলবে না।

বা-হাতের চেটোয় চোথের জল চট্ করে মুছে ফেলে হুঙ্কার দিয়ে উঠল টে\*পী—হুঁ, অ্যাক্টো হইচে। তোমরা এহানে বইস্তা অ্যাক্টো কইরব্যা আর ওহানে আমাগো পরাণ লইয়া টানাটানি!

—আহা বাছা, তোমার গয়নাগুলি কে কেড়ে নিলে সেই কথা আগে বলো। বাঞ্চারামের অসহিফু কণ্ঠস্বর শোনা যায়।

টে'পী মুখ ঝাম্টা দিয়ে জবাব দিলে, কে আবার নিবো ?
— ওই ছায়েদ আলী। আমারে কয় কিনা নিকা বয় আমার লগে।
আমি হিন্দুর ঘরের মাইয়া, নিকা বইসতে যামু ভোর লগে ? মুয়ে
আগুন, মুয়ে আগুন, কইলাম, গয়না নিত্যাছিস, নে; কিন্তু আমারে
পাবি না। চইল্লাম আমি হিন্দুস্থানে। তা মুখপোড়া কয় কি— বর
জোটাইতে চল্লি নাকি টে'পী ? আমি কইলাম, নয়ত কি ? সেহানে
কি মনের মান্ধুরের অভাব নাকি ?

অপাঙ্গে সে বাঞ্ছারামের দিকে তাকায়। কে ৰলবে থানিকটা আগে টে'পী ডাক ছেড়ে মরা-কান্না কাঁদছিল।

বাঞ্চারাম তাকিয়ে দেখথে 💀

টেঁপীর স্বাস্থ্যপূর্ণ নিটোল দেহ ··· হিন্দুস্থানের অথাত্য-কুথাত্য থেয়ে তা হল্দে হয়ে ওঠেনি ··· কিম্বা বেরিবেরি সেথানে আশ্রয় নেয়নি। পরিশ্রম করলে শরীর যে স্থন্দর হয়, বাঞ্চারামের চোথের সামনে জ্বলন্ত উদাহরণের মতো টেঁপী সে কথা নিজের জ্বজান্তে জানিয়ে দিল।

যুদ্ধের চাইতেও কঠিন আর দায়িরপূর্ণ কাজ তার হাতে। ঘরে যথন আগুন লাগে তথন প্রেয়সীর স্থলর মুখথানি সেই আগুনের মধ্যে দেখবার অবকাশ জোটে কি ?

বাঞ্ছারাম ইচ্ছে করেই টে পীর দিক থেকে মুখ ফিরিয়ে। নিলে।

টে'পী কিন্তু ত্'পা এগিয়ে এলো। বল্লে, ও ভালো মাইন্ধের ব্যাটা, আমারে একটা স্থবিধামত জায়গায় থাকনের ব্যবস্থা কইরাা ছাও। আমি গতর থাটাইয়া কাজ করুম। ঘরের লগে জমি যদি পাই তবে লাউডা-কলাডা ফলাইয়া তুলুম। কাজ করনে ভয় পাই না আমি। বাঞ্চারাম জবাৰ দিলে, আচ্ছা, এখন তোমায় আমি কুপাস ক্যান্তেপ পৌছে দিচ্ছি। কাল এসে দেখবো—তোমায় অন্ত কোনো গেরস্ত-বাডীতে রাখতে পারি কি না।

টে'পী এর পর আর বিশেষ আপত্তি করল না। শুধু একবার শুধোলো, তুমি আমার খোঁজ-খবর লইবা ত' ঠিক ? যে মামুষের ম্যালা দেইখ্তাছি, তাতে গরু খোজা করলেও চেনা মামুষ খুইজ্যা পাওন দায়।

বাঞ্চারামের কেন যেন মনে হল—ভবের হাটে মনের মামুষ খুঁজে পাওয়া সভ্যি দায়! নইলে সেবাকার্য্য করতে এসে এই অশিক্ষিতা স্বাস্থ্যবতী সরলা মেয়েটি তার মনকে অকারণে টানছে কেন ? কলেজে ত্র্বাসা বলে ওর একটা বাড়তি নাম আছে। কেননা, মেয়েদেব সঙ্গেও সহসা মেশে না; আর প্রয়োজনের খাতিরে কথা বলতে হলেও অকারণে কণ্ঠস্বর ক্ষীণ ও স্থারেলা হয়ে ওঠে না। ছেলেরা বলে, তুই কি রকম কাঠথোটারে, কার সঙ্গে কি রকম কবে কথা বলতে হয় তুই জানিসনে ?

এই দিন সাতেক আগেও সে সেবাকার্য্যে যাচ্ছে শুনে ক্লাসের তনিমা সাক্তাল জিজেস করেছিল, আচ্ছা, বাঞ্চারামবাবু, মেয়েরা ওথানে গিয়ে কি সেবার ভার নিতে পারে না ?

বাঞ্ছারাম একবার ওর বেশ-ভূষার দিকে দৃষ্টিপাত করে জবাব দিয়েছিল, পারে। কিন্তু সাড়ি আর লিপষ্টিকের বাহার নিয়ে গিনেমাতেই মানায় ভালো।

তনিদার 'অ্যাভ্মায়ারারের' দল তথুনি ঘুঁষি উচিয়ে একটা বোঝাপড়া করার জন্মে পাঞ্জাবীর হাতা গুটিয়ে এগিয়ে এসেছিল কিন্তু তনিমাই নাকি শেষ পর্যান্ত এই জাতীয় একটি রোমাঞ্চকর ঘটনা ঘটতে দেয়নি।

ছেলের দল তাতে বিশেষ মনঃল্প্ল হয়েছে। ভাগ্যিস, মনের কথা মুখে লেখা থাকে না।

সেই ছেলের দল আজ যদি জানতে পারে যে, একটি চাষার মেয়ে বাঞ্চারামের মনকে টেনেছে, তা হলে কলেজ-ম্যাগাজিনে বেনামীতে কবিতা আর কার্টুন যে বেরুবে না সেই কথাই বা কে বলতে পারে ?

তারপর সারাদিনের কাজের ঘুর্ণি হাওয়ায় বাঞ্ছারাম মেয়েটির কঞ্চা একেবারে ভূলে গিয়েছিল।

সকাল বেলা লাইন দেয়া লোকদের রেশন-কার্ড ব্যবস্থা করবার সময় হঠাৎ মনে হল কুপার্স ক্যাম্পে গিয়ে টে পীর একবার খবর নেয়া প্রয়োজন।

নিজের দায়িত্বটা অন্থ একজন স্বেচ্ছাদেবককে বুঝিয়ে দিয়ে বাঞ্চারাম স্টেশন ছেড়ে রাস্তার দিকে রওনা হল। সেই সময় "মারোয়ারী বিলিফ সোসাইটির" একটি ট্রাক শিবিরের দিকে যাচ্ছিল। ওদের ড্রাইভার আর ভলান্টিয়ার বাঞ্ছারামের পরিচিত। তারা ওকে ডেকে ট্রাকের ওপর তুলে নিলে।

ক্যাম্পে পৌছে হাজার হাজার উদ্বাস্তর মধ্যে বাঞ্চারাম আর টে'পীকে গঁজে পায় না। মেয়েটা রাত্তিরের মধ্যে একেবারে কর্পুরের মতো উপে গেল নাকি!

অনেক ছুটোছুটির পর দেখা গেল—ক্যাম্প ছেড়ে একটা গাছতলায় টেঁপী পা ছড়িয়ে বসে কাঁদছে। বাঞ্ছারাম ওকে গতকাল রেশন-কুপন জোগাড় কবে দিয়ে গিয়েছিল। তাই অবাক হয়ে জিজ্ঞেস করলে, হাাঁরে টে'পী, তুই রান্না করবি নে? চাল-ডাল কোথায় ?

টেঁপী একবার মুখ তুলে ওকে দেখে বল্লে, চাইল-ডাইল রাস্তায় ছড়াইয়া ফেইলাা দিছি। বাঞ্চারাম ভাবলে, আচ্ছা পাগলি মেয়ে ত! তব্ শুধোলে, চাল ডাল ফেলে দিলি, খাবি কি? টেঁপী বল্লে, খামু আমি আখার ছাই!

এত তুঃখেও বাঞ্ছারাম হেসে ফেলে।

বল্লে, কিন্তু উন্ধুনের ছাই খেলে ত আর পেট ভরবে না! টেঁপীর চোখে আবার জল দেখা গেল। মাথা নীচু করে বল্লে, পরাণ আমার বাইর হইয়াা যাউক। এমন পরাণ থাইক্লেই বা কি, গ্যালেই বা কি!

কি তোর মনের ব্যথা আমায় খুলে বল ত'টেঁপী। আমি যথাসাধ্য চেষ্টা করবো যদি কিছু করতে পারি। ধীরে ধীরে বাঞ্ছারাম বল্লে। ঠিক যেন অনেকটা বাসর ঘরের প্রেম-গুঞ্জনের মতো।

টে পী ফোঁদ করে উঠে বন্ধ্র, বাইরের গোটা কয়েক পেটমোটা মৃথপোড়া—তোমাগো হাওয়া গাড়ী চইরাা আইছিল। মিঠা মিঠা কথা কয়। গা গয়নায় ভইরাা দিবো, কোন্ বাগান-বাড়ীতে নিয়া রাইখ্নো— পায়ের উপর পা থুইয়া খামু—দাসী গা টিপ্যা দিবো অারো কত কথা মৃথ্য আগুন মুখ-পোড়াগো। আমাগো এই ছঃদময়, আর ওরা আইদে কাটাঘায়ে লবণের ছিটা দিবার লাইগ্যা।

কথাটা বাঞ্ছারাম একেবারে হেসে উড়িয়ে দিতে পারল না।
একদল বজ্জাত লোক এই উদ্দেশ্যে গভীর রাতে শিবিরের আশেপাশে ঘোরে—একথা আরো ছ একজন স্বেচ্ছাসেবক তাকে
কয়েকদিন আগে বলছিল…কিন্তু সে বিশ্বাস করেনি।

কিন্তু আজ টেঁপীর মুথের কথা শুনে আর তার চোথে জল দেখে সে বুঝ্লে যে ব্যাপারটা মিথ্যে নয়।

তা হলে ত টেঁপীকে কোথায়ও সরিয়ে ফেলা প্রয়োজন।

ওকে চুপ করে থাকতে দেখে টে পী ধমক দিয়ে ওঠে, কি গো ভালো মাইন্যের পোলা, মুথে বোবা-কাঠি ছোঁয়াইলা নাকি ? ভাইব্লা, পরের ম্যায়ার ঝিক থামাথা কে ঘাড়ে নেয় ? ভার যদি না নিবা ত খাজুইর্যা আলাপ কইরবার আইছিলা ক্যান ?

সত্যি কথাই ত !

ভারই যদি না নেবে তবে বাঞ্চারাম মিছিমিছি টে পীর খোঁজ নিতে এসেছ কেন ? শুধু স্বেচ্ছাসেবকের দায়িত্ব থেকে কি ?

না—না, এই সরল গ্রাম্য মেয়েটাকে সহবের কামনার পঙ্কিল স্রোতে ভেসে যেতে দেয়া হবে না। যে ক'রেই হোক বাঞ্ছারাম তাকে বাঁচাবে এবং সমাজে স্থপ্রতিষ্ঠিত করবে।

বাঞ্চারাম বল্লে, দেখ্ টে'পী, এই রাণাঘাটেই আমার এক দিদি আছে। চল. তোকে সেইখানেই হেখে আসি।

টে'পী এক গাল হেসে ফেলে জবাব দিলে, তোমার দিদি ? তাইলে ত' ভালই হয়। অ্যাখুনি আমারে নিয়া চল সেহানে। আমি দিদির পা জড়াইয়া ধইরাা থাকুম। বাঞ্ছারাম তথন বল্লে, তা হলে ত' ক্যাম্পের কর্তার অন্তুমতি নিতে হবে।

আঁচলে গাছ-কোমর বেঁধে টে পী হুংকার দিয়ে উঠ্ল, কার আবার মত ন্যাওন লাইগ্বো শুনি? ভাত-কাপড়ের কেউ না, নাক কাটনের গোসাঁই! হুঁ…চল-চল—

কাপড়ের পুঁটলি নিয়ে তড় বড় করে টেঁপী উঠে দাঁড়ালো।

দিদি মুখে কিছু বল্লে না বটে, আইবুড়ো ভাইয়ের সঙ্গে এক দোমত্ত মেয়ে দেখে খুসী হতে পারল না।

বাঞ্চারাম বল্লে, আহা, গেরস্ত ঘরের মেয়ে—বড় বিপদে পড়েছে।
দিন কয়েক তোমায় কাছে থাক—তারপর আমি যা হয় একটা
ব্যবস্থা করে দেবো। এর পর থেকে বাঞ্চারাম ছবেলা এসে
টে পীর খোঁজ নিয়ে যায় এটাও দিদি বিশেষ স্থানজরে দেখেনি।

এই ভাইকে বিয়ে দেবার জন্মে আত্মীয়-স্বজন কত ঝুলোঝুলি, বন্ধু-বান্ধবদের কত বোঝানোর পালা। কিন্তু কেউ বাঞ্ছারামকে রাজি করাতে পারে নি।

সে যথন স্বাইকার কথা অগ্রাহ্য করে সেবাকার্য্যে মেতে উঠ্লো তথন ভাইবোনের দল মনে করল, বাঞ্ছারাম বুঝি স্তিট্ই সন্ন্যাসী হ্বার জন্মে মনস্থ করেছে।

কিন্তু এখন একটি চাষার মেয়ের জন্ম অহেতুক দরদ দেখে দিদিব বাড়ীর সবাই নাসিকা-কুঞ্চন করতে স্কুক্ত করল।

সেদিন ৰাঞ্চারামের দিদির বাড়ীর ঝি পালিয়ে গেল। বাড়ীতে কচি ছেলে, কাঁথা কাচ্বার কেউ নেই। দিদি ডেকে বল্লে, টে\*পী,

এই কাঁথাগুলিতে সাবান দিয়ে একেবারে স্নান করে এসো। টে পী এখানে এসে খুসী মনেই ছিল। সে গুণ-গুণ করে কেতুন গাইতে গাইতে কাঁথায় সাবান মাখাতে বসল।

এমন সময় বাঞ্চারাম এসে উপস্থিত। টে পীকে ময়লা কাঁথা কাচতে দেখে সে মনে মনে ভারী চটে গেল। ভারপর দিদিকে ডেকে বল্লে, দিদি, তুমি টে পীকে দিয়ে এই সব নোংরা কাজ করাচ্ছ কেন ?

দিদি একটু অবাক হয়ে শুধোলে, কেন রে, তাতে কি হয়েছে ? গেরস্ত ঘরের মেয়ে—আমার এখানে আছে। কচি ছেলের জন্মে একটু,কাজ করলে ত আর হাত ক্ষয়ে যাবে না!

বাঞ্চারাম থানিকটা গুম্ হয়ে রইল। তারপর ফস্ করে বলে ফেল্লে, ও যে তোমার ভাই-বৌ হবে। ওকে একটু যত্ন-আতি না করলে চল্বে কেন ?

ওর দিদি নিজের মৃত্যুর কথা শুন্লেও বুঝি এমন করে আঁৎকে উঠ্ত না! বল্লে, তুই বলিস্ কিরে বাঞ্চা, শেষকালে চাষার মেয়েটাকে বিয়ে করবি? জাত-কুলের কিছু ঠিক আছে ওর ভেবেছিস? জ্যাঠামশাই শুন্লে কি বল্বেন ?

বাঞ্চারামেরও মেজাজের ঠিক ছিল না। সে-ও গ্রম গ্রম জবাব দিলে, কেন? টেঁপী এমন কি খারাপ মেয়ে শুনি? ও পাউডার মাথে না, লিপষ্টিক্ ঘষে না, আয়নায় সাতবার করে মুখ দেখে না, রাউজ পরে না, তাই সে খারাপ হয়ে গেল? ওর স্বাস্থ্যটা দেখেছিস? তোদের চারজনকে ছুঁড়ে ফেলে দিতে পারে। বদহজম আর ডিস্পেপ্সিয়ায় ভোগে না! আর আজকের দিনে

আমি কোন জাত মানিনে। আমাদের কাছে সব মামুষই সমান—। জানিস্ত কবি চণ্ডীদাস বলে গেছেন—"সবার উপরে মামুষ সত্য, তাহার উপরে নাই।"

দিদি এই বিরাট বক্তৃতা শুনে আর কোন জবাব দিলে না, শুধু টে'পীর হাত থেকে কাঁথা আর সাবান কেড়ে নিয়ে ওকে ওপরে পাঠিয়ে দিলে।

কিন্তু সেই দিন থেকে ও বাড়ীতে টেঁপীর নতুন নামকরণ হল— 'রামী', আর বাঞ্চারামের নাম হল 'চণ্ডীদাস'।

বাঞ্ছারাম বাড়ীতে এলেই মেয়েরা গিয়ে টেঁপীকে ঘিরে ধরে বল্ত, ভাই রামী, ভোর চণ্ডীঠাকুর এসেছে—এই সময়ে একটি কেতান শুনিয়ে দে না ভাই—

টে'পীর কিন্তু এসব রসিকতা ভালই লাগত, সে শুধু মুখ টিপে-টিপে হাস্ত—একটুও রাগ করত না।

এদিকে সে বাঞ্রামকে ধরে বস্ল, এখানে থাকন আর ভাল দেখায় না, তুমি একটি ঘর ঠিক কইরা। আমায় সেইখানে নিয়া যাও। আমি একদিনে গেরস্থালি গুছাইয়া নিমু।

বাঞ্ছারাম খুসী হয়ে জবাব দিলে, সেই ভালো, আমি কল্কাভায় ঘর ঠিক করে ভোমায় সেইখানে নিয়ে যাবো। ভার আগে দিদির এখানেই বিয়েটা সেরে নিভে হবে। নইলে লোকে বল্বে কি ?

দিদি শুনে বল্লে, মূথে আগুন। আমি বিয়ের কোন ব্যবস্থা করতে পারব না। আমার বাড়ীতে এসব কেলেঙ্কারী হলে জ্যাঠামশাই জীবনে আমার আর মূখ দর্শন করবেন না! বাঞ্ছারামের ভগ্নীপতি রসিকতা করে বল্লে, আহা! তোমায় বিয়ের ব্যবস্থা করতে হবে কেন? আমার রসিক শ্রালকটিকে বলা,—সোজা শ্রীনবদ্বীপধামে চলে যেতে, সেখানে কণ্ঠীবদল করলে নবযুগের চণ্ডীদাস আর রামীর নাম খবরের কাগজে ছাপা হয়ে যাবে। চাই কি একটা যুগল-মিলনের ছবি পর্যন্ত বেৰুতে পারে।

বাঞ্চারামের দিদি মুখ ঝাম্টা দিয়ে বল্লে, তুমি আর জ্বালিওনা বাপু। বাসা করে নিয়ে যেতে চাচ্ছে—তা নিয়ে যাক্ না; মেয়েটা গেলে আমি গঙ্গা-স্নান করে বাঁচি!

ভ্নপ্রীপতি মশাই কিন্তু থাম্লেন না, বরং আরও উৎসাহিত হয়ে বল্লেন, তুমি চট্ছ বটে গিন্নি, কিন্তু কল্কাতার কবিরা থবর পোলে এই শুভামুষ্ঠানের দীর্ঘ-প্রাশস্তি রচনা করবেন। চাই কি, কোনো কোনো কাগজের একটি বিশেষ সংখ্যাও বেরিয়ে যেতে পারে।

বাঞ্জারামের দিদি এই কথাগুলির প্রতিবাদ পর্য্যন্ত করতে চাইল না, চোথ-মুখ লাল করে ঘর খেকে বেরিয়ে গেল।

পেছনে বাঞ্ছারামের ভগ্নীপতির হৈড়ে গলার কেন্তন শোনা গেল—

## "শুন রজকিনী রামী—

ও ত্বটি চরণ শীতল বলিয়া শরণ লইনু আমি।" তার পর সেকি হো-হো হাসি!

বাড়ীর গৃহিণীর কানে সে হাসি যেন বিষ ঢেলে দিল! নিজের ভাই—কইতেও পারে না, সইতেও পারে না! এ যেন শাঁথের করাত—যেতে কাটে, আস্তে কাটে ! সেইদিন সন্ধ্যাবেলা বাঞ্ছারাম এলো টে পীর খবর নিতে।

ভগ্নীপতি চোথ টিপে বল্লে, ভায়ার উদ্বাস্ত্ত-শিবির কি আজকাল আমার ঘরে এসে পৌচেছে? আগে যে টিকিটি দেখবার যে৷ ছিল না! এখন ছ'বেলা দিদির খোজ-খবর নেয়া হচ্ছে! আহা! এমন ভাই থাকলে বনে গিয়েও সুখ!

বাঞ্চারামের মন-মেজাজ ভাল ছিল না। কেননা, সে এখনো কল্কাতায় একটি ঘর সংগ্রহ করতে পারেনি। তাই বল্লে, ঘর ভাড়া পাচ্ছি না বলেই তোমাদের এত কথা শুন্তে হচ্ছে জামাইবাব্। কোন মতে একটি জোগাড় করতে পারলে আমরা তোমাদের কথা শুন্তে আস্ব না।

ভগ্নীপতি বালিশ বাজিয়ে বল্লে, তা' আস্বে কেন ? মধুর ভাণ্ড সরে গেলে কি মৌমাছি আর ফিরে আসে । তুমিও যে সেই দলের সে আমি বেশ বৃঝ্তে পেরেছি। তা ভায়া, আজকাল সেবাকার্য্য ছেড়ে কি কবিতা রচনা স্থক্ত করেছ ? আমরা মানে— এই পাপীর দল কি তু' একটা পয়ার শুন্তে পাইনে ?

বাঞ্ছারাম কথার কোন জবাব না দিয়ে তর্ তর্ করে সিঁড়ি দিয়ে নীচে নেমে এলো। সেখানে নীচের অন্ধকার কোনটিতে টেঁপী তার জন্ম অপেক্ষা করছিল। কোন রকম ভূমিকা না ক'রেই টেঁপী তাকে আক্রমণ করল, কুটুম-বাড়ী আর কয় দিন থাকুম কও দেহি তুমি ? একখান ঘর মিল্লো না কৈলকতা সহরে, এইকথা ব্ঝাইবার চাও আমারে ? যদি এহান থনে আমারে লইয়া না যাও ত আমি গলায় দড়ি দিমু—

টে পীর হ গাল বেয়ে জল গড়িয়ে এলো। বাঞ্চারাম অবাক্ হয়ে তাকিয়ে দেখে মনে মনে তারিফ্ করে বল্লে, Splendid! তার এক শিল্পী বন্ধু যদি এই দৃশ্য দেখত ত ব্রাশের টানে চমৎকার ছবি এঁকে নিতে পারত। মোনালিসার হাসি আর টে পীর চোখের জল একই পর্যায়ের ক্ল্যাসিক্ হয়ে থাক্ত! আগে ঘরটা ভাড়া করে নিক। তারপর নিজের কোন সাধই অপূর্ণ রাখবে না!

বাঞ্গরামকে তবু চুপ করে থাক্তে দেখে টে পী যেন একেবারে জলে উঠল। বল্লে, ব্যাটা-ছাওয়াল না তুমি ? নিজের পরিবারের ঠাই কইর্যা দিবার পার না, রাজ্যি শুদ্ধু মামুষের উপকার কইরী। ব্যাড়াও ? কেমন মামুষ তুমি ? আইজই তুমি আমারে এহান থনে লইয়া যাও—

বাঞ্ছারাম তাকে ব্ঝিয়ে বল্লে, তুমি রাগ কোরো না টে পী, আসছে কাল আমি বাসা ঠিক করে ঠিক তোমায় নিয়ে যাবো। এতে আর নড় চড় হবে না।

টে'পী বল্লে, আমার গা ছুইয়াা কও—না **মইলে তোমার** কথায় বিশ্বাস কি ?

বাঞ্চারামকে প্রতিজ্ঞা করতে হল।

ওপরে সি'ড়ির কাছে দাঁড়িয়ে বাড়ী শুদ্ধু লোক চণ্ডীদাস আর রামীর প্রেমালাপ শুনছিল, বাড়ীর কর্ত্তা আবেগে গান গেয়ে উঠলো—

> "তোমারি চরণে আমারি পরাণে

লাগিল প্রেমের ফাঁসি—"

বাঞ্ছারাম ওপরের দিকে তাকিয়ে চোখের একমুঠি জ্বলম্ভ আগুন সকলের মুখে ছড়িয়ে দিয়ে ক্রত পদে চলে গেল !

বাড়ীতে বাঞ্ছারামের দিদির ছিল এক দল ননদ। তাদের বেরসিক বল্লে সত্যের অপলাপ করা হবে। তারা সবাই মিলে সকাল থেকে টেঁপীকে নিয়ে মেতে উঠল।

নতুন শশুর-ঘর করতে যাচ্ছে—কনেকে মনের মত সাজিয়ে দিতে হবে ত।

এলো পাউডার, স্নো, লিপষ্টিক্, কাজল, বেলফুলের গোড়ে— আরো কত কি—

ওদিকে স্বপ্ন দেখছে বাঞ্ছারাম—

একটা ঘরের থবর পাওয়া গেছে শিয়ালদ' অঞ্চলে।

টে°পী আসহে ওর ঘরণী হতে।

ও যে লজা না করে তাকে ধমক দিয়ে ঘরের জন্মে তাগিদ দেয় তাতে বাঞ্চারাম ওর নিষ্ঠা আর আন্তরিকতার পরিচয় পায়।

এরাই ত' সত্যিকারের বীরাঙ্গণা। ভবিষ্যতে এই টে পীর দলই দেশে বীর-প্রস্বিনী হবে।

বাঞ্চারামের আদর্শ যেন তার জীবনে মূর্ত্ত হয়ে রূপ পরিগ্রহ করতে আস্ছে।

ননদের দল কিছুতেই ছাড়েনি শরৌদির একটি পুরোনো বেনারসী শাড়ী যোগাড় করে কনেকে সত্যি মনোমত করে সাজিয়েছে। কপালে চন্দন-তিলক জ্বল-জ্বল করছে।

পাড়া থেকে অনেকগুলি শাঁখও চেয়ে নিয়ে এসেছে। বাঞ্চারামের প্রবেশ ও প্রস্থানের সময় মঙ্গল-ধ্বনি তুল্তে হবে।

সবই তৈরী ••• শুধু পাত্রেরই দেখা নাই •••

এত দেরী কেন করছে বাঞ্ছারাম ? ননদের দল একেবারে অসহিফু হয়ে উঠল।

এমন সময় গলির মোড়ে হস্তদন্ত হয়ে বরকে আস্তে দেখা গেল।

সবগুলি শাঁথ একসঙ্গে বেজে উঠে গোটা পাড়াকে সচকিত করে তুল্ল।

বাঞ্চারাম ভেতরে

ঢুকে টে পীর কনে
সাজ দেখে অবাক্

হয়ে বল্লে, এ কি
কাণ্ড ?

ঘাড় হেঁট করে
সলজ্জ ভঙ্গীতে টেঁপী
জবাব দিল, দিদিমণিরা
সব আমারে বিয়ার
কনে সাজাইয়া দিল

আমি কি আর
না কইরবার পারি?



টেঁপী টিপি-টিপি হাসতে থাকে।

কিন্তু তেলে-বেগুনে জলে উঠ্ল বাঞ্চারাম।

বল্লে, হুঁ! কনে সেজে ত বসে আছ, ওদিকে হাতে-পাওয়া ঘর হাত-ছাড়া হয়ে গেল!

টে'পীর মুথখানা দেখে মনে হ'ল—সে যেন অথৈ জলে তলিয়ে যাচেছ।

ভয়ে ভয়ে শুধোলে 'ক্যান্—কি অইল আবার ?'

বাঞ্ছারাম হাত-মুখ নেড়ে জবাব দিলে, অনেক কপ্টে একথানি ঘর জোগাড় করেছিলাম। আগে মুসলমান ভাড়াটে ছিল। কিছু টাকা আগাম-দক্ষিণাও জমা দিয়েছি। সকালে গিয়ে খাট পেতেছি। ঘু'পুর বেলা পুলিশের লোক নিয়ে এলো সেই আগেকার মুসলমান ভাড়াটে। নেহেরু-লিয়াকং চুক্তির সর্ভ অনুসারে ঘর ছেড়ে দিতে হল! আমরা হচ্ছি সমাজসেবী, চুক্তিভঙ্গ ত' আর করতে পারিনে!

এতগুলি কথা একসঙ্গে বলে বাঞ্চারাম কপালের ঘাম মুছতে লাগলো।

হঠাৎ দেখা গেল কনে লাফিয়ে উঠে ফটকেব দিকে ছুটছে… তারপর একেবারে সদর দরজা দিয়ে বেরিয়ে রাস্তা ধরে ছুট্তে আরম্ভ করল।

রসিক ভগ্নীপতি বল্লে, রামী কি এবার বাশুলি মন্দিরের উদ্দেশ্যে ছুট্ল নাকি !

ননদদের মৃথ থেকে শাঁথগুলি পড়ে গেল! বাঞ্চারাম প্রথমটা কিছু বৃষ্তে পারেনি। তারপর যথন দেখ্ল, টে'পা সত্যি পথ দিয়ে পাগলের মতো ছুটছে—তথন সেও পেছন পেছন ধাওয়া করল।

ভগ্নীপতি পেছনে হাততালি দিয়ে বল্লে, এইবার চণ্ডী ঠাকুর আর রামীর পালাটা জম্বে ভাল—। হায় হায় এমন সময় খবরের কাগজের কোনো রিপোটারও নেই।

ছুট্তে ছুটতে ছ'জনে প্টেশনে এসে হাজির।

বাঞ্ছারাম শুধোলে, এ কি টে'পী, পাগলের মতে। তুমি চল্লে কোথায় ?

টে পীর চোথে জল! জবাব দিলে, দিদিমণিগো বড়-গলা কইরা কইচি আইজ আমি রওনা দিমু। তা তুমি ভালো মাইন্ষের পোলা যথন ঘরই পাও না—তথন আমি চইল্লাম।

ত্মবাক হয়ে বাঞ্চারাম জিজেন করে, কোথায় তুমি চল্লে ?

টেপী কয়, পাকিস্তানে। সেখানে মুখপোড়া ছায়েদ আলী আমার গয়নার বাকু লইয়াা আমার পথ চাইয়াা বইস্তা আছে।—

বাঞ্ছারাম চীৎকার করে ওঠে, সে কি ! তুমি মুসলমানের কাছে ফিরে যাবে ?

টে পী কাদতে কাদতে বল্লে, কানে যামুনা শুনি ? তুমি ভালো মাইন্যের পোলা তেকথান্ ঘর জোগাড় কইরব্যার মুরদ তোমার নাই। আাক বেলা ভাত দিবার সামর্থ নাই তোমার। কিসের লাইগাা তোমার ঘর করুম ? ওহানে ছায়েদের তিরিশ বিঘাধানি জমি, গাই-বলদ, খ্যাতের কলুই, পুছরির মাছ তেগোলাভরাধান। না হয় তার আর তিন্ডা বিবিই আছে। সে আমার লাইগাাপাল ! আমার গয়না যে কইরাা রাখ্ছে আমি তার কাছেই যামু ত

পাকিস্তানগামী একটি ট্রেন ষ্টেশনে দাঁড়িয়ে ছিল। টেঁপী উন্মাদের মতো ছুটতে ছুটতে একথানা কাম্রায় গিয়ে উঠল।

পাকিস্তানের পঞ্চশরের নাম কি বাঞ্ছারামের জানা নেই।
নইলে সে তার বিরুদ্ধেই যুদ্ধ ঘোষণা করে বসত।

কিন্তু কিছুই করা হল না।

কাজেই ফ্যাল-ফ্যাল করে চলন্ত ট্রেণের দিকে সমাজ-হিতৈয়ী বাঞ্জারাম অপলক নেত্রে তাকিয়ে রইল !



রামধনুকের সাতটা রঙ্মেশানো একটা মধুর-স্বপ্ন শৈলীর মনে-প্রাণে বাসা বেঁধেছিল যে, বাসরঘরে তাব বর কী দিয়ে প্রথম কথা সুক করে!

কিন্তু শৈলীকে সকল রকমে হতাশ ক'রে দিয়ে ভূপেশ যে কথার অবতারণা করল, নতুন কনে তার জ্বন্যে আদপেই প্রস্তুত ছিল না। আর সত্যি কথাই ত! একটা রবীন্দ্রনাথের কবিতা নয়, চাঁদের আলো, পাখীর গান, নদীর তান নয়, এমন কি স্থুন্দর একটি ফুলের নাম পর্যন্ত নয়…

একেবারে ছন্দ-পতনের মতো ভূপেশ বেমকাভাবে জিজ্ঞেস ক'রে বসলঃ পিপড়ের পেট টিপে সংসার চালাতে পারবে ? বাজার বড়ো খারাপ। যে কোনো দিন চাকরি চলে যেতে পারে…কাজেই তোমায় আগে থেকেই হু সিয়ার ক'রে দিচ্ছি।

শৈলী একেবারে থ মেরে গেল!

তবু মনে আশা প্রথম কবিতা লিখ্তে গেলে ছন্দ-পতন হওয়া স্বাভাবিক। নবীন-কবি নিজেব ভুল বুঝতে পেরে যদি কোনো রক্মে ছন্দ আর মিলটা ঠিক ক'রে নেয়।

কিন্তু বুথা মাশা !

ভূপেশ আবার মন্তব্য প্রকাশ করল, সারাদিন উপোস করেছিলে, তোমার শরীব বোধ করি খুবই ক্লান্ত। মিছিমিছি বাজে কথা ব'লে তোমায় জাগিয়ে রাথবো না। আজ দুমিয়ে পড়ো।

যার। আড়ি পাততে এসেছিল তারা স্বাই এই "অমৃত সমান মহাভারতের কথা" শুনে যে মার নতে। সরে পড়ল।

শৈলীর দেহে-মনে স্থগক় কপালে চক্দনের মধ্র প্রলেপ।
মনে হ'ল সেই চক্দন-লেখাগুলি বিছে হ'য়ে যেন ভার সারা দেহে
কিলবিল ক'রে বেড়াচ্ছে!

গলায় যে সাদা বজনীগন্ধাব মালাটা ছুল্ছিল রাগ ক'রে পাশ ফিরে শুতে গিয়ে সেটা গেল ছি'ড়ে। শৈলীর বুকে তখন যেন সাতটা ঢে'কীর পাড় সুরু হয়েছে।

কিন্তু কাল সকালে সইয়ের দল যখন তাকে ঘিরে জিজ্ঞেস্করবে

— কি প্রেমালাপ প্রথম রজনীতে হ'ল—ও তো কোনো জবাবই দিতে পারবে না!

গীতা, শ্যামলী, ছায়া, কমলা, ইন্দু—ওদের কাছ থেকে বিয়ের কনের প্রথম রাত্রের যে ইতিহাস সে সংগ্রহ করেছিল তাতে বিনা খরচায় বেমালুম একটি তাজমহল গড়ে আপনার মনে তাকে লালন-পালন করছিল।

কিন্তু এখন দেখ্তে পেল যে, আকাশ-কুসুমে আর যাই তৈরি হোক—তাজমহল নির্মাণ করা সহজ নয়। শাজাহান কবি হ'তে পারেন, শিল্পী হ'তে পারেন আর প্রেমিকও হয়ত ছিলেন। তাই বলে তার পাকেট ভূপেশের মতো গড়ের মাঠ নিশ্চয়ই ছিল না।

সে তুর্ভাগ্য যদি সম্রাট-কবির হ'ত তবে বিশ্বকবি রবীন্দ্রনাথও তাকে নিয়ে কবিতা রচনা করবার ফুরসং পেতেন কিনা সন্দেহ!

একটা চাপা দীর্ঘনিঃশ্বাস শৈলীর বুক সেলে বেরিয়ে আস্তে চাইল কিন্তু বহু কথ্টে ঢোক গিলে সেটাকে বুকের তলায় পৌছে দিলে। তাব নিঃশ্বাসের সামান্তভম শব্দও ভূপেশের কানে গিয়ে পৌছুক এটা শৈলী এখন একেবারেই চায় না।

পাশ ফিরে সে যে দিকটায় শুয়েছিল সেখানে রয়েছে খণ্ডিত একটি বাতায়ন এবং সেই বাতায়নের ফাক দিয়ে দেখা যাচ্ছে এক-ফালি চাঁদ। টুক্রো-টুক্রো মেঘ সেই চাঁদের ওপর দিয়ে ভেসে বেড়াচ্ছে। চাঁদের সঙ্গে মেঘের এই লুকোচুরির কোনো অর্থ হয় ? নালাকাশে আলু, পটল, বেগুন আর লক্ষার সেরের হিসেব কেনলেখা নেই ?

স্বয়ং বিধাতা বোধ করি হিসেব ভূলে গেছে।

তু'বছর পরের কথা।

যে ভূপেশ জীবনে কথনও ছুটি চায়নি আজ তার মুথে ছুটির কথা শুনে স্বয়ং অফিসের বড়বাবুও যেন কেমন হক্চকিয়ে গেলেন।

কিন্তু ছুটি আজ ভূপেশের চাই-ই।

বিয়ে হবার পর থেকে আজ ত্'বছরের মধ্যে শৈলীকে নিয়ে একদিনের জন্মও দে কোনো সাধ-আহলাদ করেনি। সম্প্রতি সে থবর পেয়েছে তাব প্রমোশন হয়েছে। মোটা টাকা মাইনে বেড়েছে। এদিন যে মাইনে কম করে ব'লে পোষ্টাফিসে টাকা জমিয়ে এসেছে সেকথা শৈলীকে ঘুণাক্ষবেও জানতে দেয়নি।

শৈলী সংসার খরচের জত্যে টাকা চাইলেও সে দাত-মুখ খি চিয়ে উঠেছে। সঞ্চয়ের পরামর্শ দিয়েছে এবং বাজে খরচে যে মামুষ লক্ষ্মীছাড়া হয় ভূরি ভূরি প্রমাণ উপস্থিত ক'রে সে কথা প্রমাণ করবার চেষ্টা করেছে।

নাঃ! আর লুকোচুরি নয়।

ে এইবার সোজাস্থাজ গিয়ে সত্যিকারের মাইনের পরিমাণটাই শৈলীকে সে জানিয়ে দেবে।

বড়বাবুর চমকিত ভাবটা কথঞিং প্রশমিত হ'লে তাঁকে বুঝিয়ে-স্ঝিয়ে ছুটিটা আদায় ক'রে নিয়ে ছ'তিনটে ক'রে সি'ড়ি টপ্কে সেরস্থায় এসে হাঁফ ছেড়ে বাঁচলো।

যাক—শৈলীকে আজ সে নিতান্তই অবাক ক'রে দিতে পারবে

ছ'গাছা রক্তনীগন্ধার মালা বৌবাজারের মোড় থেকে কিনে

নিলে। কথায় কথায় শৈলীর এক সখীর কাছ থেকে সে জান্তে পেরেছিল যে, শৈলী ডালমুট আর চকোলেট পেলে তুনিয়ায় আর কিচ্ছু চায় না। কিন্তু পয়সা থরচ হবার ভয়ে ইচ্ছে ক'রেই সে পথে কথনো পা বাড়ায়নি।

আজ যেন ভূপেশ হিসাবহীন — লক্ষীছাড়া হ'য়ে উঠল।

পকেট ভর্তি ডালমুট, চকোলেট, রজনীগন্ধার মালা, একটি দামী শাড়ি আর সিনেমার ছ'টি টিকেট কিনে সে যেন একেবারে উড়তে উড়তে বাড়ী ফিরে এলো।

মহাভারতে ধর্মের প্রশ্নের ইত্তরে যুধিষ্টির যে জবাব দিয়েছিল মন

কিন্তু এ কি ! সদর দর্জা খোলা!

ন।—না—এরকম
ভূলত শৈলীর কথনো
হয় না! তার সংসারের স্থুখ-স্থুবিধের
দিকে শৈলীর প্রথর
দৃষ্টি। নিজে না থেয়ে



সে স্বামীর জন্ম টাকা বাঁচাতে এখন বেশ শিখেছে।

তবে কি ঠিকে-ঝিটা ভূল ক'রে সদর দরজা খুলে রেখে অন্সমনস্ক-ভাবে বেরিয়ে গেছে গ

তাই বা কি ক'রে হবে ? শৈলার চতুর্দিকে প্রথব দৃষ্টি। স্বামীর যাতে ক্ষতি হয় এমন কাজ সে জীবনে করবে না। ত্ব'বছর ধরে সেই শিক্ষাই ত' ভূপেশ তাকে দিয়েছে।

তর তর করে সে দোতলার ঘরে উঠে গেল।

তাই ত'! বাডিতে কেউ নেই দেখছি!

ভূপেশ বোকার মতো এদিক-ওদিক তাকায়!

একটি চিঠি টেবিলের ওপর চাপা দেয়া আছে। ভূপেশ সেই দিকে এগিয়ে যায়ঃ

চিঠিটি থুবই সংক্ষিপ্ত-

"তোমার সংসারের স্থ-স্থবিধের দিকে দৃষ্টি রেখেই আমি এতদিন থরচ করেছি। আজও সেই জন্মই চলে যাস্টি। অস্ততঃ একটা প্রাণীকে আর খোরাক-পোষাক দিতে হবে না। সেই টাকাটা মাসে মাসে পোষ্টাপিসে জমা দিও⋯আখেরে কাজ দেবে।

আমার আর কোনো থোজ ক'রে সময় নই করো না। তোমার মাইনে বেড়েছে, আমিও খরচ বাঁচিয়ে গেলাম…এবাব থেকে আরো জনাতে পারবে।"



খ্যাতনামা রসস্রস্থা সৌখীন খাসনবীশের বাজারে বেশ নামডাক আছে। পৃজোর বাজারে হাসির গল্প লেখায় তার নাকি জুড়ি পাওয়া যায় না।

প্রত্যেক কাগজ থেকেই ফরমাস আসে, এমন একটি হাসির গল্প লিখতে হবে যা' পড়ে পাঠক-পাঠিকার পেটে-পিঠে থিল ধরে যায়! বাছা বাছা চোথা-চোথা কথা সাজিয়ে খাসনবীশ মশাই পূজোর বাজার মাৎ করেন। সৌখীনের কথাগুলি যেন শান্দেয়া বাণ। পাঠক-পাঠিকার মনে লাগা মাত্র একেবারে Laughing gas অনর্গল বেরিয়ে আস্তে থাকে!

যার লেখায় এত হাসির খোরাক মেলে, সেই সৌখীনবাব্ মান্ত্রটি নাকি অতি কাঠখোট্রা—লোকে এইরকমই কাণাঘ্যা করে থাকে। সৌখীনবাব্র পাড়ায় যারা বাস করে না তাদের হা-হুতাশের আর অন্ত নেই! তারা দীর্ঘ নিংশ্বাস ফেলে ভাবে, হায়, যদি এই মানুষ্টির আশো-পাশে থাক্তে পারতাম তবে বাজারে যাবার পথে, ট্রামে ওঠবার মুথে, সিনেমায় যাবার যোগে নিশ্চয়ই দেখা-সাক্ষাং ইত! হাসি-তামাসার কথাও কি ছু' একটা না হত!

সহরের সেরা ভাক্তাররা বিমর্গ রোগীর চিকিংসা কবতে গিয়ে মনেক সময় সৌথীন থাসনবীশের বই পড়বার ব্যবস্থাপত্র দিয়ে থাকেন! তাঁর লেথা "মান্ডলার মালালন," "কুমাতের কচ্কচি," "কুমারিকা থেকে কামস্কাটকা," "সিনেমা-স্থারের শরশ্যাা" প্রভৃতি বই পড়েননি এবং পড়ে হাস্তে হাস্তে সারা গায়ে বথো ক'রে মহিস কামাই করেন নি এমন ব্যক্তি এ যুগে খুঁজে পাওয়া ছলভি!

স্তুত্রাং সেই সৌখীন খাসনগাশের চাহিদা যে পূজোর বাজারে বেড়ে যাবে এ কথা বলাই বাহুল্য। এই লেখকের গল্প নিয়ে নাকি ব্যাক-মার্কেটও চলে।

অনেকগুলো গল্প থাসনবীশ মশাই লিখে ফেলেছেন। কিন্তু চাহিদার তুলনায় তার সংখ্যা অতি নগণ্য। Q-এর পাশে যেমন সদা সর্বদা U বিরাজ করে থাকে, তেমনি পূজো সংখ্যা প্রকাশ করতে গেলে সৌখীন খাদনবীশের গল্প একেবারে অপরিহার্য্য।

সারা বছর ধরে খাসনবীশনশাই ছোট একটি খাতায় প্লট সংগ্রহ ক'রে থাকেন এবং পূজোর বাজারে অতি চড়া দরে সেইগুলি যথারীতি ফুলিয়ে, ফাঁপিয়ে, রং মিশিয়ে ছেড়ে দেন। অতি মুখরোচক বলে সম্পাদকবৃন্দ সেই রচনাগুলি লুফে নিয়ে থাকেন।

এনন ঘটনাও বহু কাগজে ঘটেছে যে, শেষ মুহূর্তে পাওয়ার দরুণ বিজ্ঞাপন বাদ দিয়ে সম্পাদক মশাই সৌখীন খাসনবীশের গল্প প্রকাশ করে নিজেকে ধন্য মনে করেছেন।

এ বছর বাড়তি যত প্লট ছিল সবগুলিকে কাজে লাগিয়ে থাসনবীশমশাই ঝুড়ি ঝেড়ে অকুপণ ভাবে সবাইকে বিলি ক'রে ভাব ছিলেন এইবার নিশ্চিন্ত। পূজোর বাজারে আর ফাউন্টেনপেনে কালি ভরতে হবে না!

কিন্ত 'মরিয়া না মরে রাম!' শেষ মুহূর্তে অন্থুরোধ এলো 'রসালো' কাগজ থেকে। সম্পাদকের একান্ত অন্থুরোধ, পূজো সংখায় একটি রসস্ষ্টি করতেই হবে। নইলে পাঠক-পাঠিকাগণ নাকি মারমুখো হয়ে 'রসালো' কার্য্যালয় আক্রমণ করবে—এই রকম নোটিশ পাঠিয়েছে!

গত বছর সৌখীন খাসনবীশের গল্প ছাড়া পূজো সংখ্যা প্রকাশিত হয়েছিল বলে 'রসালো' স্থূপীকৃত হয়ে আফিসে পড়ে আছে, কেউ ছু'য়েও দেখেনি! তাই সম্পাদকের সামুন্য অমুরোধ যে, বিলম্বে হলেও তাঁর এই একান্ত মিন্তি রাখ্তেই হবে, নইলে চাক্রী রাখাই মুস্কিল হয়ে উঠবে। সৌথীন খাসনবীশ বিপদে পড়লো। সত্যি ত' কাউকে তার রসস্থা থিকে বঞ্চিত করতে পারে না! তার লেখা না পেয়ে যদি একটি কাগজ পটল-উত্তোলন করে তবে সেটা গর্বের কথা হতে পারে, কিন্তু বেঁচে থাক্তে এই লজ্জাজনক ঘটনা সে ঘট্তে দেবে কেন! কাজেই সৌথীন খাসনবীশ উৎসাহিত হয়ে উঠ্লো। কিন্তু বিপদ্ হচ্ছে এই যে, গল্প লেখার জন্ম লেখক যখন উৎসাহিত হয়ে ওঠে, বাড়ীর লোক তখন শক্ষিত হয়ে তুর্গানাম জপ করতে থাকে!

ছোট ভাই চুপি চুপি বৌদিকে গিয়ে খবর দিলে, বৌদি, সর্বনাশ, দাদা আবার আজ বিকেলবেলা কলনে কালি ভরে নিলে!

বৌদি চোথ ছটি বিক্ষারিত ক'রে জবাব দিলে, বল কি ঠাকুরীপো, এই যে শুন্লাম এ বছর পূজোর লেখা শেষ হয়ে গেল!

আমিও ত' তাই ভেবে স্বস্তির নিঃশ্বাস ফেলেছিলাম। কিন্তু সকালের ডাকে 'রসালো' কাগছ থেকে যথন একথানি থামের চিঠি এলো তথনই আমার বাঁ-চোথটা নেচেছিল। ভয়ে ভয়ে ছোট ভাই রঙীণ জ্বাব দিলে।

বৌদি থিল্-থিল্ করে হেসে উঠে বললে, 'রদালো' কাগ**জে**র চিঠিতে তোমার বাঁ-চোথ নাচ্তে যাবে কেন গ্

— তবে শোনো বলি। চারিদিকে একবার তাকিয়ে নিয়ে রঙীণ স্বরু করে: আছ সদ্ধ্যে থেকে তেতলার ঘরে আছ-টুর্ণামেন্টী। স্বরু হবে ঠিক ক'রে স্বাইকে নেমন্তর করেছি যে! ওদিকে দাদা ফাউন্টেন পোনে কালি ভরে বসে থাক্লো, আমার যে মাথা খুঁড়ে মরতে ইচ্ছে করছে।

वोि भूथ टिप्प ट्राप्त छेखत मिल, वालाई, बांहे! এখনো

আমার লাল টুক্টুকে জা আসে নি! এখন কি অমন অলক্ষ্ণে কথা বলে!

রঙীণ রাগ করে বল্লে, তোমার হাসি আমার ভালো লাগ্ছে না!

বৌদি কোন রকমে হাসি চেপে জবাব দেয়, তা হলে ত' রঙীণ ঠাকুবপোর অবস্থা সঙ্গীন বল্তে হবে। এই বলে বৌদি ঘরের কাজে অক্সদিকে চলে যায়।

রঙীণ ঠাকুরপোর অবস্থা সঙ্গান না হোক সন্ধ্যে হতে বাড়ীর ছেলেপুলে থেকে সকলকাব অবস্থাই যে বিশেষ জ্ঞাটিল হয়ে উঠ্ল সে কথা না বল্লেও বেশী বলা হয়!

সন্ধোর মুখে বারান্দায় কাগজপত্র সহ সৌখীনবাবু একটি ছোট্ট টেবিল নিয়ে ঘাঁটি আগ্লে বসলো।

সোখীনবাবুর ছোট মেয়ে শিখা বেথুন স্কুলে দিতীয় শ্রেণীতে পড়ে। রবীন্দ্র-সঙ্গীতে তার বিশেষ দখল আছে।

গানের ক্লাশ শেষ করে এস্রাজ হাতে সি'ড়ি বেয়ে তরতর্করে উঠ্ছিল ; কঠে তার গানের কলি ঃ

"আমার এ রিক্ত ডালি দিবো তোমারি পায়ে—"

হাসির শল্পের লেখক খাসনবীশ মশাই উস্থুস্করে উঠ্লো। তার পর গানটা নিকটবর্তী হওয়ায় যখন আবাে স্পষ্টতর হল, সৌখীন হুদ্ধার দিয়ে উঠ্লো, এই শিখা, তাের রিক্ত ডালির ঠাালায় আমার মগজ যে খালি হয়ে যাচ্ছে, একটা প্লটকে ধরবার চেষ্টা করছিলাম, গেল ফস্করে পালিয়ে!

সি'ড়িতে এস্রাজ পতন ও ভঙ্গের শব্দ শ্রুত হল, তার প্রই মায়ের বুকে মুখ লুকিয়ে শিখার সে কী কালা।

মা সান্ত্রনা দিয়ে বল্লে, তোমার বাবার গল্প পড়ে এত লোক হাস্বে আর তুমি কি না কাঁদছ! ছিঃ! চোথের জল মোছো। অভিমানী মেয়েব কালা কি কিছুতে থামানো যায়!

শেষকালে কোন একটা হাসির কথা মনে পড়ায় সেই ফোঁপানো কালায় ইতি পড়ে !

ওদিকে সৌথীন থাস্নবাশ পাতার পব পাতা লিখ্ছেন আর মুথ বিকৃত করে তিঁড়ে ফেল্ছেন! প্রট আব কিছুতে জন্ছে না। আদরের কুকুর টেংরী একবার পায়ে মুথ ঘস্তে এসে তাড়া থৈয়ে পালিয়ে গেছে!

ছেলেমেয়েদের প্রাইভেট টিউটার সাতেও নেই, পাঁচেও নেই।

এ সব মনস্তাত্ত্বিক কোন খবরই তিনি রাখেন না। দোবের মধ্যে
মাইনেব জন্ম সাম্নে এসে দাঁড়িয়েছেন। তার ছায়া এসে পড়েছে
লেখকের খাতার ওপর।

মূখ না তুলেই সৌখীন চীংকরে করে উঠ্লেন, আপনি সচ্ছ নন যে আপনাকে ভেদ করে আমি আলো পাবো। সবে পড়ুন এখান থেকে!

মাষ্টার মশাই মুখ কাচুমাচু করে প্রষ্ঠ প্রদর্শন কবলেন। মাইনে চাওয়া আর সাহসে কুলোলোনা। নিশ্চয়ই মাষ্টাবমশাই বংগায় ফিরে প্রাণগোলা হাসি হাস্তে পারেন নি। থাসনবাশের গল্প পাড়লেও হাস্তে পারতেন কিনা সন্দেহ!

চাকর এসেছিল ছুটি চাইতে।

সে প্রথমে একচোট ধমকানি খেলো। তারপর তার ওপর হুকুম হ'ল, এই বাাটা, আজ সারারাত তোকে আমার সঙ্গে এই বারান্দায় থাক্তে হবে। আমি রাত জেগে লিথ্বো, আর তুই আমাকে কফি তৈরী করে খাওয়াবি।

কর্তার মেজাজের সঙ্গে চাকর থানিকটা পরিচিত ছিল—ঘাড় কাং ক'রে বেচারী চলে গেল !

বারান্দার নানা কোণে পোড়া দিগারেট জমা হ'তে লাগ্ল, দিগারেটের ছাই উড়ে বেড়াতে লাগ্ল সর্বত্র—সৌথীন বারান্দায় পাগলের মতো পাইচারী ক'রে মাথার চুল ছি'ড়তে লাগল, কিন্তু গল্লের প্লট যেন তাকে ফাঁকি দিয়ে পালিয়ে বেড়াতে সুক করল!

কালকে সকালের মধ্যে লেখা দিতেই হবে; নইলে পূজো সংখ্যায় যাবে না! পারিশ্রমিকও লোভনীয়—নগদ পাঁচশত টাকা। খাসনবীশ মরিয়া হয়ে উচল। কিসে মানুষ হাসে গ

জল-বিছুটি গায়ে লাগিয়ে দিলেও কি পাঠক-পাঠিকারা দন্ত বিকশিত ক'রে হাস্বে না ং

হ্যাৎ দেখা গেল—আশে-পাশের বাড়ীর জান্লাগুলিতে ভীড় জমে গেছে! সেখানে ত' সবাই দাত বের ক'রে হাস্ছে! ব্যাপার কি !

ওরা কি সবাই গল্পের প্লট পেয়ে গেছে নাকি ? ছেলে, মেয়ে, গিন্নি, ক্যাড়া-মাখা কর্তা সবাই এত উন্লসিত হয়ে উঠেছে কেন ?

মনস্তবের অকুল পাথারে খাসনবীশ থৈ পায় না। এমন সময় গিল্লি এসে সামনে দাঁড়ালো।

সেও কি লেথকের সংক্ষ রসিকতা করবে নাকি গ

ক্র কুঁচকে সৌখীন স্ত্রীর দিকে তাকালো। স্ত্রী বল্লে, তোমার ভাত কি আজ এখানেই দেবো ?

খাস্নবীশ এইবার একেবারে ফেটে পড়ল।

—ভাত! ভাত রায়া করতে তোমায় কে বলেছে? তুমি কি জান না, গরম লুচি আর চিংড়ি মাছের মালাইকারী না হ'লে আমার মাথায় প্লট আসে না ?

খাসনবাশের মনে হল—সবাই একযোগে তার সঙ্গে যভ্যন্ত করেছে। কেই তাকে হাসির গল্প লিখতে দেবে না।

সত্যি এইবার তাব কারা পেতে লাগলো।

হাসির গল্পের আড়ালে যে এত কান্নার বতা লুকিয়ে ছিল, এ-কথা সৌখীন খাসনবীশ ইতিপূর্কেভেবে দেখে নি!

কিন্তু পাঁচ শ' টাকার মায়াও ত' চট্ করে ছাড়া যায় না! তারা যেন সবাই একজোট হয়ে দাঁত বের করে ওর নাকের ডগার ওপর তিড়িং লাফ মারতে লগেল!

রাত এগারটা বেজে গেল, কিন্তু প্লট এগোয় নি এক ইঞ্চি! হঠাং একটা বেড়াল ম্যা-ও করে ডেকে উঠ্ল।

বাঘের মাদিটাকে অত্যন্ত গন্তার প্রকৃতির লোক বলে মনে হ'ল।

খাসনবীশ তাড়াতাড়ি উঠে গিয়ে সায়নাতে নিজের মুখ দেখুতে লাগল। বেড়ালের মুখের সঙ্গে তার নিজের বড় বেশী সাদৃশ্য আছে বলে মনে হ'ল।

আয়নার সামনে দাঁডিয়ে সে থুব হাসতে স্তব্ধ করে দিল। **হাসলে** 

তাকে এত খারাপ দেথায় কেন ? তো ব্ ড়া নো গালের দাগগুলি আরো সুস্পাই হয়ে ওঠে।

সারো—সারো জোরে
সে মরিয়া হয়ে দাঁত বের
করে • চীংকার করে
হাসতে সুরু করে দিল।
হঠাং পাশের বাড়ীর
জান্লাটা সাবার খুলে
গেল। একটা টাকমাথাওয়ালা লোক ভারী



গলায় বল্লে, মশাই, এটা ভদ্রপল্লী, রাত বাবোটার সময় মদ খেয়ে হল্লার যায়গা এটা নয়। বেশী বাড়াবাড়ি করলে আমরা পুলিশে খবর দিতে বাধ্য হবো।

খাসনবীশ আবার উচ্চহাস্ত করে উঠ্ল!

হাসির গ'লাব প্লট বিছাৎ-চমকের মতো তার মগজে এসে গিয়েছে। ধল্যবাদ! সবাইকে ধল্যবাদ। বিশেষ করে ওই টাক-মাথাওয়ালা প্রতিবেশীটিকে। ভদ্রলোকেব নাম জানা নেই। নইলে তার নাম নিয়েই খাসনবীশ গল্প স্থক করতো! গভীর রাত…

সৌথীন থস্ থস্ করে লিথে চলেছে পাতার পর পাতা। বারান্দাময় কাগজ উড়ে বেড়াচ্ছে 

- সেগুলিকে কুড়িয়ে জড় করবার সময় পর্যন্ত নেই। পাশে চাকরটা ঘুনিয়ে আছে। তাকে ডেকে তুলে এককাপ কফি পানেরই বা সময় কোথায় ?

খাস্নবীশের কলমে জোয়ার এসেছে। রবীন্দ্রনাথের ভাষায় বলা যায়—

> —"মস্তিদ্ধ-কোটরবাদী চিন্তাকীট রাশি রাশি পদচিহ্ন গেছে যেন রেখে!"

ধীবে ধীরে আকাশ ফর্দা হয়ে এলো। রাস্তায় জল দেবার শব্দ শোনা গেল। সৌখীন তবু লিখে চলেছে।

সূর্যোদয়ের আগেই তাকে গল্পটি শেষ করতে হবে। লেখকের মনে হল এমন মজাদার গল্প জীবনে সে কখনো রচনা করেনি!

স্টির অভিনব আনন্দ তাব মুখকে দীপ্রিময় করে ভূললো। রাত্রি জাগরণেব কোনো গ্লানি আর সেই মুখে খুঁজে পাওয়া গেলনা।

সৌখীন শেষ পাতায় ইতি টেনে উঠে দাড়াল। সারা বারান্দায় ছড়িয়ে আছে কাগজগুলি। ঠিক যেন বাণীর কমলবনের রাজহংস তার শ্বেতপাথাগুলি ছড়িয়ে রেথে গেছে!

খাসনবীশ ছুটোছুটি করে পাতাগুলি কুড়িয়ে গুছিয়ে নিলে। বেশ বড় গল্প হয়েছে। একটি আলপিন দিয়ে পাতাগুলির হৃদয় ভেদ করলে। আঙুলে আলপিনের থোঁচায় সে নিজের অজান্থে "উঃ" কবে উঠল।

এ কি স্জনের সফলতায় আনন্দ-দানি ?

সৌথীন সেদিকে আব দৃষ্টিপাত না করে জামা গায় দিয়ে গল্পটা পকেটে পুবে প্রথম ট্রানের জন্মে দরজা খুলে ফুটপাথে নেমে এলো।

সারাবাড়ী তখন ঘুমে অচৈত্তা।

সারাধাত মেশিন চল্ছে 'রসালো' কার্যালেয়ে। সম্পাদক মশাই অতি প্রত্যুষে তন্ত্রাবিজড়িত চোখে ধুমায়িত চা পান করছেন। খাসনবীশকে দেখতে পেয়ে তিনি আর এক কাপ চা তার দিকে ঠেল্লে দিলেন।

সৌখানের মনে হল এমন ভৃপ্তিদায়ক চা দে জীবনে কখনো পান করে নি।

মুদ্রিত নেত্রে বল্লে, গল্লটা এনেছি।

সংবাদটিতে সে যে আনন্দোচ্ছাসেব প্রতীকা করছিল, সম্পাদকের পক্ষ থেকে তা না পেয়ে চোথ থুলে বিশ্বিত নেত্রে তাকিয়ে রইল।

সম্পাদক বরেন, দেখুন খাশনবাশ মশাই, একটা কথা বলবার আছে। আপনার বড় গল্প যাড়েছে শুনে শেষ মুহূর্তে এত বিজ্ঞাপন পেয়ে গেলুম যে, সেগুলি ফেরং দেবাব আর উপায় রইল না। সারারাত জেগে মেশিন চালিয়েছি। আজ সকালেই 'রসালো' বাজারে বেরিয়ে যাড়েছে।

সৌথীন বল্লে, বলেন কি? কিন্তু আমার গল্প**! সম্পাদক** বল্লেন, উপায় নেই থাসনবীশ মশাই। সৌখীন বাধা দিয়ে চোথ পাকিয়ে বল্লে, আমি সারারাত জেগে এই গল্ল লিথেছি—

শান্তকঠে সম্পাদক জবাব দিলেন, এ ট্র্যাজেডি জীবনে নিত্য ঘট্ছে সৌথীনবাব্। রবীন্দ্রনাথ 'সোনার তরী'তে তার হদিশ দিয়ে গেছেন—

> "ঠাই নাই ঠাঁই নাই, ছোট এ তরী আমারি দোনার ধানে গিয়াছে ভরি !"

সৌখীন খাসনবীশের মনে হল সম্পাদকের গালে একটি চড় বসিয়ে দেন। কিন্তু তিনি কিছুই করলেন না। আঙুলের দিকে হঠাৎ চোথ পড়তে দেখলেন, পিনের খোঁচা লেগে সেখানে খানিকটা রক্ত জমে আছে।



গণংকারের কাছ থেকে হাতটা টেনে নিয়ে অর্জুন প্রথমটা হো-হো করে হেসে উঠল।

—বলছেন কি আপনি ? আমি খুন করবাে! নিরীহ স্কুল মাষ্টার আমি। ছেলেদের চড়-চাপড়টা মারি বটে—তাই বলে একেবারে খুন! সতি৷ হাসালেন আপনি! এই জন্মই লােকে জ্যোতিযে বিশ্বাস করতে চায় না! গণংকার একটু চটে উঠে জবাব দিলেন, বলছি কি আর সাধে মশাই! গ্রহের ফের! নইলে কেট বা রাজা, কেট বা পথের ভিথারী হয় কেন! সবই ওই গ্রহের যোগাযোগ! মানুষের সাধ্যি কি যে তা খণ্ডন করে!

অর্জুনও থুব বিরক্তি বোধ করল। বল্লে, আরে রেখে দিন আপনার গ্রহের ফের! গণনার কিছু জানেন না, অথচ এসেছেন গণনা করতে! বলুন দেখি আপনার নিজেব মৃত্যু হবে কবে ?

গণংকার নাক সিটেকে জবাব দিলেন, ভেবেছেন ওই কথা বলে আমায় ভড়কে দেশেন ? সে গণনাও করে বেখেছি মশাই! • ৫৩ বছর ৩ মাস ১৬ দিনের দিন হবে আমার মৃত্য়। নিজের ছক বিচার করে স্থিব করেছি —একেবারে অপ্রায়।

মর্জন বাজ করে বল্লে, কত ঘণ্টা, কত পল, কত বিপাল—সে সব কথাও বিচারে ধরা পড়েছে না কি! এক কাজ করুন— আগো থেকেই শ্রাদ্ধিটা চুকিয়ে ফেলুন, আমরা নেমন্তর খেয়ে হাফ্ ছেড়ে বাঁচি।

গণংকার মৃহ হেসে বল্লেন, অনিখাসের কোনই কারণ নেই, কত পল, কত বিপল—অভ্রান্ত-ভাবে সে কথাও বলা চলে। দেখি আপনার হাত খানা আরেকবার।

নিতান্ত কৌতৃহলের বশবতী ছয়ে অজ্ন তার হাতথানা আবার গণংকংবেব দিকে প্রদারিত করে দিলে।

গণকার এক*দৃত্তে* অর্জুনের হস্ত-রেথার দিকে তাকিয়ে রইলেন যেমন নাকি স্তনিপুণ মৎস্ত-শিকারী ফাতনার দিকে তাকিয়ে থাকে। ক্রমে তাঁর নাসা ফীত হল—ললাট কুঞ্চিত হল—
চক্ষু আয়তনে ক্ষুদ্রাকৃতি হল। চোথের চশমা কপালের ওপর
তুলে তিনি বল্লেন, যথাযথ সময় জান্তে চাইছিলেন না ?
আপনার হস্ত রেখায় স্পৃষ্ট রয়েছে আজ রাত্রের মধ্যেই আপনি
খুন করবেন।

হো-হো করে অর্জুন রায় আবার হেসে উঠ্ল। তারপর অত্যন্ত তাচ্ছিলোর স্থরে বল্লে, যদিও বা জ্যোতিষের ওপর খানিকটা বিশ্বাস ছিল আপনার এই ভবিগ্রাং-বাণীতে তা একেবারে উপে গেল। আজ রাত্রে আমি খুন ককরে। সেটা ত আর সম্ভব পর্ব হবে না, স্বতরাং কাল সকালে এসে আপনাকে খুন ক'রে যাবো। যদি মনের জোর থাকে ত কাল এখানে উপস্থিত থাক্বেন।;

হাস্তে হাস্তে আৰু মাথা নাড়তে নাড়তে অৰ্জুন বাড়ীর দিকে পা চালিয়ে দিলে।

বাসায় ফিবেই অর্জুন তার টেবিলের ওপর একথানা চিঠি পেলে। বন্ধু অর্ধেন্দু নেমন্ট্র কবেছে।

এটা একটা স্থখবর সন্দেহ নেই।

কেননা অর্থেন্দুর জৌ নয়নতারা চমংকার বালা করে। বেশ ক'রে স্নান ক'রে সে সারাদিনের ক্লান্তি দূর করলে। তারপর জামা কাপড পাল্টে ভুরি-ভোজনের উদ্দেশ্যে রওনা হ'ল।

রাস্তায় চল্তে চলতে গণৎকারের ভবিয়াদ্বাণী তার মগজে কাজ কবতে স্থক্ষ করলে। তাইত। আজ রাত্রের মধ্যেই সে খুন করবে—গণৎকার এমন কথা জোব করে বলতে সাহস করলে কি ভাবে! ওই ত ওর সামনেই একটা লোক মাথা গুঁজে পথ্চলছে। সে যদি পিছন থেকে জোরে একটা ধাকা মারে ভবেই ত লোকটার পঞ্জ প্রাপ্তি ঘট্বে! খুন করা এমন একটা কীশক্ত কাজ।

আরো একটা সহজ উপায় আছে।

মিলিটারী লরী হু-হু শব্দে রাস্তা দিয়ে চলেছে। একটা লোককে একটু ঠেলে তার সামনে ফেলে দেবার যেটুকু সামান্য প্রচেষ্টা। বেশী কষ্টও করতে হয় না সেজ্ঞ।

এই তো দিব্যি ফুটফুটে একটি ছেলে রাস্তায় দাঁড়িয়ে আপন মনে খেলা করছে! শুধু একটু বুড়ো আঙুলের টিপুনি!

× \* \* \*

আরে মোলো যা!

সে কী ভাবছে আবোল-ভাবোল!

ভদ্র ঘরের সন্তান সে! নিতান্ত নিরীহ স্কুল-মাষ্টার! খামোখা একটা লোককে খুন করতে যাবে কেন গু

গণংকার একটা কথা বলেছে বলেই কি সে খুনী হয়ে গেল !

ক্রতপদে অর্জুন বন্ধুর বাড়ীর দিকে রওনা হল। এতক্ষণে ব্ঝতে পারলে বেশ থিদে লেগেছে তার। পেটে যথন আগুন জ্বলে সেই সময়ই মগজের ভেতর অকারণ আবোল-তাবোল কথার উদ্ভব হয়। যত বাজে অলস চিন্তা।

অনেক দিন ধরে বাসায় ঠাকুরের রান্না খেতে খেতে মুখে অরুচি ধরে গেছে। বন্ধু-পত্নী নয়নতারার রান্নার হাত্যশ আছে। আজ খাওয়াটা ভালই হবে ভেবে অর্জুন পদক্ষেপ ক্রুতত্র করে দিল।

অর্ধেন্দুর বাসায় পৌছে দেখে, আরো সব বন্ধুরা সমবেত হয়েছে এবং সবাই তার জন্মেই অপেক্ষা করে আছে। বন্ধুর দল সমবেত কঠে সম্বর্ধনা জ্ঞাপন করলে—, তারপর অনুযোগের স্থুরে শুধোলে, আবে! বৌদির হাতের রানা! তোমার তব্ আসতে এত গ্রংগচ্ছ ভাব কেন শুনি ? অন্য কোথাও নেমন্তন্ধ আছে নাকি ?

অর্জুন বল্লে, আরে না—না। আর যদিও বা নেমন্তর থাকতো তবে বৌদির 'অনাবে' সেটা 'ক্যান্সেল্' করতে আমার এক মুহূর্ত বিলম্ব হ'ত না! আরে ভাই, বৌদির হাতের মাংস আর চাটনি··· সে কি ভোলা যায়! জিভে যেন লেগে রয়েছে!—ওহে অর্ধেন্দু পাত পড়েছে ত ?

অর্ধেন্দু রসিকতা করে জবাব দিলে, পাত প'ড়েছিল বহুক্ষণ আগে, এইবার পাত ফেল্বার দরকার। আর বোধ করি সেই জন্মই তুমি সময় মত এসেছ।

হাস্ত্য-পারহাদের ভিতর দিয়ে সবাই থেতে বস্ল।

খাবার মুখে তুলতে গিয়ে গণংকারের কথাটা আবার অর্জুনের মগজটা নাড়া দিলে! ও যেন কেমন অক্সমনস্ক হয়ে গেল। নয়নতারা তার ভাবান্তর লক্ষ্য করে বল্লে, রান্না বোধকরি আমার ভালো হয়নি, নইলে অর্জুনবাবু কিছুই মুথে তুলছেন না কেন ং

অর্জুন নিজেকে সচেতন করে তুলে বল্লে, না বৌদি! রান্না থুব চমৎকার হয়েছে। .আমি অন্থ একটা কথা ভাবছিলাম।

নয়নতারা খিল্ খিল্ করে হেদে উঠে জবাব দিলে, উহু ! এটা আমার রান্নার পক্ষে মোটেই 'কম্প্রিমেট' নয়। অপর এক বন্ধ্ নয়নতারার কথাটাকে সমর্থন করে কইলে, নিশ্চয় নিশ্চয় ! বৌদির রান্না চাথতে গিয়ে অন্থ সব কথা ভূলে যেতে হয়…আমাদের ত এই-ই ধারণা। নয়নতারা ফোঁড়ন দিয়ে বল্লে, কথা গুলো শুনে রাখ্বেন অজুন বাব্!

অজুনের হঠাৎ মনে হল সেই গণংকাবের কথাটা। একুণি যদি ও হাতের কাছের কাঁসার গ্লাসটা ছুড়ে মারে তবে হয় বদ্ধুটি, না হয় নয়নতারা পটল তোলেন ভার সঙ্গে সঙ্গে গণংকারের কথাটাও সত্যি হয়ে যায়। কিন্তু অনেক করে সে মনকে দমন করলে।

নয়নতারা বল্লে, নিশ্চয়ই অর্জুনবাবু কোথা থেকে খেয়ে এসেছেন —নইলে আপনার এমন অফিদে ত কোন দিন দেখিনি!

য়ানসুথে অর্জুন জবাব দিলে আমার শরীরটা বিশেষ ভালো নেই বৌদি, আপনারা ক্ষমা করুন—আমি উঠি।

অর্থেন্দু ব্যস্ত হয়ে বল্লে, তুমি আমার বৈঠকথানা ঘরটায় শুয়ে পড়গে। ওরে বৃন্দে, পাথাটা খুলে দে— পেটে ক্ষিদে থাকা সত্বেও অর্জুন বাইরের ঘরের করাশে গিয়ে শুয়ে পড়ল। থাবার ঘর থেকে ক্রমাগত হল্লা-হাসি ভেসে আসতে লাগ্ল।

অর্জুন ভাবলে, ওরা তাকে নিয়েই হাসি ঠাটা করছে না ত ? মাথায় আবার খুনটা চেপে বসল। নাঃ, গণৎকারের কথাটাই বুঝি আজ সত্যি হবে !

অর্জুন শুয়ে থাক্তে পারল না, উঠে বসল।

ঘরের এক পাশে অর্ধেন্দুর ডাম্বেল জোড়া রয়েছে। পরমানন্দে ওরা খাচ্ছে। মাঝে মাঝে হাসির ফুলঝুরি! নয়নতারাও আজ খুব হাস্ছে।

নিশ্চই সবাই মিলে ওকে ঠাট্টায়-ঠাট্টায় মাটিতে ধ্লোর সঙ্গে মিশিয়ে দিখ্ডে!

সত্যন্ত মরিয়া হয়ে অজুন ডাম্বেলটা হাতে তুলে নিলে।

দেয়ালের গায় আয়নায় ওর ছায়া ভেসে উঠ্ল। কী মুখ চোখের অবস্থা তার! ডাম্বেলটা রেথে থস্ থস্ করে অর্জুন একটা চিঠি লিখে অর্থেন্দ্র টেবিলের ওপর চাপা দিয়ে ঝড়ের মত বেরিয়ে গেল।


খাওয়া দাওয়ার পর অর্ধেন্দু টেবিলের পাশে দাড়িয়ে হঠাৎ
চীৎকার করে বল্লে, সর্বনাশ! অর্জুন কাকে খুন কবতে ছুটেছে…
চিঠি লিখে গেছে!

চিঠিথানি পড়ে সবাই পরস্পরের দিকে তাকাতে লাগ্লো।

নয়নতারা ব্যস্ত হয়ে বল্লে, নিশ্চয়ই অর্জুনবাব্র মাথা থারাপ হয়ে গেছে। মুখ চোথের ভাব আমার তথুনি বিশেষ ভালো মনে হলো না! ওগো. তোমরা যাও—ওকে ধরে ফেল, নইলে একটা কেলেঙ্কারী হবে!

ভরা পেটে বন্ধুর দল তক্ষুনি রাস্তায় বেরিয়ে পড়ল।

অর্জুনকে ওরা যথন আবিঙ্কার করলে দে তথন একটা



বন্ধুদের দেখে সেতৃটি হাত উচু করে দেখালো। একি! তার তু'হাত একেবারে রক্তে রাঙা!

অর্ধেন্দ্ শিউরে উঠে বল্লে, সর্বনাশ! কাকে খুন করে এলি অর্জুন!

নিশ্চিস্ত আরামে সে জবাব দিলে, ট্রামের বেঞ্চের প্রায় হাজার থানেক ছারপোকা খুন

করেছি। এইবার আমি সতি। ঘুমুতে পারবো।



রামশরণ একটু চিন্তিতই হয়ে পড়েছে।

স্ত্রীব বড বাড়াবাড়ি অন্থথ; তাই তাকে নিয়ে কিছুদিনের জন্ম বায়ু পরিবর্ত্তনের জন্মে কল্কাতার বাইরে যাওয়া একান্ত আবশ্যক।

ভাক্তার বলেছেন, আজ যেতে পারলে যেন কাল্কের জন্মে দেরী করা না হয়।

**স্ব.** বু.—৬

বায়ু পরিবর্ত্তনের ব্যবস্থা করা রামশরণের পক্ষে কিছুমাত্র কষ্টকর নয়।

সত্যিকথা বলতে কি তুড়ি দেওয়ার মতোই একটা সহজসাধ্য ব্যাপার।

শুধু একটি চেকে নাম সই করে দিলেই প্রয়োজনীয় টাকা আধঘণ্টার মধ্যে ঘরে এসে পোঁছুবে।

যত ভাবনা নিজের পৈতৃক বাড়ীটিকে নিয়ে।

বাড়ীর জন্ম যে এত মাথা বাথা হতে পারে তা' আগে কে ভেবে রেথেছিল ?

পিল্ পিল করে পোকার মতো লোক আস্ছে চারদিক থেকে। কলকাতায় পা বাড়াবার যায়গা নেই।

ফুটপাথ দিয়ে হাটতে গেলে প্রতি মূহূর্ত্তে লোকের সঙ্গে ধাকা লাগ্বার সম্ভাবনা। ট্রামে কিম্বা বাসে যদি উঠ্তে চাও ত' বাহুড়-বৃত্তি অভ্যাস করতে হবে। প্রসা থাক্লে ট্যাক্সিতে চাপ্তে পারো, কিম্বা নিজে গাড়ী কিনে প্রয়োজনীয় কাজের জন্মে ছুটোছুটি করতে পারো, কিন্তু পেট্রোল বাড়ন্ত। ফলে তোমার কেনা গাড়ী গ্যারেজেই গুদোমজাত থাক্বে।

বাজাবে গিয়ে কোনো জিনিস ছোঁবার যো নেই। দাম শুন্লে শক্থেতে হবে।

এই পোকা-মাকড়গুলো কোথায় লুকিয়ে ছিল রামশরণ ভেবে পায় না।

> "যৌবন জল-তরঙ্গ রোধিবে কে হরে মুরারে·····"

ভেবে ভেবে রামশরণ ছটো সিগার পুড়িয়ে শেষ করে ফেল্লে; সেই ভন্মরাশির দিকে তাকিয়ে ভাবতে লাগ্ল, আজ যদি পরিবার নিয়ে বায়ু পরিবর্ত্তনে পাড়ি জমাই, তবে থালি বাড়ী পেয়ে এই পিল-পিলে পোকার দল তার গৃহে এসে আশ্রয় নেবে। চাই কি সরকার বাড়ীটি দথল করে একটি আশ্রয়-কেল্রই খুলে দেবে। ছ'মাস পরে কল্কাতায় ফিরে এসে তাকেও ওই পোকামাকড়ের দলে নাম লিখিয়ে ফুটপাতে ফুটপাতে ঘুরে বেড়াতে হবে।

বাড়ী থাকার যে এত বিপদ সেকথা কি তার পিতামহ তুর্গাশরণ ভাবতে পেরেছিল ? স্বর্গত পিতামহ স্থুথে থাকুন, কিন্তু রামশরণ এই 'বাস্তুভিটা সমস্যায়' তিন রাত্রি ঘুমুতে পারছে না।

বাড়ীটিকে ত' আর বহন করে বায়্পরিবর্ত্তনে নিয়ে যাওয়া যায় না! এর চাইতে ভাড়াটে বাড়ীতে বাস করা ছিল ভালো! মাস-মাস ভাডা গুণে দিলেই দায়মুক্ত হতে পারত।

ছ-একটি আত্মীয়-স্বজনের নাম স্মরণে আন্বার চেষ্টা করলো রামশরণ। কিন্তু বিপদ সেখানে আরো ঘনাভূত হতে পারে। ছ'মাসের নাম করে এসে তারা যদি অধিকতর আত্মীয়তায় আপুত হয়ে চিরস্থায়ী বন্দোবস্ত করে বসে তবে তাদের স্থানচ্যুত করবে কি করে ?

এ যে একেবারে জলে কুমীর, ডাঙ্গায় বাঘ! রামণরণ ঘামে আর ঘন-ঘন সিগার টানে!

হঠাৎ তার শ্রামস্থন্দরের নামটা মনে পড়ে গেল। শ্রামস্থন্দর রামশরণের কলেজ-জীবনের সহপাঠী। চিরকাল পরের উপকার করে যাওয়াই তার পেশা। সারাটা জীবন অন্সের দিকে বেশী দৃষ্টিপাত কবতে হয়েছে বলে নিজের প্রতি আর নজর দেবার সময় তার হয়ে ওঠেনি। স্থতরাং সে অকৃতদারই রয়ে গেছে। হ্যা, ঠিক হয়েছে। শ্রামস্থন্দরই রামশরণের শ্রাম আর কৃল ছই-ই বজায় রাখতে পারবে!

নিশ্চিন্ত হয়ে মুখের সিগার নিভিয়ে ফেলে তিনি নৈশ-উপাধানের আশ্রয় গ্রহণ করলেন।

শ্যামস্থন্দর থাকে বেলেঘাটার এক বস্তি সঞ্চলে।

সেথানে সে একটি নৈশ-বিভালয় চালায় আর বস্তিবাসীদের উন্নতি বিধানের চেষ্ঠা করে।

চা-পর্ব্ব সমাধানের পর সকালেই রামশরণ নিজেই গাড়ী ড্রাইভ করে বেলেঘাটা অভিমুখে রওনা হলো। ড্রাইভারকে সঙ্গে নিতে তার একটা সঙ্কোচ বোধ হল। বিশিষ্ট ব্যবসায়ী রামশরণের বন্ধ্ যে বেলেঘাটার বস্তি অঞ্চলে বসবাস করে একথা তাব গাড়ীর চালককে জানাবার এমন কি প্রয়োজন থাকতে পারে? নিজের 'প্রেস্টিজ্' বলেও ত' একটা কথা সাছে। নিজের স্বার্থের থাতিরে বস্তার অধিবাসীকে খোসামোদ কবতে হচ্ছে তার। ধনীর তথাকথিত সন্মানের মোহে এ সব ব্যাপারের সাক্ষী না রাগাই বৃদ্ধিমানের কাজ।

একটা দিগার ধরিয়ে রামশরণ দ্রুত সপ্রদাব হল। তার বরাৎ ভালো যে শ্যামস্থান্দরকৈ বস্তিতেই পাওয়া গেল। শ্যামস্থানর মালকোচা মেরে বস্তির দ্রেমগুলিতে কেরোসিন তেল ঢাল্ছে। সঙ্গে এক পাল ছেলে।

রামশরণ ধ্মকেতুব মতো হাজির হয়ে মুখ থেকে একরাশ ধোঁয়া ছেড়ে বল্লে, তোমার সঙ্গে আমার ভারী জরুরী দরকার আছে গ্যামস্থানর।

রামশরণকে হঠাৎ সেখানে দেখতে পেয়ে সে উল্লসিত হয়ে জবাব দিলে, আরে! ব্যাপার কি ভাই? গরীবের বাড়ীতে যাকে বলে একেবারে হাতির পা!

—বাজে কথা রাখ শ্রাম, শীগ্গির আমার গাড়ীতে উঠে আয় দিকি।

রামশরণ বিশেষ ঘনিষ্ঠ হবার চেঠা করে।

শ্যামসূন্দব বিব্রত বোধ করে। বলে, কিন্তু ভাই, আমি যে একটা দরকারী কাজ করছি। অনেক কপ্তে কর্পোরেশনের কাছ থেকে এই কেবোসিনটুকু পাওয়া গেছে। কাউন্সিলারের কাছে এজন্য ঘুরতে হয়েছে প্রায় হু'মাস।

রামশরণ জানে শ্রামস্থন্দরের ছর্নবৈলতা কোথায়। তাই এবার অব্যর্থ শর-সন্ধান করে।

মুখথানাকে বিয়োগাস্ত নাটকের নায়কের মতো করে জবাব দেয়, তোর বৌদির খুব বাড়াবাড়ি অস্থ। ক্রমাগত তোর কথাই বল্ছে। একবার না গেলে চল্বে না ভাই।

শ্যামস্থলর এই বৌদির কাছ থেকে অনেক স্নেহ আর প্রীতি পেয়েছে। যথন তাই একবারে খাওয়া জুটত না—এই বৌদি তাকে পাক্ড়াও করে নিয়ে গিয়ে নিজে সাম্নে বসিয়ে যে কতদিন খাইয়েছে তার হিসেব মেলে না। তবে শ্যামস্থলর একটি খবর রাখে না যে, এই সব বাহুল্য ব্যাপারে রামশরণ তথন মনে মনে

অখুশীই হয়েছে! কিন্তু কল্যাণী কারো কথা শোনে নি। এই ছন্নছাড়া দেবরটিকে খাইয়ে তার যে তৃপ্তি হত তাকে সে ঠাকুর সেবার কাজ বলে মনে করত।

রামশরণ ঠাট্টা করে বল্ত, তুর্ভাগ্য আমার যে স্বদেশী লোক হতে পারিনি···তাহলে কল্যাণীর কাছ থেকে খাতির-যত্ন পাওয়া যেত।

শ্যামস্থনর মৃথ টিপে-টিপে হাস্ত আর কৌতুক করে জবাব দিত, অনেক সময় ছন্নছাড়াদের ওপরই অন্নপূর্ণার কুপা বর্ষণ হয়। বৌদি তেলে-মাথায় তেল দিতে নিতান্ত অনিচ্ছুক।

রামশরণ হো-হো করে হেসে উঠে মনের কালো মেঘটাকে দূরে সরিয়ে দিতে চেষ্টা করত, কল্যাণী চটে জ্রভঙ্গী করত আর শ্রামস্থন্দর ত্জনকে দেখিয়ে গোগ্রাসে গিলতে থাক্ত, যেন জীবনে কোনো দিন কিছু থায় নি!

সেই কল্যাণী বৌদির কাছ থেকে আহ্বান এসেছে। শ্যামস্থলর কি তা অবহেলা করতে পারে? ছেলেদের হাতে কেরোসিনের টিনটা দিয়ে নির্বিবাদে সে গিয়ে গাড়ীতে উঠল।

যেন মন্তর পড়ে দাপকে একেবারে কাবু করে ফেলা হয়েছে।

কল্যাণীর চেহারা দেথে শ্যামস্থলর একেবারে আঁৎকে উঠ্ল।
তবু ঠাট্টা করে বিষয়টাকে হাকা করবার জ্ঞান্ত বল্লে, রামশরণ
আপনাকে খেতে দেয় না—একথা ত' কথানা শুনিনি। প্রদর্শনীতে
দেবার মতো চেহারা করে তুল্লেন কি করে ?

কল্যাণী বল্লে, বিশ্বের খবর নিয়ে যে সব সময় চিন্তিত, আমাদের কথা মনে রাখবার সময় তার কৈ ? কল্যাণীর কথাটাকে চাপা দেবার জন্ম শ্রামস্থলর বলে উঠল, আপনি শ্বরণ করেছেন বলেই ত' তাড়াতাড়ি ছুটে এলাম।

— আমি স্মরণ করেছি ? কল্যাণীর চোখে-মুখে বিস্ময়।

রামশরণ দেখলে সব কথা এক্লি ফাস হয়ে যাবে—আর তার সমস্ত প্ল্যান ডুবে যাবে অগাধ জলে। তাই সিগারে একটা টান দিয়ে বল্লে, তোমার অস্থাবের খবর পেয়ে ও চুপ করে বসে থাক্তে পারে নাকি? রাস্কেলটা সত্যি বিশ্বের উপকারেই মত্ত ছিল। আমিই ত'ধরে নিয়ে এলাম।

শ্রামস্থলর বল্লে, আপনার শুশ্রাষার ভার।আমি নিলাম বৌদি। আপনাকে ভালো করে দিয়ে তবে আমার অন্য কাজ।

রামণবণ দেথ্লে—সমস্ত ব্যাপারটাই 'উল্টা ব্ঝিলি রাম' হয়ে যাছে। এভাবে থাল কেটে কুমীর আন্বার পক্ষপাতি সে নয়। চট্ করে চেয়ার ছেড়ে দাড়িয়ে উঠে বল্লে, শ্যাম, কল্যাণীর চিকিৎসা সম্পর্কে তোর সঙ্গে আমার জরুরী পরামর্শ আছে। আয় ত' আমার সঙ্গে—

শ্যামস্থনদরকে কিছু বলবার অবসর না দিয়েই রামশরণ তাকে নিয়ে বসবার ঘরে চলে শেল।

সেইখানে নিরাপদ গণ্ডীতে বসে সে খুলে বল্ল তার প্ল্যান।

শ্যামস্থন্দর জবাব দিলে বেশ ত'! ডাক্তার যথন বলেছে, বৌদিকে নিয়ে কালই চেঞ্জে চলে যাও। বাড়ীব ভার আমি নিলাম, তোমার কোনো চিন্তা নেই। ঘরগুলো সব তালা বন্ধ করে চাবি আমার কাছে দিয়ে যেও। মাঝে মাঝে খুলে আমি চাকরদের দিয়ে পরিষ্কার করিয়ে রাথ বো। এইবাব রামশবণ স্বস্তির নিশ্বাস ফেলে বাঁচলো। সেইদিন রাত্তিরে সে নিশ্চিন্ত মনে ঘুমুতে পারলে।

কল্যাণীকে নিয়ে রামশরণ গিরিডি চলে গেছে।

বিরাট বাড়ীতে শ্যামস্থন্দর একা। ছটি চাকর অবশ্য আছে। তারাই বাড়ী ঝাড়-পোছ করে আব শ্যামস্থন্দরকে রানা করে খাওয়ায়। কলাণী কোনো ব্যবস্থাই অসম্পূর্ণ রেখে যায় নি। রোগশ্যায় শুয়েও সকল দিকে তার তীক্ষ্ণ প্রিছিল।

খালি বাড়ীতে শ্রামস্থানেরে অরে সময় কাটতে চায় না।
তারপর হঠাং একদিন উৎসাহিত হয়ে সে প্রবন্ধ লিখতে বসে গেল।
পূর্ববহ্রসীরা কেন বাস্তুভিটা তাগে করে দলে দলে কল্কাতায় চলে
আস্তে এই হচ্ছে প্রবন্ধের আলোচ্য বিষয়।

লেখটি যথন প্রায় অর্ধসনপ্তি তথন হসং একদিন বাড়ীর দোর গোড়ায় সতোশের সঙ্গে তাব দেখা। সতোশ বাস্ত্রতাগীদের আশ্রয়দানের কাজে দিন রাত পরিশ্রম করছে—তার নিঃশ্রাস ফেলবার সময় নেই! সর্বদ। বাস্ত-বাগিস—দাড়ি কামানোর ফুবসংও তার কদাচিং মেলে!

নোটা চশনাব লাকে ব্যস্ত-চোথ দব সময় উকি নাবে। সতোশ অবাক হয়ে বল্লে, আনবা তোকে গঞ থোঁজ করে মরছি আর তুই এখানে পালিয়ে রয়েছিদ হতভাগা । Coward! কি করছিদ্ এখানে শুনি !

অপরাধীন মতে। শ্রামসুন্দর জবাব দিলে, কেন সবাই বাস্তত্যাগ করে আস্ছে সেই সম্পর্কে একটা গবেষণামূলক প্রবন্ধ লিথছি। প্রবন্ধ ! সত্যেশ যেন সাততলা বাড়ীর ওপর থেকে ফুটপাতের ওপর পড়ে হাড়গোড় ভেঙে ফেলে।

প্রতিটি মুহূর্ত যেথানে কাজ করে সমস্তার সমাধান করা যায় না—প্রবন্ধ লিথে সেই জটিল গ্রন্থি সে খুলতে চায় ?

হান্ধ। হাসি দিয়ে সত্যেশ শ্যামস্তন্দরের গুক-গন্থীর প্রবন্ধের 'গ্রাভিটি' নম্ভ করে দিলে।

সত্যেশ একবাৰ ৰাড়ীটাৰ দিকে তাকিয়ে বল্লে, এই ৰাড়াতে তুই থাকিস্ ং

- —ভূ•
- —বাড়াটা কাব গুনি গ
- অমার এক বন্ধুর। তার। চেঞ্চে গেছে।

সতোশ যেন 'ইট্ক্লিডেন' এক জনল সমস্তার সমাধান করে কেলেছে। বল্লে 'ইট্রেকা'। তান্ধর শানস্কলেরের দিকে তাকিয়ে জ্বাব দিলে, ঘরে বসে কাগজ-কলম নই না করে আমাব সঙ্গে চল —শেয়ালদা' ষ্টেশনে। দেখ্বি কত পরিবার না খেয়ে পড়ে আছে। কত শিশু ত্ধ পাচ্ছে না, কত লোক সর্বস্ব খুইয়ে পথের ভিষারী হয়ে পড়েছে।

শ্যান স্থলবের ভেতরকার কমী-মানুষটা হঠাং ঘুম ভেঙে জেগে উঠল। বল্লে, নিশ্চয়ই যাবো।

সত্যেশ জবাব দিলে, শুধু গেলে হবে না, তাদের এই বাড়ীতে থাক্বার ব্যবস্থা করে দিতে হবে।

রামশরণের গম্ভীর মৃথটা তার মনের আকাশে ভেদে উঠ্**ল।** দে একটু ভয় পেয়ে গেল। কিন্ত মুহূর্তমাত্র।

তার পাশেই সে দেখ্তে পেলে কল্যাণীর কলাণময়ী মূর্তি।

শ্যামস্থলর তার সমস্ত দিধাকে দ্রে সরিয়ে দিয়ে বল্লে, ঠিক কথাই বলেছিস সত্যেশ! প্রবন্ধ লিথে তাদের ভিটে ছেড়ে আসবার প্রকৃত কথা জানা যাবে না! তাদের সঙ্গে দিনের পর দিন মিশতে হবে। তুই চলে যা ঔেশনে। আমি ততক্ষণ চাকরদের দিয়ে ঘরগুলো খুলে ফেলে ওদের থাক্বার ব্যবস্থা করে দি—

সত্যেশের কারোমতি আছে বলতে হবে।

সাধ ঘটাবে মধো লম্বা, বেঁটে, কুঁজো, খোঁডো, বাতে-পদু, সাধ্যত প্রভৃতি বিভিন্ন ধাঁচের সার চণ্ডের সাবাল-রক্ষ-বামীতায় বাড়ীখানি পূর্ণ করে কেল্লে। এ ছাড়া শিশুর দল ত' সাছেই। কিছুক্ষণের মধো তাদের কোলাহলে সার কলরবে মনে হল বাড়াতে বুঝি রথেব-সেলা বসে গেছে।

চাকর তুটি বাব্ব কাণ্ড-কাবথানা দেখে পরম্পরের মূথের দিকে চেয়ে বারা ঘরে গিয়ে অঞ্যে গ্রহণ করলে।

ইতিমধ্যে শ্রামস্তব্দর সকলের ইতিহাস আবিদ্ধারের তৎপর হয়ে উঠেছে। কে কোথা থেকে এসেছে, কার কত জোত জমিছিল, কি জাতীয় অত্যাচাবে তারা ভিটে ছাড়তে বাধ্য হয়েছে… এই সব চাঞ্চল্যকর কাহিনী –যা নাকি উপত্যাদের চাইতেও উদ্দীপনাম্য ।

সত্যেশ কিন্তু আবে। প্রয়োজনীয় কাজে আত্মনিয়োগ করেছে। সরকার থেকে রেশনের বাবস্থা করে চাল, ডাল, আটা প্রভৃতি নিয়ে আসতে ভারে ভারে !

বাড়ীতে যেন মহোৎসব লেগে গেল। শ্যামসুন্দরও কম যাতু জানে না।

চাকর ছটিকে মিষ্টি কথায় বশ করে তাদেরই লাগিয়ে দিয়েছে রান্না ঘরের কাজে।

দাউ-দাউ করে উন্ধুন জ্বাছে।
কচাকচ্ তরকারী কোটা হচ্ছে

তৈগ্বগ্ চাল ফুটছে

ন্ধানাপ্ জল মাথায় পড়ছে

ঠকাঠক্ খুন্তি কড়াইতে নড়ছে

তা, যজ্ঞবাড়ী বল্তে হবে বৈ কি!
কিন্তু গ্যামস্তল্বের ধমুকভাঙা পণ।
কেট বদে খেতে পারবে না।

তাই মেয়েরা ঝড়ি তৈরী করছে, ঠোঙা বানাচ্ছে, চামড়ার ব্যাগ তৈরী করছে, শেলাই করছে, ছবি আঁকছে; আর ছেলেরা বই বাঁধাচ্ছে, চটেব থলি তৈরী করছে, রবার স্থাম্প বানাচ্ছে, তুলোট কাগজ তৈরী করছে—এমনি কত কি কাও…

গোটা বাডীখানা যেন কারখানা হয়ে উঠেছে...

শ্যামস্তব্দর আর সতোশের স্নান-খণ্ডয়ারও সময় নেই। সরকারী পরিদর্শক এসে বলে গেছে—এইটেই হচ্ছে—সেরা আশ্রয়-প্রাথীর শিবির। সঙ্গে সঙ্গে সাহাযোর পবিমাণ্ড বেড়ে গেছে, অনেকটা।

ওদিকে গিৰিডি থেকে রামশরণ ক্রমাগত চিঠি লিখে জবাব না পেয়ে একেবারে অস্থির হয়ে উঠল। কল্যাণী বল্লে, যাওনা—একবার ঘুরে এদো। তোমার বন্ধু বেঁচে হাছে, কি মরে গেছে সেটাও ত' খবর নেয়া দরকার।

রামশরণ বল্লে, তুমিও ত' ভালো হয়ে গেছ। যেতে হয় তৃজনে এক সঙ্গেই যাবো। কল্কাতা ছেড়ে আর আমি থাক্তে পারছিনে। স্বামী-স্ত্রী বাডীতে পদার্পণ করে একেবারে অবাক!

খৰর পেয়ে শ্যামস্থলর ছুটে এসে বল্লে, বৌদি, আপনাবা চলে এসেছেন! বেশ হয়েছে। আপনাব শরীর ত' দিবিয় ভালো হয়ে গেছে। কিন্তু এ বাড়ীতে স্বাই থেটে খায় আপনাকে



কি ন্তু হে সে লে র স্থপারিটেডেন্ট হুটে হবে।

কলাগী একবার স্বামীর দিকে চেয়ে মুচ কি তেমে রালা-ঘরের দিকে চলে গেল।

এ ই বার রাম-শংণের ভূঁস হল ।

চীংকার করে বল্লে, আমার বাড়ীটাকে ধর্মশালা করে

তুলেছিস্ ় আচ্ছা, আমার নাম রামশরণ — দেখে নেব তোকে। এই বলে সে ঝড়েব মতো বাড়ী থেকে বেরিয়ে গেল। আমরা বিশ্বস্ত সূত্রে জান্তে পেরেছি যে, রামশরণ উকিলের পরানর্শ নিচ্ছে—গ্যামস্থুন্দরের নামে মাম্লা দায়ের করবে। অভিযোগ— সে তার গৃহ আর গৃহিণী অবৈধভাবে কেড়ে নিয়েছে। নিজির ওজনে সে বিচার চায়। ফাইল তৈরী হচ্ছে।

চাঞ্ল্যকর মামলা সন্দেহ নেই।

আমরা ফলাফল জান্বার জন্মে উৎস্ক হয়ে আছি। পাঠক-পাঠিকারাও সংবাদপত্রের পাতার দিকে তীক্ষ্ণ দৃষ্টি রাথুন।



তকণ শিল্পী করঞ্জাক্ষ কাঞ্জিলাল সকাল থেকে নতুন টিউব খুলে, পালেট্ ভতি রঙ নিয়ে ক্যানভাস্ সাজিয়ে বসে আছেন। তকণী গায়িকা মঞ্জিকা মিত্রের পোটুেট আজ স্তুক করতে হবে।

বালিগঞ্জের এক জলসায় মঞ্লিকার সঙ্গে করঞ্জাক্ষের পরিচয় হয়। সাত দিনের মধ্যে সেই পরিচয় স্থানিবিড় ঘনিষ্ঠতার পর্য্যায়ে এসে পৌচেতে।

সামনে বছ দিনের মরশুনে কলকাতার বাজার বিভিন্ন প্রদর্শনীতে মশগুল হয়ে থাকবে। শিল্পা করঞ্জাকের একান্ত বাসনা, তরুণী

মঞ্লিকার একথানি ছবি একে কোনো প্রদর্শনীর গৌরব বৃদ্ধি করেন।

মঞ্লিকার অবসর অত্যন্ত কম। গানের মজলিসে, রেঁডিওর আসরে, রেকর্ডের কাজে, সিনেমার প্রে-ব্যাকে, বিভিন্ন সঙ্গীত সম্মেলনে মঞ্লিকা সর্বদাই অতি ব্যস্ত।

পর পর অনেকগুলি দিনকে হালকা হাওয়ায় বইয়ে দিয়ে করঞ্জাক আজকের এই বিশেষ দিনটিকে আলাদা করে চিহ্নিত করে রেখেছেন ওর ছবি আঁকবেন বলে। মঞ্লিকাও স্মিত-হাস্তে কথা দিয়েছে, আজকের সমস্তটা দিন শিল্পীর স্টুড়িওতে কাটিয়ে যাবে। শিল্পী করঞ্জাক আগেব দিন থেকেই সকল রকমে প্রস্তুত হয়ে আছেন। সিটিং দিতে দিতে যদি অবসাদ আসে তবে শিল্পী মঞ্লিকাকে ব্যাঞ্জো বাজিয়ে শোনাবেন। মাঝে মাঝে মঞ্লিকার রেকর্ডগুলি বাজিয়েও ওকে অবাক করে দেবার একটা পরিকল্পনা শিল্পীর মগজে বাসা বেঁধে আছে। খুব নাম করা একটি হোটেলে ত্'জনের জত্যে দামী খাবারের অর্টার দেয়া হয়েছে।

মঞ্লিকা ফুল ভালোবাসে।

াই নিউ-মার্কেট থেকে নানা জাতের ফুল আর ভোড়া এসেছে

স্বান্ধী এবং গন্ধহীন। নানা আকারের রূপ লাভ করা সেই
পুপাগুচ্ছগুলিকে সাজানো হয়েছে নানা যায়গায়। যাতে এই ফুল
দেখেই মঞ্লিকার মুখে মুছ হাসি ফুটে ওঠে! সেই মধুর হাসি
অক্ষয় হয়ে থাকরে ক্যানভাসের বুকে! মোনোলিসার হাসিকে আজ
হারিয়ে দেবে শিল্পী করঞ্জাক।

নবীন অধ্যাপক বীরেশ্বর বটবালে।

প্রাচীন মূর্তির মধ্যে ইতিহাদেব হারিয়ে যাওয়া কাহিনী আবিন্ধার করে বেড়ান। মঞ্লিকাব মূতি সংগ্রহের 'হবি' আছে। সেই সূত্র ধরে প্রস্পরের সঙ্গে আলাপ।

আজ অধ্যাপক বটব্যাল যাজেন, সারনাথে পাওয়া কি একটি প্রাচীন মৃতির আলোক-চিত্র তুলে আনতে। কথা আছে মঞ্লিকা যাবে তাঁর সঙ্গে।

অধ্যাপক নিরস পুঁথি ঘাটার ভেতর যেন কলা-লক্ষ্মীর সন্ধান পেয়েছেন। তাই একান্ত আগ্রহে ছটি বার্থ রিজার্ভ করে রেখেছেন। আজ বাত্রে ওরা ছটিতে যাত্রা করবেন। নিরুদ্দেশ যাত্রা অবশ্য নয়, পথের শেষ আছে তিক্তু অধ্যাপক মনে মনে কামনা করছেন সে পথ যেন না ফুরোয়! সকাল থেকে যাত্রার তোড়-জোড় চলছে। টিফিন কেবিয়ার ভর্তি মুখরোচক খাবার নিয়েছেন সঙ্গে। থালি পেটে আলোচনা জনে না, তা কবিতারই হোক, আর ইতিহাসেবই হোক।

\*

নতুন গানে স্তব দিয়েছেন স্তর শিল্পী পল্লবকুমাব। এই গান খানি মঞ্জিকার কঠে কেমন শোনাবে অনুমান করে স্ত্রশিল্পী ফণে ক্ষণে শিহরিত হয়ে উচছেন। আপন মনেই মাথ। ত্লিয়ে ছলিয়ে ভাল দিছেন।

মঞ্জিক। আগ্রহ করে তিঠি লিখেছে। আজ নীরব ছপুরে পদে গান খানি গলায় তুলে নেবে। ধেই গান দে গাইবে বিভিন্ন আসরে, ছড়িয়ে দেবে বেতারের তরক্ষে-তরক্ষে, অক্ষয় কবে রাখবে রেকডের বুকে। আর কোনো চিত্র-পরিচালক যদি সুপ্রসন্ম হন তবে একখানি

নতুন ছবিতে এই বিশেষ গান্থানি মঞ্লিকাকে দিয়ে প্লে-ব্যাকে গাওয়ানো হবে।

মনে মনে একটা মধুব আমেঞ্চের সঙ্গে কাইভ পারসেও রয়ালটির অঙ্ক কদছেন—স্তৃবশিল্পী। (ইনি অঙ্ক কদতে থাকুন—আমরা সেই অবসরে অন্যত্র গমন করি।)

\* \* \*

টি, পি, সরকার জুয়েলারের দোকান।

টি, পি, সরকার অবশ্য এখন বেঁচে নেই—যদিও তাঁর নাম অক্ষয় হয়ে আছে। টি, পি, সরকাবের নাতির বড় ছেলে এখন দোকানের মালিক। সেট্রাল এভেনিউ-এ বিরাট শো কেস। পথ চলতে পথিকেরা থম্কে দাড়িয়ে ছ'দও তাকিয়ে খ্যেক।

তকণ জুয়েলার রত্নমণি সরকার আপনার খাস-কামরায় বসে মৃত্পেরে শীয় দিচ্ছেন।

মঞ্লিকার সঙ্গে তার আলপে এই গ্রনা তৈরীর ব্যাপার নিয়েই। এখন ঘনিদ্তা এত বেশী হয়ে গেছে যে, সম্বোধনের ব্যাপারে তুমির প্রায়ে এসে পৌছেচে।

হসাৎ কি মনে করে রগ্নমণি সরকার টেলিফোনেব চোঙটা হাতে তুলে নিলেন।

- —বড়বাজাব ডবল জিরো থি—
- —কে কথা বল্ছেন ?
- ও! মঞ্ছ সামি রত্নমণি!
- —কি খবর ? ২সাৎ টেলিফোন যে!
- একেবারে নতুন প্রাটার্ণের নেক্লেম তৈরী হয়ে এসেছে।

ভোমার ,গলায় না উঠলে এর আসল চেহারা যাচাই কর। যাবে না।

- —বল কি ! এই যে সেদিন মুক্তোর মালা দিলে !
- —সে কথা আর মনে করিয়ে দিতে হবে না। আজ সন্ধোবেলা দোকানে আসবে একবার ?
- —না, না। যথন ক্যাশমেমো কাট্বে না—দোকানের লোকগুলো পাট-প্যাট করে আমার দিকে তাকিয়ে থাকেন। সে ভারী বিচ্ছিবী হবে!
- আচ্ছা, এক কাজ করা যাক। ওটা নিয়ে আমি লাইট হাউদে যাচ্ছি। সন্ধো ছটার শো।
  - —কিন্তু সিটু পাবে কি ? সাজকেই নতুন ছবি গুলুছে।
- —সেজন্য তুমি ভেবো নালিক্ষিটি! এক্ষনি আমি ফোনে বৃক্ করে রাথছি।
  - —আচ্চা।
  - —মনে থাকে যেন। সন্ধ্যে ছ'টার শো। লাইট হাউদে।
  - -- थाक हेडे डालिं! हेडे जान तम छहेडे!

রিসিভারট। নামিয়ে রেথে অ,বার শীণ দিতে লাগলো রয়মনি সরকার।

\* \* \*

ইম্প্রেসারীও হিসাবে কলক:ত:য় হাভিজাত মহলে বিক্রম বন্দোব খাছি ও স্থানা ছাই-ই আছে। শহরের তথাকথিত সাংস্কৃতিক সম্প্রদায় তার কলাাণে বত রক্ষ নাচ দেখে নয়ন-মন চরিতার্থ করে থাকে। হঠাৎ বন্দ্যোর ছোট্ট সবুজ রঙের গাড়ী থানি এসে দাঁড়ালো মঞ্জুলিকার দোর গোড়ায়।

মঞ্লিকার চোথে-মুখে বিশ্বয়। শুধোলে, কি খবর ? এমন অসময়ে চাঁদের উদয় যে!

বিক্রমের এতটুকু অপেক্ষা করবার ফুরসং নেই। মঞুলিকার ডান হাতে এক গোছা কার্ড গছিয়ে দিয়ে বল্লেন, শোনো, জরুরী দরকার তোমাকে। আসছে কাল রবিবাদ সকালে জাপানী নর্তকা মা সোয়ে তার ডাল্স দেখাচ্ছেন। তোমার কিন্তু উদ্বোধনী-সঙ্গীত গাইতে হইবে। কার্ড দিয়ে গেলাম। যাকে-যাকে ইচ্ছে সঙ্গে নিয়ে যেও। তাছাড়া আমি ত'লবীতে হাজির থাকবোই।

মগুলিকা হাসিথুশীতে উজ্জল হয়ে উচে উত্তর করলে, জাপানী মেয়ের নাচ! সামনা-সামনি কক্ষনো দেখিনি! শুধুছবিতেই দেখেছি। সভিচ্বলছ ত বিক্রম ?

বিক্রম বন্দেন চোথ ছুটো একবার নাচিয়ে বল্লে, স্বত্যি নয় ত' কি তোমার কাজে বাজে কথা বলবার লোক আমি ? জাপানী নাচের আগে কিন্তু চাই তেমের গলার গান।

— নিশ্চয় ! নিশ্চয় । গান আমি শোনাবো বৈ কি । একেবারে নতুন একটা গান ত্লেছি । মনে হবে, তোমাকে বলছি আমি কানে-কানে। সেই গান শুনিয়ে দেবো স্বাইকে ।

একট্থানি থেমে মজ্লিকা জিজেদ করলে, কিন্তু কোথায় হবে
—তাতো কিচ্চু বল্লে না ?

ভান হাতের চেটোটা মঞ্লিকার মুথের সামনে উপ্টে দিয়ে ত্রিপাঠী বল্লে, এ সব নাচ নিউ এম্পায়ার ছাড়া আর কোথায় জমে বলো ? কার্ডে সব লেখা আছে। একবার কণ্ট করে চোখ বুলিয়ে নিও লক্ষ্মিটি!

—তা না হয় নেবো। কিন্তু সময় মত আমার কাছে গাড়ী পাঠাবে ত ং

— ইটা ভালো কথা মঞ্ । আমি ওদিকে জাপানী পার্টিকে নিয়ে ভয়ানক ব্যস্ত থাকবো। ওদের ড্রেসই আসবে সাতটা পটাকিং বাক্স ভতী। সত্যি, গোলমালে হয়ত সময়ের ঠিক থাকবেনা। তুমি



একটা টাজি ডেকে চলে
যেও। আমি বৃকিং অফিস
থেকে টাকা দিয়ে দেব।
তুমি কোনো অস্থবিধেয়
পছবেনা লক্ষিটি! কিন্ত
তুমি না গেলে আমি
পড়ব একেবারে অগাধজলে। উদ্বোধন-সঙ্গীত না
হলে ত' আর "ফাঙ্বন্"
সুক্র হতে পারে না!

মঞ্জ মিটি-মিটি কেসে উত্তর দিলে, O. K.

ৰ। করে বিক্রম বল্ডোর গাড়ী ধেরিয়ে গেল।

চিত্র-পরিচালক ধুরদ্ধা মালাকরের নতুন পৌরাণিক চিত্র মা বাস্ত্ববীর" আজ মহরং-উৎসব। ধ্রন্ধরের একান্ত বাসনা যে, সতি পরিচিত মুখগুলিকে স্থোগ না দিয়ে সম্পূর্ণ সচেনা মেয়েকে তিনি নায়িকার ভূমিকায় অভিষক্ত করবেন।

মাটি যথন কাদার মতো নরম থাকে তথন যে কোনো ছাঁচে তাকে গড়ে তোলা যায়। সেই নরম কাদার সন্ধান পেয়েছেন তিনি তরুণী সুদর্শনা মঞ্লিকাব মধ্যে।

মঞ্ও তাঁকে আধাস দিয়েছেন যে, তাঁর পরিকল্পিত নতুন ছবিতে শুধু কঠুই দেবে না—কায়াও নান করবে স্বচ্ছেন্দচিত্তে।

আজকের মহরত-এর একটি দৃগ্য গৃহীত হবে মঞ্লিকাকে কেন্দ্র করেই। পরিগালক এই আবিদ্ধারের কথা সাংবাদিকদের পূর্বাহে জানিয়ে রেখেছেন। সবাই আজ উৎসবে সাগ্রহে যোগদান করবেন নব-তারকার উদয় অবলোকন করতে।

শিল্প-নিদেশক মজুলিকার জন্মে সম্পূর্ণ অক্তর্য প্যাটার্ণে পবিচ্ছদ পরিকল্পনা কংবছেন। অবগ্য প্যাটার্ণটা অজ্ঞার অনুকরণে হথেছে কিনা সেকথা অনুমান করা কইসাধ্য! এই পবিচ্ছদ পরিধান করে তথী মজুলিকাকে কেমন দেখাবে সেই ছবি মনে একৈ নিয়ে চিত্র পরিচালক ক্রণে ক্ষণে উল্লসিত হয়ে উঠেছন!

চিত্র পরিচালক ধ্বন্ধর স্বপ্প দেখতে থাকুন, আমরা এই <mark>অবসরে</mark> আর একটু এগিয়ে যাই—

ঘনসাম দত্ত বেলেঘাটা অঞ্লের নামকরা ধনী। বিপত্নীক বটে তবে প্রচুর টাকার মালিক।

বহুকাল থেকে গোপনে মনোমত পাত্রীর সন্ধান করছিলেন।

তার জাবনের একমাত্র কামনা, তিনি প্রতি সন্ধ্যায় চক্ষু মুদে আল-বোলা টানবেন আর স্ত্রী তার পাশে বসে গান শোনাবেন।

অন্তরঙ্গ বন্ধুরা ঠাটা করে বলেন, তা হলে শোবাব ঘরে একটি দামী রেডিও সেট রাখো না কেন গ

— উহু ! উত্তর করেন ঘনগ্রাম দত্ত। শুধু গান শুনলেই ত হবে না। চুলের গন্ধ আর সাড়ীর খদ্ খদ্ আওয়াজও মাঝে মাঝে পাওয়া চাই। তাহলেই না অসুরী তামাকেব ধোঁয়া মনে আমেজ আনবে।

একটি গানের সাসরে সম্প্রতি মঞ্জলিকাকে দেখেছেন দপ্ত মশাই।
চক্ষু পবিতৃপ্ত হয়েছে দর্শনে এবং কর্ণে সুধা ঢেলেছে কঠের-সফীত।
সেইজন্মে লোক ল'গিয়ে তিনি মেয়েটির ঠিকানাও সংগ্রহ করেছেন।
পালটি ঘর—কোন কিছুতেই সাটকাবে না।

নায়েবকে ডেকে চুপি চুপি বল্লেন, সম্বন্ধ উত্থাপন করে আজ্জই একটা চিঠি লিখে দিন।

নায়েব ঘাড় কাত করে উত্তর দিলেন, যে আজে—

ঘনপ্রাম দত্ত একটা হাই তুলে আবার বল্লেন, হ্যা, পুন\*চ দিয়ে লিখে দিন যে, বব পণের জন্ম আটকাবে না। গা-ভবা গয়ন! দিয়ে সাজিয়ে আমরা কনে ঘরে তুল্নে।—

নায়েব বিগলিত হয়ে বল্লেন, যথার্থ।

মাড় চোথে নায়েবের দিকে একবার তাকিয়ে শ্বরণ কবিয়ে দিলেন, চিচিতে টিকিট মাঁটতে ভুলবেন না যেন! সাপনার যে ভুলো মন!

নায়েব হাত কচলে উত্তর দিলেন, আছ্তে না! হুজুরের এত

দিন পর যথন স্থমতি হয়েছে তথন প্রজাপতি স্বয়ং আমার সহায় হবেন।

পরদিন সকালবেলাকার দৈনিক কাগজগুলিতে এই সংবাদটি অনেকেরই চোথে পড়ল—

বিখ্যাত লোই ব্যবসায়ী হরলাল চৌখানী বাঙলা দেশের সুক্ষি তরুণী গায়িকা মঞ্লিকা মিত্রকে রেজেট্রা মতে বিবাহ করিয়া গত কলাই রাত্রিতে মধুচন্দ্রিমা যাপনার্থ সুইজারলাণ্ড যাত্রা করিয়াছেন। এই নব বিবাহিত দম্পতি বিদেশে থাকাকালে চলচ্চিত্র সম্পর্কে বিশেষ শিক্ষা লাভ করিবেন বলিয়া জানিতে পারা গিয়াছে। এই সান্তঃপ্রাদেশিক বিবাহে আমরা স্বস্তি-বচন উচ্চারণ করি। নব দম্পতির জীবন-পথ কুসুমাস্তীর্ণ হটক।



কথাটা শুনে প্রথমে কিছুতেই বিশ্বাস করতে পাবিনি। বিশ্বাস না করতে পারলে অবগ্য নিজেকে কোনো মতেই দোষ দেয়া যায় না।

কেননা—কে করে ভেনেছিল যে, আমাদের শঙ্কর সাহ ইঠাৎ 'বুদ্ধং শরণং গচ্ছানি' উচ্চারণ করে বৌদ্ধ ধর্ম গ্রাহণ করবে।

অবগ্য জীবভিন্দ। না করাটা ভালো কাজ, মহৎ কাজ। এ রকম উচ্চাদর্শ স্বাইকার মেনে চলা উচিত। কিন্তু তাই বলে আমাদের দলেব 'ভেটার্ণ' মাংসাশী শঙ্কর সাত্ত দরবিগলিত নেত্রে একেবারে স্বয়ং বৃদ্ধদেবকে আলিঙ্গন করে বন্ধে একথা স্বস্থদেহে কল্পনা করাও শক্ত।

এককালে "মডার্গ-বেঙ্গল" শিফিতঃ ও আধুনিকা ভাষা লাভের জন্ম রাভাবাতি পিতৃদেবের সঙ্গে কলহ করে ব্রাহ্মধর্ম গ্রহণ করত! নগদ লাভের লোভে এরকম একটা অসমসাহসের কাজ করা কিছুই নয়, যথন তার পেছনে অর্ধেক রাজহু না থাকুক, স্থুন্দরী রাজকন্মা লুকিয়ে আছে। কিন্তু তাই বলে একেবাবে নিরিমিষ বৌদ্ধ ধর্ম গ্রহণ! পালি ভাষার মতোই বৌদ্ধ-ধর্ম ত এই হানাছানির যুগে একেবারে প্রাণহীন শ্বদেহের মতোই পড়ে আছে বলতে হবে।

আমাদের দলেব চিরঞ্জীবের শোকটা দেখছি সব চাইতে বেশী উথলে উসেছে। সে শুবু কাঁদতে বাকি বাখলে।

চোথ-মুথ যতদ্র সম্ভব বিষয় করে বল্লে, আরে ভাই · · মাসে একটা কবে কিন্তু হয় আমাদেব · · · তাতে অমন স্থানর 'ফাউলকারী' কেট রাধতে পারে না। শঙ্কর সাহু যদি বৌদ্ধ ধর্ম গ্রহণ করল তবে 'ফিন্তু' কথাটার অ্যর কোনো মানে থাকে! তোমরা যে কেট রালা করতে যাবে—'ফিন্তু'টা' 'ফান্তু' হয়ে দাড়াবে! নাঃ, এইবার দেখুছি তোদের ক্লাবেব সদস্যপদ ছেডে দিতে হবে।

আমি বল্লাম, চিরঞ্জীব, এত হা-ছতাশ আর অশ্রুপাত করে লাভ কি শ আমর। শুধ উড়ো থবর পেয়েছি বৈ ত নয়! চল, না হয় একবার সরাসরি গিয়ে তদন্ত কবে আসা যাক্।

চিরপ্লাব জবাব দিলে, সেই ভালো।

ত্ব'জনে নিঃশব্দে রাস্তায় বেরিয়ে পড়লাম।

অকালে ঝির-ঝির করে বাদল নেমেছে। আকাশটা থম্থমে...
ঠিক আমাদের মনের মতোই মেঘলা গার অন্ধকার।

শঙ্করের বাসায় পৌছতে আমব। প্রায় ভিজে উঠলাম। শঙ্কর বাইরের ঘরে বদে বৌদ্ধ গ্রন্থ পদ্ছিল; আমাদের দেখতে পেয়ে যেন হাতে স্বর্গ খুঁজে পেলো। বল্লে, এই যে ভূপতি চিরঞ্জীবও আছ দেখছি, — এসো — এসো।

চিরঞ্জীব চিবকালের অভ্যাস বশে বলতে যাচ্ছিল—চা আর মাম্লেট একিন্ত বৌদ্ধ ধর্মের কথা শ্বরণকরে চা আর মাম্পর্যন্ত উচ্চারণ করেই চেপে গেল।

চিরপ্তীবের কথা শুনে শঙ্কর এমন করুণ-নেত্র তাক।লো যে, আমাদেরই কালা পেতে লাগলো।

শঙ্কর বল্লে ভালে হয়ে বোস ভোরা—! মাম্লেটও পাবি, ভোদের পক্ষে বাধা নেই। ভোবা ত আর বৌদ্ধর্ম গ্রহণ করিস্ নি. আমি একুণি ভেতরে খবর পাঠিয়ে দিচ্ছি।

চিরপ্পৌব আমাবে কানে কানে বল্লে, নিশ্চিন্ত হওয়া গেল। বৌদি ভাহলে বৌদ্ধ ধর্ম গ্রহণ করেনি, আমাদের মতে। পাণীদেব দলেই আছে।

আনি ভুধু বল্লাম, ছ'! আর মনে মনে ভাবতে লাগলাম, কি ভাবে কথা সুকু করা যায়।

শঙ্কর নিজেট সেই অস্বোয়ান্তির তাত থেকে আমাদের বাঁচিয়ে দিয়ে স্তরু করলেঃ

বৈশাখী পূর্ণিমার ২ন্ধাবেলা। হাতে কোনো কাজ ছিল না।

আপন মনে রাস্তা দিয়ে ঘুরে বেড়াচ্ছিলাম। মনে মনে বাসনা ছিল সন্ধ্যের মুথে 'দেলখোস' কেবিনে ঢকে ফাউল কাটলেটে উদর পৃতী করে ফিরে আস্বো।

ষঠাৎ চোথে পড়ল বিজ্ঞপ্তি। বৃদ্ধদেবের জন্মদিন উপলক্ষে জন-সভা। এক বিখ্যাত বৌদ্ধ শ্রমণ সাবগর্ভ বক্তৃতা প্রদান করবেন।

মনে কৌত্তল জাগ্ল। সভায় ঢুকে পড়লাম। বৌদ্ধ শ্রমণ তথন বকুতা দিজিলেন, "জীব হিংসাব কোনো প্রয়োজন নেই। যথুনি কোনো জীব হিংসার প্রবৃত্তি আপনার মনে জাগ্রে—মনেননেন কল্লনা করবেন, এই নিরীহ জাবটি আপনার কোনো পরিচিত লোক, কিংবা কোনো-না-কোনো জন্মের আল্লীয়। তা হলেই হিংসা আপনার মন থেকে দূরে চলে যাবে। এক অনাবিল আনন্দে আপনার চিত্ত ভরে উচরে।"

কথাটি ভারী মনে লাগ্ল। আস্তে আস্তে সভাগৃহ ত্যাগ করে রাস্তায় বেরিয়ে পড়লাম। ফাটল কাট্লেটের তৃষ্ণা কথন যে মন থেকে দুরে চলে গেছে বুঝতেও পারিনি!

তোমরা ত জানো, প্রত্যহ নিজের হাতে বা**জার করা আমার** চিরকালের স্থ**়** 

পরের দিন চাকরকে সঙ্গে নিয়ে বাজারে চলে গেলাম। কিন্তু কী আ\*চ্য! রুই মাছের একটা মাথা দর করতে গেছি বীদ্ধ শ্রমণের কথা কানে ভেসে এলো! সঙ্গে সঙ্গে তাকিয়ে দেখি রুই মাছের মাথার পেছনে আমাদের পণ্ডিত মশায়ের টেকো মাথা উকি দিজে। তোমরাই বলো, তখন কি করে সেই রুই মাছের মাথা কিনে নিয়ে আসি— ?

ভাবলাম তুত্তোর ছাই। একটা মুরগী কিনে নিয়ে যাই! অনেক দিন 'ফাউল' চেথে দেখা হয় না! যেই একটা মনোমত মোরগের দিকে দৃষ্টিপাত করেছি অমনি তার পেছন থেকে ভেসে



উঠল আমাদের পুরোহিত মহাশ্যের ছবি।
সেই লম্বা-লম্বা চুল
ঘাড়ের দিকে, নাকটা
ছুঁচলো। রাগ করে
বাজাব থেকে বেরিয়ে
আসতে এক রামছাগলেব সামনে পড়ে
গে লা ম। লোভ
পড়েছিল কিনা খেয়াল
নেই, কিন্তু দেখি
আমা দের পাড়াব

জগমোহন তার ছাগুলে দাঁড়ি নিয়ে—ভার পেচনে উকি দিচ্ছেন!

ভগংটাই একেবাবে নিধিনিন হয়ে উচল। সেই থেকে যেই কোনে। গল্দা চিংড়ির দিকে কিম্বা পু'টি মাছের পানে নজব দিয়েছি ভংক্ষনাং ভেষে উঠেছে——আমাৰ মোট্কা গ্যালিকা কিম্বা ক্যাংল। সম্বন্ধী। ভোমরাই বলো, এরপর মাব কি করে আমার আমিবে কচি থাকে দু বল্লে বিশ্বাস করবিনি ভোবা, ভারপর দিনই গিয়ে বৌদ্ধ-শ্রমণের চিকানা সংগ্রহ করল্ম, আর সঙ্গে সঙ্গে বৌদ্ধ-ধর্মে দীক্ষা নিয়ে নিলুম। সেই দিন থেকে শুধু কাচ-কলা-ভাতে থেয়ে আছি। ভোদের বৌদিত রাগ করে আমার সঙ্গে বাক্যালাপ বন্ধ করে দিয়েছে!

বৌদি কিছু অন্যায় করেছে বলে মনে হল না; কেননা শঙ্করের কাহিনী গুনে আমাদের ছুই বন্ধুবও বাক্রোধ হয়ে গেল।



প্রতি বছর আই এফ এ শীল্ড কাইনাল গেলার অব্যবহিত পরে নানারূপ হাস্তকর পরিস্থিতির উদ্ভব হয়। জ্বনী ও বিজিত তুই দলেরই সমর্থক দল থাকে। বিভিন্ন দলের হার নিমেই যে এই ধবণেব ঘটনা ঘটে থাকে, সে কথা বলাই বাহুল্য। যারা শুধু থেলাকেই ভালবাসেন কোন দল বিশেষের সমর্থক বা অন্ধ-ভক্ত নন, সেই সব পাঠক-পাঠিক। আশা করি নীব পরিত্যাগ করে ক্ষীর গ্রহণ করতে পারবেন। কল্পনা করা যেতে পারে যে, এই বছর ফাইনাল থেলার পর নিম্নলিখিত ঘটনাগুলি ঘটেছে। কাউকে আঘাত করবার জন্যে নয়, পরস্তু নিছক রস-স্থের জন্থেই কাহিনীগুলি লিপিবদ্ধ হল ] স্থান—কুমোরটুলির একটি অঞ্চল। সন্ধ্যা সবে উৎরে গেছে। একটি ফ্রাটে স্থানী-স্ত্রী বসবাস করেন। কর্তা পূর্ববঙ্গের, গিল্লির বাড়ী কলকাতায়। বাড়ীর গৃহিণী সবে লক্ষ্মীর প্রদীপ দিয়ে উঠে দাঁড়িয়েছেন এমন সময় দরজায় কর্তার হাকডাক শোনা গেল।

কর্তা। ও গিন্ধি, শীগ্ণীর দরজাটা খুল্যা দাও, আর কতক্ষণ দোর গোড়ায় থারাইয়্যা থাকুম ?

গিন্নি। কি জালাতন ! মা লক্ষ্মীর কাছে সন্ধ্যেবেলা যে একটু শাঁখ বাজাবো—তারও যো নেই ! একটু দাড়াও বাপু যাচ্ছি !

[ দরজা খুলে দিয়েই আঁতকে উচলো ]

গিন্নি। কি সর্বনাশ ! এত বড় একটা ইলিশ মাছ দিয়ে আমার কোন শ্রাদ্ধটা হবে শুনি ?

কর্তা। আরে, বুঝ্তাছ না গিন্নি! আইজকা ইস্ট্যাঙ্গল জিত্ছে, বেশ কইর্যা কাঁচা মরিচ দিয়া ইল্সা মাছের পাতুরী করো, খাইয়া প্রাণডা ঠাণ্ডা করি।

গিন্নি। বটে! তোমাদের ইস্টবেঙ্গল জিতেছে আর আমি ইলিশ মাছের পিণ্ডি চটকাবো? তেমন মেয়ে আমায় পাওনি।

কর্তা। আ-হা-হা! ইল্সা মাছের পিণ্ডি চটক্যাইব্যা ক্যান্ ? আইজ ত' আনন্দ করণের দিন! প্যাড্ ভইর্যা খাইয়া গলা খুইল্যা গান গামু—

গিন্ধি॥ হুঁ! পেট ভরে থেয়ে গলা থুলে গান গাবো ? হ্যা, জিততো থদি আমাদেব মোহনবাগান, তবে আমি নিজের হাতে চিংড়ি মাছের মালাইকারী করে খাওয়াতাম— কর্তা॥ তুমি কও কি গিন্নি ? কাঁচা মরিচের লগে এই তর্তাজা ইল্সা মাছ···অ্যাকেবারে অমর্ত ! থাইয়া দেখনা আইজ।

গিরি॥ এই রইল তোমার ঘর-সংসার আর রইল তোমার ইলিস মাছ। আমি বাপের বাড়ী চল্লাম—

কর্তা। আরে গিলি, শুইন্সা যাও, অবুঝ হয়োন। লক্ষ্যটি— আমারে এমন কইরা। অনাথ কইরা। যাইওনা তুমি —

গিন্নি। পেছু ডাকলে আমি গলায় দড়ি দেবো, তখন পুলিশ এমে তোমার হাতেই হাতকড়া পরাবে, হুঁ।

কর্তা। হায়-হায়-হায় ! আমার এমন ইল্সা মাছটা আাকে-বারে অদানে-অবাহ্মণে গেল !

\* \* \* \* \*

ৃষ্ণান—চিত্রার সামনের ফুটপাত। একটি তকণী ক্রমাগত পাইচারী করছে আর ঘন ঘন হাত ঘড়ি দেগছে। রাত্রের শো এখুনি স্থক হবে। বেল বেজে উঠেছে। দর্শকের। ভাড় করে ভিতরে চুকছে। মেয়েটি অসহিষ্ণু হয়ে উঠল। এমন সময় দেগা গেল, উদ্বোধুক্ষো বেশে একটি তঞ্গ দেই দিকে আসছে]

সন্ধ্যামালতী। এ কি স্থমন, তুমি এত দেরী করলে কেন ? শো বোধ হয় এতক্ষণ স্থাক হয়ে গেল।

স্থমন ॥ সদ্ধা, আমি একুনি হাওড়া ৡেশনে রওনা হচ্ছি— সদ্ধামালতী॥ হাওড়া ? কেট আসবে ব্ঝি ?

সুমন । না সন্ধ্যা, আমি বিবাগী হয়ে বাড়ী ছেড়ে চলে যাচ্ছি। সন্মাসী হবো বলেই ঠিক করেছি—

সন্ধ্যানালতী। (কৌতুক করে) কিন্তু তোমার গেরুয়া কৈ ? হরিদার যাবে বুঝি ? স্থমন। না সন্ধ্যা, ঠাট্টা নয়। মোহনবাগান হেরে গেছে। জীবন আমার একেবারে ঘসা আধলার মতো হোয়ে গেছে। সংসারে আর আমি থাকবো না।

সন্ধ্যামালতী। কিন্তু আমাদের বিয়ে ?

সুমন। (আঁথকে উঠে) আঁগ। বিয়ে। তুমি বলছ কি মালতী ?
শোনো সন্ধ্যামালতী, তুমি আমায় ভুলে যাও। ঘর-বাঁধা আর
আমার হবে না। এই নাও সিনেমার টিকিট। তু'খানাই আছে।
যদি সম্ভব হয় সিনেমা দেখতে দেখতে একটি বান্ধব জুটিয়ে নিও।
আমি ফুরিয়ে গেছি!

সন্ধ্যামালতী॥ স্থমন, এত নিষ্ঠুর তুমি কি করে হলে বলত!
আমি এলাম পাকিস্থান থেকে—একেবারে আশ্রাহীনা!
দীর্ঘ নিঃশাদ পডল) তোমার দঙ্গে পরিচয় হল গঙ্গার ঘাটে। আমি
আত্মহত্যা করতে যাচ্ছিলাম
তুমি আমায় বাঁচালে
আশাদ দিলে!
একটি চাকরীও জুটিয়ে দিলে তুমি। নীড় রচনার স্বপ্ন তুমি জাগিয়ে
দিলে আমার অন্তবে! আজ বলছ কিনা তুমি বিবাগী হবে!

সুমন ॥ ঠিক কথাই বলেছি সন্ধ্যামালতী ! আজ আর আমার চোথে মায়া-অঞ্জন নেই ! জীবন আমার বিভৃষ্ণায় ভরে গেছে। তোমার জীবন ফুলে-ফলে সুশোভিত হ'য়ে উঠুক এই কামনা জানাই।

সন্ধ্যামাল জ।। কি করে তবে আমি বাঁচবো ?

সুমন। হতাশ হয়ো না সন্ধ্যা, পাথেয় দিয়ে গেলাম তোমার হাতে। সিনেমার কথা শুনলে আজকের দিনে যে কোনো তরুণ তোমার সঙ্গা হতে রাজি হবে··চাই কি জীবন-সঙ্গী পর্যন্ত। আমার তুমি ছেড়ে দাও সন্ধ্যা ! ওই সিনেমা টিকিটের দৌলতে তোমার বান্ধব জুটুক, এই কামনা জানাই।

[ স্থমন মেলোড্রামার নায়কের মতো প্রস্থান করল, আর সন্ধ্যামালতী ছুথানি সিনেমার টিকিট হাতে চারদিকে তাকিয়ে দেখতে লাগলো কোন্ তৰুণ টিকিট না পেয়ে হতাশ হয়ে সর্বহারার মতো দাঁড়িয়ে আছে!]

\* \* \* \*

[কাল—সকাল। একটি বাড়ীব সমুগভাগ। একটি ছেলে এসে ক্রমাগত কড়া নাড়তে লাগলো। থানিকটা বাদে আর একটা ছেলে এসে দরজা খুলে দিলে।]

গোবর্ধন ॥ কিরে ক্যাবলা, এমন বিহানবেলা কড়া নাইড়ভ্যাছিস ক্যান ? কাইল রাইতে ঘুমাস নাই ?

ক্যাবলা। কাল রাত্তিরে ঘুমিয়েছি কিনা সে থবর দিয়ে তোর কি কাজ ? আমার লাটিম আর ছবির বই সব ফিরিয়ে দে।

গোবর্ধন। আরে! এত চইটত্যাছিস ক্যান? তোর কি অইচে তাই ক' দেহি—

ক্যাবলা। আবার জিজ্মেদ্ করছিদ ? লজ্জা করে না ?

গোবর্ধন। লজা? লজা কিসের রে? তুই যে আমারে হকচকাইয়্যা দিত্যাছিস! খুইল্যা ক'—শুনি—

ক্যাবলা॥ আবার ত্যাকা সাজা হচ্ছে! তোদের ইপ্তবেঙ্গল কেন ফাইনালে জিতল শুনি ?

ক্যাবলা। হ'় ছেড়ে দেবো। ইষ্টনেঙ্গল তোদের কি আর

আছে ? সে ত পাকিস্থান হ'য়ে গেছে ! তবু কেন তোরা… এ তোদের ভারী অন্থায়।

গোবর্ধন। আরে ভাই, খেলায় হার-জিত আছেই। তার লাইগ্যা এত কাইজ্যা কিসের ? চল ভাই, লাট্রু খেলি গ্যা—

ক্যাবলা। না—না! তোর সঙ্গে আর আমি খেলব না। তোরা এসে কোলকাতায় জায়গা পেয়েছিস—আবার ইষ্টবেঙ্গল জিতবে! এ তোদের কেমন বিবেচনা শুনি? দে, আমার লাট্ট ছবির বই সব ফিরিয়ে দে। তোর সঙ্গে আমার আড়ি—

গোবর্ধন । আচ্ছা, ভাই, দিত্যাছি সব ফিরাইয়্যা—

## \* \* \*

স্থান—একটি ফ্রাট বাড়ী। পাশাপাশি ছটি ফ্রাট। পরস্পারের সঙ্গে ধ্ব হৃত্তা। একটি বাড়ীর ছেলে লাফাতে লাফাতে আর একটি বাড়ীর বৈঠক-থানায় এসে হাজির হল। ছেলেটির নাম চঞ্চল। বৈঠকথানায় বসে এক ভদ্রলোক থবরে কাগ্রু পড়ছিলেন।

চঞ্চল। কাকাবাব্, ও কাকাবাব্—

িকাকাবাব্র মুখে কোনো কথা শোনা গেল না। তিনি নীরবে খবরের কাগজ পড়তে লাগলেন

চঞ্চল॥ কাকাবাবু, আমার ডাক শুইন্ত্যাছ না ? কাকাবাবু॥ (গভীরভাবে) কি বলবি, বল !

চঞ্চল॥ সাইজ যে আমার জন্মদিন। তোমাগো সকলের নিমন্তন আমাগো বাড়ী—বাবা কইচেন।

কাকাবাবু ৷ হুঁ !

চঞ্চল। তুঁকি কাকাবাবৃ? আমার জন্মদিনে কি দিবা কও?

কাকাবাব্॥ (হঠাৎ রেগে উঠে) হুঁ। চালাকির আর যায়গা পাওনি! কাল ইষ্টবেঙ্গল জিতেছে আর আজ তোর জন্মদিন! ওসব চাল আমরা বেশ ব্ঝি!

চঞ্চল॥ কাকাবাব্, তুমি কও কি ? আইজ সত্যি আমার জন্মদিন। মা মিঠাই তৈরী কইর্ত্যাচে। তোমাগো খাইতেই অইবো।

কাকাবাব্। ছঁ! ফাঁকি দিয়ে আমাদের মিষ্টিম্থ করিয়ে দেওয়া। কিন্তু ও চালে আমরা ভুলছিনে! বলে দিস, তোদের বাড়ীর সবাইকে—আমরা কেট ওখানে জল গ্রহণ পর্য্যন্ত করবোনা। ছাঁ বাব্বা! আমার এক কথা—একেবারে যার্কে বলে ভীগ্নের প্রতিজ্ঞা!

\* \* \* \*

স্থান—একটি ব্যবসায়ী অফিস। মালিক পূর্ববেশ্বর লোক। আজ থুব সকাল সকাল অফিসে এসেছেন। কর্মচারীরা ভয়ে তটস্থ। না জানি, কার কাজে কোন ক্রুটি বেরিয়ে পড়ে!]

মালিক। আইজ সকাল সকাল অফিসে আইছি বইল্যা আপনারা বৃঝি খুব ভয় পাইচেন ? না না—শঙ্কিত হইবার কিছুই নাই। আপনাগো আইজ একটা সংবাদ জানামু।

১ম কর্মচারী। আজে বলুন, আমরা ত' অফিসের কাজে জান-প্রাণ দিয়ে খাটছি—

২য় কর্মচারী। আছে হাা, ছুটির পরও হু' ঘণ্টা থেকে এরিয়ার সেরে রাখি—

৩য় কর্মচারী।। খাতা-পত্রে কোনো থুঁত পাবেন না আমাদের—়

৪র্থ কর্মচারী। ইনকাম ট্যাক্স ফাঁকি দেবার জক্তে ত্'টো খাতা তৈরী করে ফেলেছি, স্থার—

মালিক ॥ বেশ ! বেশ ! আপনাগো কথা শুইন্সা ভারী খুসী হইলাম । অফিদের কাজকর্ম তা আইলে বেশ ভালই চইলতাছে !

বড়বাবু ॥ আজে হাা ! থাতা-পত্রে আপনি কোনো ত্রুটি পাবেন না— ! ওরে কে আছিস,—লেজার বইগুলো—

মালিক। থাইক থাইক! তা অইলে আমার কথাডা আপনারা শোনেন,—যে জন্মে এত সকালে আমি অফিসে চইল্যা আইচি—

বড় বাবু॥ আজে বলুন স্থার। ব্যবসাতে খুব লাভ হয়েছি বুঝি ?

মালিক॥ না না, খুব যে বেশী লাভ অইচে তা না। তবে কি
জানেন, ইষ্টব্যাঙ্গল জিতছে কাইল। আমি ঠিক করছি—সকলেরে
এক মাসের পূজা বোনাস দিমু—আপনারা সব ভালো কইর্যা মন
দিয়া কাম কইরা যান— (প্রশ্বান)

বড়বাবু ॥ হুঁ! ব্যাটার হাত দিয়ে একটি পয়সা গলে না! একদিন কামাই করলে মাইনে কেটে নেয়....একেবারে দাতাকর্ণ হ'য়ে উঠেছে। ইষ্টবেঙ্গল জিতেছে তাই হয়েছে কি শুনি ?

সবাই ॥ আজে ঠিক ই ত ! তবে বোনাস্টা · · ব্ৰলেন না ! বৰ্বরস্থা ধনক্ষয়ম · · হা—হা !

\* \* \* \*

্রিষ্যন — অপর একটি অফিস। মালিক পশ্চিবব**ঙ্গের লোক। মৃথ গজীর করে** খাস্ কামরায় বসে আছেন। এমন সময় একটি বেয়ারা এসে চুকলো ]

বেয়ারা ॥ আইজ্ঞা কোর্তা—

[ কোনো সাড়া নেই ]

## বেয়াবা ॥ কর্তা, আমার পরিবারের বড় ব্যামো— [ কর্তা নীরব ]

বেয়ারা॥ আইজ্ঞা কোর্তা—

মালিক॥ আমি কি কালা ? কি ফ্যাচ্-ফ্যাচ্ করছিস — কানের কাছে এসে ?

বেয়ারা॥ কোর্তা, আমারে বাঁচান···পরিবারের এখন-তথন অবস্থা! দোহাই কোর্তা, আপনের পায়ে ধরি—

মালিক॥ এখন তখন অবস্থা তা আমি কি করবো ? আমি কি ধন্বস্তরী ? কানে তারক-ব্রহ্ম নাম শোনাতে থাক।

বেয়ারা ॥ আইজ্ঞা কোতা, আপনি কন কি ? অষুদ-পত্তর ত খাওয়ান লাইগুবো। বেশী না, আমারে পাঁচডা টাকা ভান…

মালিক॥ ভাখ, এটা অফিদ। দান-খ্যুরাতির জায়গা নয়।
মিছে বিরক্ত করিসনে আনায়—কাজে যা—

বেয়ারা । কিন্তু কোর্তা, আমার পরিবার-

মালিক॥ চুলোয় যাক তোর পরিবার! আজ একটি পয়স। কেউ অ্যাড্ভান্স পাবে না! াজ আমার মন-মেজাজ ভালো নেই।

বেয়ারা॥ একবার ভাইবাা ছাখেন কর্তা—আমার বিপদ্ডা—

মালিক। তোর বিপদ তাতে আমার কি রে? কাল যে আমার অমন বিপদ হোল—কেউ এগিয়ে এলো ?

বেয়ারা। আইজ্ঞা, আপনার বিপদ কোর্তা ?

মালিক ॥ ই্যা — ই্যা ! আমার বিপদ ! কাল মোহনবাগান হেরে যায়নি ! যা যা— আমার সুমুখ থেকে সরে যা, নইলে চাকরী থাকবে না বলে দিচ্ছি । স্থোন—বালিগঞ্জের একটি অতি আধুনিক হালক্যাদনের বাড়ী। ঝি চাকর থেকে স্থক্ষ করে বাড়ীর দ্বাই ভটস্থ। ব্যাপার আর কিছুই নয়। বাড়ীর একমাত্র মেয়েকে বরের বন্ধুবা দেখতে এদেছে।]

১ম বন্ধু ৷ বেশ ত ! রবীক্রনাথের গান না জানেন—আধুনিক গান একটা আমাদের শুনিয়ে দিন—

[ কনে চুপচাপ ]

২য় বন্ধু॥ আমরা হিন্দি গান শুনতেও ভালবাসি—(স্থর করে) লারে লাপ্পা—লারে লাপ্পা—

থয় বন্ধু ॥ তুই থাম দেখি। আমরা শুনতে চাই মিস দত্তের গান। আচ্ছা, একটি ভাটিয়ালী গানই ধরুন না—

ধর্থ বন্ধু। নিদেন পক্ষে একটা রামপ্রদাদী—

মা আমায় ঘুরাবি কতো—

কলুর চোথ ঢাকা বলদের মতো—

কিনে তবু নীরব রইল বি

৫ম বন্ধু॥ আচ্ছা আমরা শুনেছিলাম, মিস দত্ত থুক সোসিয়্যাল।

৬ষ্ঠ বন্ধু॥ আর একথাও জানতে পেরেছি যে, আমাদের ভাগ্যবান বন্ধটি মিদ দত্তের গানই শুনেই নাকি—

গৃহকর্তা। আজে আপনারা ঠিক কথাই শুনেছেন। অপূর্ব আমার মেয়ের গলা। গীত-সাগরে গান গেয়ে গীত-কুহেলিকা উপাধি পেয়েছে। গাও ত' মা মিনি, একটি আধুনিক গান গেয়ে শুনিয়ে দাও ত!

কনে। না বাবা, আমায় অন্তুরোধ কোরোনা, আজ আমি কোনো গান গাইতে পারবো না — · ১ম বন্ধু ॥ টন্সিল বেড়েছে বুঝি ? তা, আমি ত' ডাক্তার, ভালো ওষুধ 'প্রেস্ক্রাইব' করে দেবোখন।

২য় বন্ধু॥ কাল কোনো সভায় আপনার বক্তৃতা ছিল ব্ঝি ? ৩য় বন্ধু॥ তা একটু আদা ন্থন খেয়ে—

কনে। ফর হেভেন্স সেক্ ! আজ আপনারা আমায় রেহাই দিন ! গৃহকর্তা। না, না, এত ভাল গাইতে পারো তুমি ! .ওঁরা



কি মনে করেছেন বলোত!

কনে॥ (কেঁদে ফেলে)
মোহনবাগান • গোল
খেলো, আর তুমি
আমায় গান গাইতে
বলছ বাবা। এ র
চাইতে ট্রাজেডি আর
কি হতে পারে ?

[ কনে একেবারে কান্নায় ভেঙে পড়ল ]

\*
[ স্থান—একটি বালিকা বিভালয়। টিফিনের সময় মেয়েরা বাইরে বেরিয়ে
গাছতলায় সমবেত হয়েছে ]

মঞ্লা॥ চল হেনা, আমরা একসঙ্গে বসে টিফিন থাই— হেনা॥ কেন, আজ এত আদর কেন শুনি ?

মঞ্লা॥ আদর আর কি ভাই? মা ঘরে মিষ্টি তৈরা করে দিয়েছে—তোকে না দিয়ে কি আমার খেতে ইচ্ছে করে?

্হেনা॥ থাক অত খাতিরে আর কাজ নেই। ও মিষ্টি আমার কাছে তেতো লাগবে। তোর বাডীর মিষ্টি তুই-ই খানা !

মঞ্জুল।। কেন রে হেনা? এ কথা বলছিস কেন? আমি কি দোষ করলাম, কিছু বুঝতে পারছিনে ত!

হেনা॥ ইস্! ভাজা মাছটি উল্টে খেতে জানে না যেন ! মঞ্জু । কি বলতে চাস তুই ?

হেনা। আমি এই কথাই বলতে চাই যে, ইষ্টবেঙ্গল জিতেছে বলেই তুই আমায় এত আদর করে মিষ্টি খেতে বলছিস! যা—খাবো না আমি তোর মিষ্টি! বাঙাল কোথাকার…

\*মঞ্লা॥ হুঁ! আমি ত বাঙাল! কিন্তু তোরা ত' ঘটি…
হেনা॥ (কোমরে গাড়ি জড়িয়ে) ঘটি! তাতে হয়েছে কি,
শুনি! আয় না দেখি—(মঞ্লির বেণী টেনে ধরল)

মঞ্জা। বটে। আমার সঙ্গে জোরে পারবি তুই ? আমি সাঁতরে পদ্মা পার হয়েছি—( ঘুঁষি মারলে হেনার ঠোঁটে)

হেনা। বাঙ্গাল কোথাকার— মঞ্জলা। ঘটি কোথাকার—

্রি'জনের চীংকার শুনে অন্যান্ত মেয়েরা ছুটে এলো। তারপর মেয়েরা ছুটো দলে বিভক্ত হয়ে গেল। এ ধরলো ওর বেণী টেনে; ও ধরলো তার আঁচল আঁকড়ে। তারপর কামডা-কামড়ি, আঁচড়া-আঁচড়ি, চীংকার, শেষ পর্যস্ত ডাক ছেড়ে কালা…! এতগুলি মেয়ের কালা শুনে প্রধানা শিক্ষয়িত্রী বেরিয়ে এলেন। তারপর হুই চোথ কপালে তুলে চীংকার করতে লাগলেন।]

প্রধানা শিক্ষয়িত্রী ॥ এই দারোয়ান, রামসিং, পুলিশ, পুলিশ, ফায়ার ব্রিগেড, সি-এস-পি-সি-এ · জলদি · · ·

[ যবনিকা ]



স্বাধীনতা-দিবস আর শ্রীতাববিন্দ-মহোৎসব একথোগে।
যাকে বলে একেবারে মণি-কাঞ্চন সংযোগ।
গড়ের মাঠে তিল ধারণের ঠাই নেই।
যেমন ছেলে—তেমনি মেয়ে।

ভাগাভাগি করে বিরাট এক ভৌলদণ্ডে বসিয়ে দিলে বোধ করি সমানই হবে। উৎসব ছিল মোহনবাগান-গ্রাউণ্ডে। খেলাধূলা আর ব্যায়ামের কসরৎ।

অনুষ্ঠান যখন চলছিল তখন রাশি রাশি মাথা দেখা যাচ্ছিল বটে, কিন্তু সব স্থির হয়ে বাগানের মতো বেড়া দেয়া অবস্থায় আটকা ছিল।

ব্যাণ্ড বাজিয়ে যখন উৎসবের পরিসমাপ্তি ঘোষণা করা হল—
তখনই বিপদ!

পিল্ পিল্ করে পিঁপড়েব সাবির মতো কে যে কোন দিকে বেরিয়ে এলো ঠিক ঠাহর করা গেল না।

• লোকেব দারুণ চাপে গুণধর বেশ থানিকটা পথ শৃত্যে-শৃত্যেই যেন উড়ে এলো। তাবপর কোনো রকম নোটিশ না দিয়েই একেবারে থপাস্করে—পপাত ধবণী-ভলে—

গুণ্ধর এই বার হৃদয়ঙ্গম করলে যে, নিজের পায়ের ওপর ভর দিয়ে দাঁড়াতে হবে। পরের কাঁধে থানিকক্ষণ চলে বটে, কিন্তু সেই কাঁধ যথন বদল হয়—তথন দস্তুরমতো জানিয়ে দিয়ে যায় যে, তারা এটবার সরে গেল!

উপায় নেই, মাটি থেকে উঠে দাঁড়াতেই হবে। কেন না, কবিই সংপ্রামর্শ দিয়ে গিয়েছেন—

"যে মাটিতে পড়ে লোক

ওঠে তাই ধরে !"

উঠে দাঁড়িয়েই ঘাড় ফিরিয়ে পাঞ্জাবীর পেছন দিকে একবার চোথ বৃলিয়ে নিলে।

যা আশঙ্কা করেছিল ঠিক তাই।

পাঞ্জাবীর ঠিক পেছনটায় কাদার একটা ছাপ পড়ে গেছে।
মাঝথানে থানিকটা ইল্শে গুড়ি বৃষ্টি হয়েছিল, তাতেই জ্বনি
ভিজে বেশ মোলায়েম হয়ে আছে, মানে—ছাপ দেবার পক্ষে
তৈরী হয়েই আছে, শুধু একটা আধার পেলেই হল।

এর জন্মে মন থারাপ করে লাভ নেই। শরীর থাকলেই ব্যাধি হয়, জামা থাকলেই কাদার দাগ লাগে। এসব ব্যাপারে যে মন-মেজাজ ঠিক রাখতে পারে না—সে একটি আস্ত নিরেট…

গুণধর চরণ-যুগলকে আরো ক্রত করলে। লোকভর্তী একটা বাস বৈশ গদাই-লস্করী চালে এস্যপ্লানেডে মোড় ঘুরছে। শুধু ভর্তী বল্লে নিছক ভ্রত্রভা করে বলা হয়। একেবারে যাকে বলৈ বাহুড়-ঝোলা।

এইজাতীয় প্যাককরা বাস আর ক'টা তার চোথের সামনে দিয়ে চলে যাবে—আর সে ফ্যাল্ ফ্যাল্ করে অনাথ বালকের মতো তাকিয়ে থাকবে, সেকথা ঠিক করে বলা শক্ত !

এদিক ওদিক শৃত্য দৃষ্টিতে তাকাচ্ছিল, এমন সময় পেছন থেকে কুন্তিত একটা ডাক এলো—শুন্ছেন—

গুণধর প্রথমটা আদপেই আমল দেয় নি—এরকম 'শুন্ছেন' ডাক—কত জন কত জনকে ডাক্তে পারে—মানে, আহ্বান জানাতে পারে। এস্প্ল্যানেডের মোড়ে কোনো মেয়ে যে তাকে ডাক্তে পারে না—সে বিষয়ে গুণধর একেবাবে নিশ্চিন্ত। তাই নিতান্ত কৌতৃহলবশেও সে ফিরে তাকায় নি!

কিন্তু না, ডাকটা যে আবার এলো ! ঠিক তার ঘাড়ের কাছে বল্লেও চলে। এইবার আর কৌতৃহল নয়, কর্তব্যবোধে সে ফিরে তাকাল।

ই্যা, একটি সুশ্রী ও সুবেশা তরুণী তাকেই উদ্দেশ করে বল্ছে।

তব্ ভদ্রতার খাতিরে যে কথা উচ্চারণ করতে হয় গুণধর তাই
বল্লে, আপনি আমায় কিছু বল্ছেন ?

ই্যা—মেয়েটি এগিয়ে এসে জবাব দিলে। আমার জাইভারকে এইখানেই অপেক্ষা করতে বলেছিলাম, সে হয়ত আমার কথা ব্ঝতে পারে নি, গাড়ী নিয়ে চলে গেছে,⋯আপনি ত' আমাদের পাড়াতেই থাকেন—

এতক্ষণ গুণধর কথাগুলি শুনে যাচ্ছিল, এইবার সত্যি বিস্মিত হল । এই তরুণীর সঙ্গে একপাড়ায় সে বাস করে—সে খবর তরুণীটির অজানা নয়, অথচ সে এর বিন্দুবিস্গতি জানে না!

এর চাইতে আশ্চর্যের কথা আর কি হতে পারে!

সে শুধু আম্তা-আম্তা করে ভাঙা-ভাঙা কথায় উত্তর দিলে, আমি—মানে—আপনি—আমাদের পাড়ায় থাকেন ?

মেয়েটি ইতিমধ্যে সক্ষোচের ভাবটা বেশ কাটিয়ে নিতে পেরেছে। বল্লে, হাা, আপনার বাসার নম্বর সতেরো আর আর আমার হচ্ছে একুশ। মানে আপনাদের বাসা পেরিয়ে যেতে হয়। আর আপনি পড়েন স্কটিসে—আর আমি উইমেন্স কলেজে। এখানেও রোজ ছাডিয়ে যেতে হয়।

গুণধরের জন্মে যে ১৫ই আগস্ত তারিথে এত বিশ্বয় জনা হয়ে ছিল—বাড়ী থেকে বেরুবার সময় দে বিন্দুমাত্র আঁচ করতে পারেনি। সতেরো—একুশ—স্কটিশ আর উইমেন্স কলেজ। অথচ সে এতদিন কিছু টের পায় নি!

পৃথিবী থেকে চন্দ্র কত লক্ষ কোটি মাইল দূর—তা দে হিসেব করে বলে দিতে পারে; পারে না শুধু তাদের তালপুকুর লেনের সতেরো থেকে একুশ নম্বর বাড়ীটা কতদূর সেই কথা বল্তে!

গুণধর তখন ভাব ছে—মেয়েটি তার নামটাও জানে না কি ? নাঃ, সেটা সম্ভবপর নয়।

একট্রামে হয়ত ওরা হামেশা কলেজে যায়—তাই তরুণী ওকে মাঝে মাঝে লক্ষ্য করে থাক্বে। কিন্তু সচরাচর এই আগ্রহটা ত' উপেটা দিক থেকেই দেখা যায়!

আর বেশীক্ষণ চুপচাপ থাক্লে—মেয়েটিও হয়ত যেচে আলাপ করবার জন্মে লজ্জা পেতো। তাই সেই ছুর্বল মুহূর্ভটিকে সহজ করবার জন্মে গুণধর মাথা নেড়ে জবাব দিলে, হ্যা-হ্যা, আপনাকে মাঝে মাঝে ট্রামে দেখেছি বটে!

এইবার তরুণীটি খিল্-খিল্ করে হেদে উঠল ? — না, আমি ট্রামে যাই না ত! বাড়ীর গাড়ী আছে। হেদোর কাছে আপনি প্রায়ই ট্রাম থেকে নামেন কিম্বা ট্রামে ওঠেন—দেখতে পাই।

গুণধর মনে মনে বললে, মা বস্থার দিধা হও। কিন্তু এস্প্ল্যানেডের পিচ্চালা রাস্তায় শুধু চারিদিকের আলো পড়ে চিক্মিক্ করতে লাগ্লো, দেখানে ফাটল ধববার কোনো সম্ভাবনাই দেখা গেল না!

মেয়েটিই তাকে লজ্জার হাত থেকে রক্ষা করল। বললে, আপনি এখন বাসাতেই ফিরবেন ত'? আমিও আপনার সঙ্গে যেতে চাই। মানে, একা একা ট্রামে-বাসে ওঠবার অভ্যেস নেই ত ! আর মুস্কিল হয়েছে এমন যে, বাড়ীর গাড়ীতে ফিরব বলে 'পাস'টাও ভুল করে বাড়ীতে ফেলে এসেছি !

গুণধরের মনে-প্রাণে হঠাৎ 'নাইটের' বীরত্ব জেগে উঠ্ল।
অসহায়া তরুণী, সঙ্গাহীনা—আশ্র চাইছে। মধ্য যূগের ইউরোপ
হলে এই জন্মে যে কোন 'নাইট' অবলীলাক্রমে প্রাণ বিসর্জন দিয়ে
বস্ত! আর সে কিনা একটা ট্যাক্সির ভাড়া জোটাতে পারবে
না! এর চাইতে জীবন না থাকাই উচিত।

গুণধরের বুক-পকেটে কর্করে দশটাকার একটি নোট তার অস্তিব জ্ঞাপন করছে। এই নোটটি সে লাভ করেছে একটি পাতায় 'নারী জাগরণ' সম্পর্কে প্রবন্ধ লিখে। সম্পাদকের সঙ্গে এক গোপন চুক্তি ছিল যে, লেখাটি প্রকাশিত হবে একজন শ্রীমতীর নামে, কিন্তু ক্ষতিপূরণ স্বরূপ সে পাবে নগদ দশটি মুদ্রা।

সেই দশটি মুদ্রা আজ সম্পাদক-বন্ধু তাকে উপঢ়ৌকন দিয়েছেন।

নব-পরিচিতা, স্থদর্শনা, তরুণী প্রতিবেশিনীর জন্মে যদি সে এই স্বাধীনতা লাভের সন্ধ্যায় একটি ট্যাক্সি ভাড়া করবার মনের বল নিজের মধ্যে খুঁজে না পায় তবে স্বাধীনতা পেয়ে তার লাভ হল কি? তিনশ' পঁয়বটি দিন ত' ট্রামে-বাসে ভীড় ঠেলে উঠ্তেই হবে। নাঃ, অন্তত একটি সন্ধ্যা সে স্বাধীনতার বিমল আনন্দ উপভোগ করবে।

ভীড় ঠেলে একটি থালি ট্যাক্সি মন্থর গতিতে এগিয়ে আস্ছিল। হিট্লার যে ভঙ্গীতে আঙুল নাচিয়ে জনগণকে সম্বোধন করতেন ঠিক সেই কায়দায় গুণধর ট্যাক্সির ড্রাইভারকে আহ্বান করলে, তারপর শিতহাস্তে তরুণী প্রতিবেশিনীকে বল্লে, আস্থন, আমি বাসায়ই ফিরছি। আপনাকে কি বলে ডাকবো ? মিস—

খুলে পড়া খোঁপাটাকে বাঁ হাতে সাম্লে নিয়ে প্রতিবেশিনী উত্তর করলো, আমার নাম লতিকা সোম। কিন্তু আপনি মিছিমিছি আমার জত্যে তুট্ করে ট্যাক্সি ডেকে বস্লেন…? এ জান্লে আমি আদপেই আপনাকে বাড়ী পোঁছে দিতে অন্থ্রোধ করতাম না গুণধরবাবু—

— আপনি আমার নামও জানেন ? সবিশ্বয়ে জিজ্জেস করলো গুণধর! তার দেহে আর মনে অপূর্ব একটি শিহরণ!

হয়ত স্বাধীনতার মৃত্ সমীরণের মন্থর প্রভাবই এর একমাত্র কারণ।

জীবনে এমন এক একটা সময় আসে যখন মানুষ ভাবে — শ্রাম রাখি কি কুল রাখি।

ট্যাক্সীতে বসে গুণধরের সেই অবস্থাই হ'ল। পার্শ্বে নবপরিচিত। স্থানরী প্রতিবেশিনী, হাওয়ায় তার অলক-ছল্ছে, কেশ-বেশ থেকে আসছে একটি অনাদ্রাত মিষ্টি গন্ধ। অত্যধিক লোকের ভীড়ে লতিকার মুথে জমেছে রাশি রাশি মুক্তা-বিন্দু! তাকিয়ে দেখবার মতো। কিন্তু প্রাণ ভরে গুণধর সেই সৌন্দর্য অবলোকন করবে সে উপায় নেই! ট্যাক্সী-মিটার কানে ধরে তার চোথ ছটি ক্রমাগত সেই দিকে আকর্ষণ করছে!

স্বপ্ন আর বাস্তবের এমন সজ্বধের কাহিনী গোর্কীও বুঝি তাঁর অমর-সাহিত্যে অক্ষয় করে রেখে যেতে পারেন নি!

ফলে গুণধরও ট্যাক্সীর গহবরে বসে ঘেমে উঠল, তার জিভ

গেল আড়ষ্ট হয়ে; অনেক ভালো ভালো কথা বৃকে জমে থাকলেও মুখ দিয়ে বেকতে চাইলো না।

কিন্তু কথার থৈ ফুটতে থাকলো লতিকার মুখে। সে "তৃষাতুর" কাগজে গুণধরের লেখা প্রায়ই পড়ে, তা ছাড়া, পাডার নামকরা ছাত্র হিসাবে চেনে অনেক কাল, শুধু সাম্নাসাম্নি আলাপ নেই—এই যা! ইতিমধ্যে লতিকা তাকে চায়ের নেমন্তর পর্যান্ত করে বসল।

কিন্তু মুস্কিল এই যে, গুণধরের পক্ষ থেকে কোনো জ্বাব নেই! একটানা লতিকা আর কভক্ষণ বকে যেতে পারে?

বৈঠকী গান তথনই জমে—যথন 'ঠেকা' হয় মনের মতো। লতিকা গুণধরের পক্ষ থেকে কোনো রকম লাগদই 'ঠেকা' না পেয়ে হঠাৎ জিজ্ঞেদ করে বদল, আপনার বৃঝি অন্ত কোথাও যাবার কথা ছিল? আমার জন্মেই তাড়াতাড়ি ফিরতে হল? ছি-ছি—আমার অনুরোধ করাই সন্তায় হয়েছে—!

তথন ভদ্রতার থাতিরেও গুণধরের মৃত্ প্রতিবাদ করা উচিত ছিল। কিন্তু দৃষ্টি তখন তার মিটারের দিকে নিবদ্ধ! তাই ঘাড় না ফিরিয়েই অন্থমনস্কভাবে বল্লে, 'উ—হুঁ!

জবাব শুনে লতিকা যেন সপ্তম স্বৰ্গ থেকে মাটির পৃথিবীতে নেমে এলোঁ।

এর প্রহ্যুত্তর দিলে লতিকা বাড়ীতে পৌছে।

মিটাবে উঠেছিল তিন টাকা আট আনা। গুণধর অবিশ্যি বুক-পকেটের নোটটি ভাঙ্গিয়ে অনেক কণ্ঠে ট্যাক্সী-ড্রাইভারের ঋণ শোধ করলে। কিন্তু লতিকা বলে উঠল, পালাবেন না যেন গুণধর বাবু! আপনাকে চা খেয়ে যেতে হবে। গুণধর মনে মনে ভাবলে, তিন টাকা আট আনা পকেট থেকে: খসল, চা-টা খেয়ে যতটা উশুল করা যায়! তাই আর সে বিশেষ আপত্তি জানালো না। উপরস্তু গড়ের মাঠের 'ধকলে' ক্ষিদেটাও জমে উঠেছিল ভালো ভাবে।

সে শান্ত সুবোধ ছেলেটির মতো লতিকার সঙ্গে সঙ্গে ওপরে উঠে গেল। সেখানে লতিকার বাবার কাছ থেকে পেল প্রচুর অভ্যর্থনা, লতিকার ভাই ঝন্টু এরোপ্লেন তৈরীর কল-কোশল ছু'মিনিটের মধ্যে ওকে ব্ঝিয়ে দিলে। লতিকার ছোট বোন গীতিকা গান শুনিয়ে তাকে সাদর সন্তামণ জানালে এবং লতিকার মা নেপথ্য থেকে লুচি, বেগুনভাজা আর আলুর দম পাঠিয়ে গুণধরের ক্ষুপ্তির্বিত করলে। লতিকা নিজে এক কাপ চা নিয়ে ঘরে ঢুকলো। ইতিমধ্যে সে দিব্যি নিজের বেশ পরিবর্তন করে নিয়েছে! তার চেহারাটা দেখে কে বল্বে থানিকক্ষণ আগেই গড়ের মাঠের বিপুল জনতার মাঝখানে সে সঙ্গীহীন ভাবে দিশেহারা হয়ে পড়েছিল। লতিকার নিজের হাতের তৈরী বলে কি-না বোঝা গেল না, তবে গুণধর চোথ বুজে বেশ আমেজ করে চা-টা পান করলে।

তারপর হঠাৎ তাকিয়ে বললে, অনেকক্ষণ আপনাদের বিরক্ত করলাম, আজ তা হলে আদি—

এইবার লভিকার প্রত্যুত্তরের পালা। সে গুণধরের পকেটে তিনটি টাকা আর একটি আধুলি ফেলে দিয়ে বল্লে, এইবার বাড়ী গিয়ে বই খুলে বস্থুন, কিন্তু মাঝে মাঝে এদিকে পা বাড়াতে ভুলবেন না যেন!

লতিকা যে এমন মোলায়েম ভাবে তাকে চাবুক মারবে একথা

আগে জানা থাকলে গুণধর নিশ্চয়ই ট্যাক্সীর ভেতর তার দিকে মনোযোগ দেবার অবকাশ পেত এবং অমন নির্লজ্জের মতো ঘন ঘন মিটারের দিকেও তাকে তাকাতে হত না!

ল্যাজ-গুটোনো কুকুরের মতো এক পা তু'পা করে সে নিজের বাসার দিকে পা চালিয়ে দিলে, ভদ্রতাসম্মত ভাবে বিদায় গ্রহণ করা পথস্ত তার হল না।

বাসায় ফিরে অপমানের প্রতিশোধ নিলে দে তার বালক ভূত্যের ওপর। সে যে সারাটা দিন ফাঁকি দিয়েছে এই কথাটাই অনর্গল বাকাস্মোতে সে প্রমাণ করে দিলে এবং তারপর ঘোষণা করলে যে, রাত্তিরে সে কিছুই খাবে না।

যে লেখাটি অবলম্বন করে তার দশটি টাক। প্রাপ্তি ঘটেছিল তার ওপরও গুণধরের আক্রোশ বড়ো কম হয়নি। শ্রীমতী বস্থন্ধরা মিত্রের নামে লেখাটি মুদ্রিত হয়েছে। কে জানে এই বস্থন্ধরা কোন জগতের মানুষ? তার অস্তিম্ব আছে কি না তাই বা কে বলতে পারে। লেখাটি ছিঁড়ে কুটি কুটি করে সে দোতলার জানালা গলিয়ে উড়িয়ে দিলে।

তারই কয়েকটি ছে<sup>\*</sup>ড়া কাগজ লতিকার পড়ার টেবিলে উড়ে গিয়ে হাজির হল।

কিন্তু লতিকা সম্মার্জনীর আঘাতে আবার সেগুলিকে নীচে রাস্তায় ফেলে দিলে, মুহূর্তের তরে জানতেও পারল না যে, এগুলি তার নবপরিচিত গুণধরবাব্র কলমের ডগায় স্বস্থ হয়েছে! জান্তে পারলে সেই ছিন্নপত্রগুলি শ্রীমতী অঞ্চলে বেঁধে রাখত কি না কে জানে! এর পর ঘটনা একেবারে মন্থর হয়ে এসেছিল। কেন না, লতিকা কলেজে যায় নিজেদের বাড়ীর গাড়ীতে, আর গুণধর যায় টামে। পরস্পর ইতিমধ্যে আর দেখা সাক্ষাৎ হয়নি।

দেদিন হঠাৎ কি একটা বিরাট মিছিলের জন্মে সমস্ত ট্রাম বাস বন্ধ। অথচ একটা জরুরী ক্লাশ আছে সকালের দিকে। গুণধর হতাশ হয়ে একটি রিক্সার সঙ্গে দর-দস্তর করছিল, এমন সময় পেছনে হর্ণ শুনে সে থম্কে দাঁডালো।

লতিকা গাড়ী থেকে মুখ বাড়িয়ে বল্লে, আর দর করতে হবে না, আস্তন, আমি আপনাকে কলেজে নামিয়ে দিয়ে যাচ্ছি।

গুণধর একবাব ভাবলে, লতিকা যেভাবে বাড়ীতে ডেকে নিয়ে তাকে অপমান করেছে তারপর সে ওর সঙ্গে আর কথাই বল্বে না।

কিন্তু মৃক্ষিল বাঁধলো যে, একটি স্থা মেয়ে গাড়ীর দরজা খুলে ডাকাডাকি করছে—এই দৃশ্য দেখেই রাস্তায় লোক জমতে স্থক হয়েছিল। এর পর সে যদি মান-মভিমানের পালা গেয়ে একটা দৃশ্যের অবতারণা করে তবে আর কেলেক্কারীর অবধি থাকবে না। তাই সে বিন্দুমাত্র উচ্চবাচ্য না করে গাড়ীর ভেতর উঠে বদল।

লতিকা আড় চোখে তাকিয়ে বল্লে, আমাদের বাড়ী আর গেলেন না যে বড়ো? পরিচয়ের সঙ্গে সঙ্গেই অসহযোগ স্থুক করলেন নাকি ?

গুণধর আম্তা আম্তা করে উত্তর দিলে, না—মানে সময় পাইনে কিনা! কয়েকটি লেখা নিয়েও ব্যস্ত ছিলাম—

লতিকা যেন একটা অবলম্বন খুঁজে পেল। বল্লে, ভালো কথা,

আপনি ত একজন উদীয়মান লেখক, আর আমি বাঙ্গলায় পাশ নম্বর একবারও রাখতে পারি নে। আপনি আমায় বাঙ্গলাটা ভালো করে শিখিয়ে দিন। সময় নেই বলে পাশ কাটিয়ে গেলে,চল্বে না কিন্তু। কথায় বলে, পাগলা খাবি ? না আঁচাবো কোথায় ?

গুণধর যেন এই রকম একটি অমুরোধের আশাই করছিল; কাজেই তার দিক থেকে রাজি হতে আর বেশী বিলম্ব হ'ল না!

এর পর থেকে গল্পের গতি যেভাবে ক্রত এগিয়ে চল্লো তাকে একমাত্র হিন্দি সিনেমার সঙ্গেই তুলনা করা চলে।

নায়ক আর নায়িকার যদি পরিচয় ঘটে গেল তবে গল্প বুনো মোধেঁর মতো সামনে এগিয়ে যাবে না কেন? আশে-পাশের কারো দিকে তাকাবার অবকাশ তথন আর থাকে না! চলস্ত ট্রেণের মধ্যে বসে থাক্লে টেলিগ্রাফের তারের ওপর বসা ফিঙে পাখিটি যেমন প্রবল বেগে কাছে এসে অধিকতর ক্রত বেগে বহু দূর চলে যায়, তেমনি নায়ক-নায়িকাকে নিয়ে গল্প যোন গ্রাওটাক্ক রোডের ওপর দিয়ে আশী মাইল বেগে উড়ে চল্লো।

নায়ক গরীব হতে পারে, কিন্তু নায়িকার আছে নিজস্ব গাড়ী। সে ক্ষেত্রেও যদি গল্প না এগোয়, তবে গল্প লেখকের তুর্ভাগ্য বলতে হবে।

লতিকার নব-নব পরিকল্পনায় ওরা হু'জনে আজ বোট্যানিক্যাল গার্ডেনে, কাল বেলুড়ে, পরশুদিন মেট্রোতে ঘূর্ণির বেগে ঘূরে বেড়াতে লাগলো আর কলেজ, পড়া, রুটিন, এগ্জামিন প্রভৃতি তাদের সঙ্গে সমানে তাল রাখতে না পেরে ইাপিয়ে ক্রমশ তাদের হু'জনার দৃষ্টি থেকে পেছিয়ে পড়তে লাগলো। ভিক্টোরিয়া-মেমোরিয়ালের পাশে সেদিন অঢেল চাঁদের আলো। গুণধর বল্লে, লতু, ভোমার বোনের মুখে শুন্তে পাই ভোমার কাছেই সে সব গান শিখেছে। কিন্তু তুমি আমায় গান শোনাতে চাও না কেন শুনি ?

লতিকা মুখ ঘুরিয়ে জবাব দিলে, আগে খুব গাইতাম, কিন্তু ত্' বছর হয় একেবারে ছেড়ে দিয়েছি। সত্যি বলছি, গলা ছেড়ে গাইতে আর পারি নে।

গুণধর বাস্ত হয়ে জিজ্ঞেস করলে, অসুবিধাটা কি ? টন্সিল ? চলো, কালই তোমায় ডাক্তারের কাছে নিয়ে যাই। যে রোগটি তোমার মধু-কঠের পথ আগলে রেখেছে তাকে আমার সতীন বলে সন্দেহ হচ্ছে। ওকে তুমি পুষে রাখ্তে পারো, কিন্তু আমি তাকে গলা টিপে মেবে ফেলতে চাই।

লতিকা কোনো জবাব দিল না, শুধু শ্লান হাসি হাস্লে।

আর একদিন বালি ব্রিজের ওপর। গুণধর মিনতি করে লতিকার ছটি হাত ধরে বল্লে, লক্ষ্মীটি! এখানে কেউ কোথায়ও নেই। আচ্ছা, গলা ছেড়ে না গাইতে চাও গুণ্ গুণ্ করে গাইতে তোমার আপত্তি কি থাকতে পারে ?

লতিকা শুধু মুখ ফিরিয়ে নিয়ে বল্লে, সত্যি, অন্ধুরোধ কোরো না! আমি বড্ড লজ্জা পাই। আমার উপায় নেই—তাই গাইতে পারিনে! নইলে আমার সমস্ত মন উন্মুখ হয়ে থাকে তোমায় গান শোনাবো বলে! কিন্তু তোমার পায়ে পড়ি, গাইতে তুমি আমায় বোলো না! এর পর আর কোনো কথা চলে না, তাই গুণধর অতৃপ্ত আকাজ্ফা নিয়ে চুপ করে যায়!

একদিন গুণধর বল্লে, তোমার বাড়ীতে গেলেই রাশি রাশি খাবার এনে আমায় খেতে দাও। কিন্তু একদিনও আমি তোমায় কিছু খাওয়াতে পারলাম না। আমার বুঝি ইচ্ছে করে না ? আজ তোমার কোনো ওজর-আপত্তি শুন্বো না। ফিরপোতে আমি অর্ডার দিয়েই রেখেছি। পোলাও, মাংস আর পুডিং…। তোমার ডাইভারকে সেইখানে গাড়ী নিয়ে যেতে বলো।

লতিকা শুধু ওর হাতটায় চাপ দিয়ে বল্লে, শোনো গুণ, এত ব্যস্ত° হতে নেই, আমি কোথায়ও খাইনে। তুমি আমায় ক্ষমা করো—

গুণধর বিরক্ত হয়ে গুধোয়, এ যুগের মেয়ে তুমি, তোমার হোটেলে যেতে এত আপত্তি কেন গ

লতিকা বলে, প্রশ্ন কোরো না, আমি তার জবাব দিতে পারবো না। যাবার হ'লে আমি তোমার সঙ্গেই যেতাম—আর কারো সঙ্গে নয়, একথা তুমি সহজভাবেই বিশ্বাস করো গুণ!

গুণধর মনে মনে চটে! হিসেব করে দেখে, ফিরপোর বিল বাবদ বেশ কিছু টাকা মেটাতে হবে, কিন্তু লভিকার এক**গুঁয়েমীতে** কিছুই সাধাদন করা গেল না!

সেদিন সন্ধ্যাবেলা লতিকার বাবার নিজস্ব বস্বার ঘরে একান্তভাবে গুণধরের ডাক পডল।

গুণধর ভাবলে, ব্যাপারটা কি ? বুড়ো তার মেয়েই নঙ্গে এত বেশী মেলামেশা পছন্দ করছে না বোধ হয়! যদি শক্ত কথা কিছু বুড়ো বলে, কিস্বা তেমন কিছু মেজাজ দেখায় তবে সোজাস্থুজি নমস্কার জানিয়ে একেবারে অ্যাবাউট্ টার্ণ করবে, আর এ বাডীমুখো হবে না।

কিন্তু এখানেও গুণধরের জন্মে অনেক বিশ্বয় জমা হয়ে ছিল। লভিকার বাবা বল্লেন, দেখ বাবা, লভুর মা বলছিলেন, ভোমায় নাকি তিনি জামাই কর্তে চান্, লভুরও নাকি এ ব্যাপারে মত আছে। বুঝতেই পারছ বাবাজি, আমি আবার তেমন গুছিয়ে কথা বলতে পারি নে। লভুর মা আর লভুকে তাই আগেই সিনেমায় পাঠিয়ে দিয়েছি। ইয়ংম্যান, তোমার সঙ্গে আমার কিঞ্ছিৎ ঘরোয়া কথা আছে।

এতথানি সৌভাগ্যের জন্ম গুণধর সত্যি প্রস্তুত ছিল না। নিভূত রাত্রের স্বপ্নে যাকে কামনা করা যায় সে যদি বাস্তবের মাঝে এসে ধরা দেয়, তবে আনন্দ রাথবার আর ঠাই থাকে না!

প্রথমটা তার মুখ দিয়ে এ সম্পর্কে কোন কথাই বের হ'ল না !

কিন্তু লতিকার বাবা কারো কথার জন্যে অপেক্ষা করবার লোক নন। তাঁর বক্তব্য তিনি বলেই চলেছেনঃ দেথ বাবাজি, আমার মেয়েকে যদি তুমি বিয়ে করো, তবে আমি তোমায় জীবনে প্রতিষ্ঠিত করে দেবো, সে সম্পর্কে আমি তোমায় কথা দিচ্ছি। দারা জীবনে কিছু কুদ-কুঁড়ো জমিয়েছি। ছেলেদের জন্যে বেশ কিছু রেখে যেতে পারবো বলেই আশা করি। আমার লতুর বরকে বিলেত ঘুরিয়ে আন্বো—এই আমার বহু দিনের সক্ষয়। তুমি লগুনে ব্যারিষ্টারী পড়তে যেতে রাজি আছ ত ? অবগ্রি আমি মেয়ের কাছে শুনেছি যে, তুমি সাহিত্য-চর্চা করো।

তা ব্যারিষ্টার হলেও সাহিত্যচর্চ্চায় কোনো বিম্ন হবে না। তোমাদের প্রভাত মুখুজেও ব্যারিষ্টারী পাশ করে এসেছিলেন, কিন্তু তিনি আবার নামকরা গল্প-লিখিয়েও ছিলেন।

যে লোকটি আদপেই খেতে পায় না—তার সাম্নে রাজভোগ সাজিয়ে দিয়ে যদি বলা যায় যে, কিছুই আয়োজন করা সম্ভব হয় নি—সেই কুধার্ত্ত ব্যক্তিটীর মনেব অবস্থা সে সময় যেমন হয়—আমাদের গুণধরের অবস্থাও তদ্রেপ হয়ে উঠল!

যাকে বলে একসঙ্গে অর্দ্ধেক রাজ্র আর রাজকন্তে! গুণধর কী বা বলবে, আর কেমন করেই বা ধন্যবাদ প্রদান করবে ভাবী প্রোয়শীর পিতৃদেবকে।

কাজেই কোনো কিছুই করা সম্ভবপর হল না তার দ্বারা! সে শুধু ফ্যাল-ফ্যাল করে তাকিয়ে রইল।

এমন সময় বারান্দায় জুতোর শব্দ শোনা গেল। লতিকার বাবা ব্যস্ত হয়ে বল্লেন, ওই বুঝি লতুর মা ফিরে এলেন। তা বাবা, আমার প্রস্তাবে তোমার কোনো আপত্তি নেই ত °'

এইবার গুণধর নিজেকে কোনো রকমে আত্মস্থ করে লতিকার বাবার পায়ের ধূলো নিয়ে জবাব দিলে, এ ত আমার গৌভাগা।

সেদিন বাসায় ফিরে আসবাব মুখে গুণধর লতিকার কানে কানে বলে এলো, কাল সন্ধ্যেবেলা বাসায় থেকো, ছু'জনে একলাটি বেড়াতে বেরুবো। অনেক দূর যাবো—অনেক কথা বলব। আর গান শুনবো তোমার।

লতিকা একটি আনন্দোজ্জ্বল বিলোল কটাক্ষে সম্মতিজ্ঞাপন করলে। পরদিন বিকেলের একটু পরেই ডায়মগুহারবার রোড দিয়ে একটি গাড়ী দ্রুত বেগে এগিয়ে চলেছে। আজ লতিকা নিজের হাতে গাড়ী ড্রাইভ করছে, ড্রাইভারকে সঙ্গে আনে নি; কি জানি গুণধর আনন্দের আতিশয্যে কখন কি করে বঙ্গে। অথবা লতিকার মনেই কোনো গোপন কামনা আছে কি না কে জানে!

নারীর মনের হদিশ দেবতারা অবধি জানেন না, গুণধর ত কোন্ছার!

গাড়ী যথন এক নির্জ্জন মাঠের ধারে পৌছুলো তখন সন্ধ্যার আঁধার ঘনিয়ে এসেছে !

গুণধর বল্লে, লতু, চলো আজ আমরা ছটিতে এই নির্জ্জন মাঠের অন্ধকারে আত্মগোপন করে মনের কথার হরির-লুট ছড়াই…

লতু রসিকতা করে জবাব দিলে, মাঠে গিয়ে বসতে চাইছ চলো, কিন্তু অন্ধকারে আত্মগোপন করা মোটেই চলবে না। বাঁশ গাছের পাশ দিয়ে দেখছ ত' চাঁদ উকি দিচ্ছে। আজ পূর্ণিমা।

গুণ্ধরের মনেও যেন হঠাৎ জোয়ার ডেকে উঠল। বল্লে, বেশ ত', পূর্ণিমার জ্যোৎস্না-প্লাবনে আমরা পুরোপুরি মন দেয়া-নেয়া করি। কারো মনে কোনো কথা আমরা কেউ লুকিয়ে রাখবো না। তোমার কথা আমি জানুবো, আমার কথা শুনবে তুমি।

লতিকা মাথা ছলিয়ে বল্লে, বেশ, তাই হবে।

গুণধর আজ মুখর হয়ে উঠেছে। বল্লে, আজ কিন্তু তোমায় গান শোনাতে হবে। কোনো আপত্তি আর শুন্ছিনে আমি।

লতিকাব হাত ধরে টেনে নিয়ে ঘাসের গালিচার ওপর আরাম করে বস্ল গুণধর। তার ভাবভঙ্গী দেখে মনে হল একটি তাকিয়া পেলে এই জ্যোৎস্না-ধৌত সন্ধ্যায় তার আবেশটি জমত ভালো। —একটি আধুনিক প্রেমের গান ধরো—মানে সিনেমার গান। ফরমাস দিলে গুণধর।

লতিকা বল্লে, গান ত' আমি গাইতে পারি নে !

—আচ্ছা লতু, সবতাতেই তোমার আপত্তি কেন বল ত ? আমি গান গাইতে বল্লে তুমি গাইবে না, খেতে বল্লে খাবে না ! আমার মনে কি কোনো সাধ-আহলাদ থাকতে নেই ? গুণধর অভিযোগ তোলে।

মধ্র কঠে লতিকা জবাব দিলে, আচ্ছা, এইবার থেকে তুমি কিছু থেতে চাইলে কিস্বা আমায় থেতে দিলে আমি না করবো না।

• লতিকার মনে অনেক আশা। সে ঘনিষ্ঠ হয়ে বসে।

কিন্তু কথা-শিল্পা গুণধর তার ধাবে-কাছেও গেল না। উৎসাহিত হয়ে উঠে বল্লে, 'নভেল আইডিয়া' আমাব মাথায় এসেছে। এই চীনে-বাদামগুলা, শীগ্ণীর এই দিকে আয়। এসো লতু, আজ আমরা নির্জনে বসে চীনে-বাদাম খাই—

রাশীকৃত চীনাবাদাম কোঁচায় জড় করে হাসিমুথে সে লতিকার দিকে তাকালো।

লতিকার মুখের প্রদীপ নিভে গিয়ে যে ম্লান হয়ে এসেছে সেদিকে গুণধরের দৃষ্টি নেই। বল্লে, নাও ধরো, 'দশন-মুকুতাপাতি' না হয় আমায় দেখালেই—

সত্যি লতিকার মৃক্তোর মতো দাঁত গুণধরের এক প্রম বিশ্বয়। চাঁদের আলোতে দাঁতগুলি ঝিক্মিক্ করে ওঠে।

নিতান্ত অনিচ্ছা সত্ত্বেও একটি চীনাবাদাম তুলে নিয়ে লতিকা প্রবল কামড় দেয়। কিন্তু পর মুহূর্ত্তেই এক বিপর্যায় কাণ্ড ঘটে গেল। লভিকার মুখ থেকে ছিট্কে খুলে বেরিয়ে এলো ছ'পাটি বাঁধানো দাঁত



ঠিক গুণধরের সাম্নেকার ঘাসের আস্তরণের ওপরে ! চাঁদের
আলায় দাতগুলি
বীভংসভাবে চিক্চিক্
করে উঠল। লজ্জায়
বিশীর্ণ হয়ে লতিকা
আর্ত্তনাদ করে উঠল।
আঁংকে উঠে গুণধর
পেছু হটে গেল!

তার পর থেকে আর কোনো কথা-

শিল্পী বা জীবন-শিল্পী এ কাহিনীর স্বষ্ঠু পরিসমাপ্তি করতে এগিয়ে আসেন নি !



পূর্ব বঙ্গের নদীবহুল অঞ্চল দিয়ে একদিন সন্ধ্যায় একটি ষ্টীমার যাত্রী-ভর্তি হয়ে চলছিল।

প্রতিদিন সন্ধ্যায় এই ষ্টীমারটিতে একটি ঘরোয়া বৈঠক বসে। বৈঠকের সভ্যবৃন্দ হিন্দু আর মুসলমান ছইই আছেন। এই জাতীয় ছোট ষ্টীমারে সারেঙই সর্বেদর্বা। শাহানশা বাদশার মতো তাকে মান্সি-গন্সি করে চলে তার অমুগত জন। কেননা সারেঙের কথার ওপর আর কোন আপিল নেই এ কথা ষ্টীমারের কর্মচারীগণ স্বাই জানে।

বস্তুতঃ কোম্পানীর কাছ থেকে ইজারা নিয়ে সারেঙই সারা বছর কাজ চালায়—েসেই জন্ম ষ্টীমারের কাজে 'বহাল' আর 'বরখান্ত' সব সারেঙের মন-মেজাজের ওপর নির্ভর করে।

অমুগত এক থালাসী সারেঙের হাতে ফর্সী হুঁকো তুলে দিলে। সারেঙ মুদ্রিত নয়নে গুড়ুক গুড়ুক করে তামাক টেনে ধোঁয়া ছাড়তে লাগলো।

ষ্টীমারের ভেতরকার চা-খাবারের দোকানের ইজারদার গে বিন্দ মোদক জিব আর তালুতে একটা বিক্ষোভের ধ্বনি তুলে বল্লে, যা দিন কাল পড়েছে সারেঙ সাহেব, তাতে উপরি-পাওনা আমাদের একেবারে বন্ধ হয়ে গেল। যা হোক একটা বৃদ্ধি বাংলাও মিঞা সাব!

চোথ না থুলে একটা গাঢ় ধোঁয়া ছেড়ে সারেও বল্লে, জলের ওপর আর উপরি পাওনা কি হবে ? আগে বড় বড় লোকেরা এই লাইনে যাতায়াত করত'…সারা বছরে সকলেরই বক্শীস্টা ভালই পাওনা ছিল। এখন এই মগের মুল্লুকে কে আসবে শুনি ?

গোবিন্দ মোদক জবাব দিলে, ওদিকে কলকাতায় কথায় কথায় কালো-টাকার থলি খুলে দিচ্ছে লোক। আমরা কি পেট শুকিয়ে থাক্বো সারেঙ্ভাই ?

বাট্লার গণি মিঞা এতক্ষণ চুপচাপ বসে কথা শুন্ছিলো। কোঁদ করে উঠে ফোঁড়ন দিলে, মুগী রে'ধে আর মনে সুথ পাই না, হিন্দুরা সব চলে গেল বিদেশে। দেশে যাতায়াতের পথে ইস্কুল-কলেজের ছেলেরা কি তারিফ্ই না করত আমার রস্থইয়ের। বেমুনে আর সে বোস্না নাই। বকশীস ত' উঠেই গেছে কর্তা।

টিকিট ক্লার্ক নটবর ভাগুারী রাগের মাথায় খানিকটা সিক্নি ফেলে দিয়ে চোখ-মুখ ঘুরিয়ে বল্লে, ঠিক কথা বলেছ গণি মিঞা। থার্ড ক্লাসের টিকিট করে উঠে ভীড়ের চাপে বাবুরা ফাষ্ট-সেকেণ্ড ক্লাসে যাবে, তবে না আমার উপরি পাওনার রাস্তা খুলে যায়। থার্ড ক্লাসের টিকিট 'পাঞ্চ' করে-করে হাতে ব্যথা ধরে গেল! সভ্যি মিঞা ভাই, মনে আর স্থথ নেই। সামনে জামাই ষ্ঠী; উপরি পাওনা না হলে জামাই বাড়ী দেবো-থোবো কি?

সারেঙ্ মৃত্হাস্তে জবাব দিলে, হুঁ! বুঝলাম ত' সবাই।
কিন্তু আমি কি করবো কও— ?

আল্লাবক্স জমাদার অতি বিনয়ে ঘাড় কাৎ করে বল্লে, এই পাণির মধ্যেও একটা পথ খোলা আছে হুজুর—

খাবারের দোকানের গোবিন্দ মোদক বিশেষ উৎসাহিত হয়ে বল্লে, কি পথ বলত' জমাদার—না হয় আমরা সবাই মিলে—

জমাদার আবার হাত হুটো কচ্লে বল্লে, হুজুর হুকুম করলে— বল্তে সাহ্য পাই—

নিলিপ্ত গান্তীর্যে সারেঙ্বল্লে, কও শুনি—

জমাদার চারিদিকে একবার তাকিয়ে নিয়ে ফিস্-ফিস্ করে কইলে অনেক আমের ঝুড়ি চালান যাচ্ছে হুজুর— মাথা নেড়ে সারেঙ্ বল্লে, ওতে স্থবিধে হবে না-—অন্স পথ বাংলাও—

গোবিন্দ মোদক এইবার যেন অন্ধকার পথে চেরাগ খুঁজে পেলো। বল্লে, সারেঙ্ সাহেব, হদিশ মিলে গেছে—এখন সব তোমার ওপর ভরসা—

গণি মিঞা অসহিষ্থ হয়ে জবাব দিলে, আরে কওনা বাবু, আমার আবার মুরগী ছাড়াতে হবে। ডাটা আর কাঁঠাল বিচি থেয়ে মুখ পচে গেছে।

গোবিন্দ মোদকের মুথে-চোথে একটা আবিন্ধারের উল্লাস। সাবেঙের কানের কাছে মুথ নিয়ে বল্লে, ষ্টিমারটা আজ রাত্রে"নদীর চরে আটকে দাও না—সারেঙ সাহেব—

সারেঙ এইবার চোথ খুল্লে। শুধোলে, তা হলে কি স্থবিধেটে হবে শুনি ?

গোবিন্দ মোদক বল্লে, আলবং স্থবিধে হবে সারেঙ্ভাই। চিড়ে আর মুড়ির দাম—চড়্চড় করে চার টাকায় উঠে যাবে। খাবার গুলো ছুনো দামে বিক্রী করতে পারবো—

বাটলার গণি মিঞার চোথ ছটি উজ্জ্বল হয়ে উঠ্ল। বল্লে ইা, কর্তা। তা হলে আমি গোটা কয়েক মুর্গী জবেহ করতে পারি। পেটের ক্লিদেয় প্যাদেঞ্জাররা সোনা মুথ করে চার গুণ দাম দিয়ে কিন্বে।

জনাদার বল্লে, সামনের ইষ্টিয়ণের চর থেকে আমি তা হলে কিছু হুধ কিনে ফেলি। চড়া দরে চালিয়ে দেবো।

টিকিট ক্লার্ক একটা দিগারেট ধরিয়ে বল্লে, হ্যা, রাত্রে ঘুমোবার

জত্যে তাহলে বাবুদের ফাষ্ট-সেকেণ্ড ক্লাসের দিকে উকি-ঝুকি মারতেই হবে। বেশ কিছু কাঁচা পয়সা হাতিয়ে নিতে পারি।

সারেঙ বাবাজা এতক্ষণ চুপচাপ কথাগুলি গিল্ছিল আর গুড়ুক গুড়ুক তামাক টানছিল, ভুরুটা কুঁচকে বল্লে, সবই ত বোঝলাম। কিন্তু আমার তাতে লাভ ?

গোবিন্দ মোদক উৎসাহে দাঁড়িয়ে উঠে বল্লে, লাভ ? তোমার বথ্রা থাক্বে সারেও সাহেব। শুভ কাজে আর আপত্তি কোরো না। এই মা গঙ্গার ওপর দাঁড়িয়ে বল্ছি, মোটা বথরা দেবে। তোমায়।

শীরেঙ তবু চোথ খোলে না।

গণি মিঞা, গোবিন্দ মোদক, নটবর ভাণ্ডারী, জমাদার আল্লাবক্স

সবাই লোলুপ দৃষ্টিতে তাকিয়ে আছে তার মুখের দিকে।

আরো খানিকটা ধোঁয়া মুখ থেকে বের করে দিয়ে সারেও কথা কইলে। বল্লে, আধাআধি ব খ রা আমার। রাজী থাকো ত' কথা কও গোবিন্দ্র বা বু—। এ ক টু



সাঁধার না হলে চরে ইষ্টিমার আটকানো যাবে না।

গণি মিঞা, নটবর, আল্লাবক্স স্বাই গোবিন্দ মোদককে শ্রী মুখের দিকে দৃষ্টিপাত করে।

অর্থাৎ রাজী হয়ে যাও দাদা,—আমরা ত' সব দিক দিয়ে পুষিয়েই দেবো—

খালাসীরাও ইতিমধ্যে কেউ কেউ ছু একবার উকি মেরে গেছে। ঘটনাটা কদ্মুর এগুলো তারাও জানতে চায়—

সারেঙ তাদের একজনকে ধমক দিয়ে বলে, এই, তুই এখানে কি শুনছিস? যা—ইষ্টিমারে চেরাগ জ্বালিয়ে দি গে যা—

খালাদীটা থতমত খেয়ে চলে গেল।

গোবিন্দ মোদক তখনো ইতস্তত করছিল। অনেকগুলি চিড়ে আর গুড় কেনা আছে। মনে মনে হিসেব করে দেখল, ষ্টিমার আটকালে প্যাসেঞ্জাররা সঙ্গে সঙ্গে ছনো কিম্বা চারগুণ দরে মাল কিনে নেবে। পেটের খিদে বড় সোজা কথা নয়। সঙ্গে কাচ্চা বাচ্ছাও ত আছে।

হঠাৎ সে বলে বস্ল, রাজী—

বৈঠকের লোকেরা সবাই এক সঙ্গে হল্লা করে উঠল।

সারেও অভিজ্ঞ ব।ক্তি। জলের ওপর কাজ করে করে তার চুল আর দাড়ি তুইই পেকে গেছে। নিজের মনের আনন্দ গোপন করে সবাইকে ধমক দিয়ে বল্লে, না—না এখানে আর হল্লা নয়—যে যার ডিউটিতে যাও। সাম্নে চরের ইষ্টিশান যার যা কেনা কাটা চটু পট্ সেরে নাও।

হাসি মুখে সবাই উভোগ পর্বের জন্ম চলে গেল। ইষ্টিমারের

'চেরাগকে' সাক্ষী রেথে হিন্দু-মুসলমানের অলিখিত প্যাক্ট বিনা রক্তপাতে সমাধা হয়ে গেল।

এইবার যাত্রী দলে ফিরে আসা যাক্।
চরের স্টেশন ছেড়ে গেছে।
সঙ্গ্রে আরো খানিকটা ঘনিয়ে এসেছে।

হিন্দু যাত্রীদের মধ্যে যারা তীর্থ-যাত্রী তারা এক যায়গায় জটলা করে এক বুড়ো বামুনের কাছে রামায়ণ শুনছে।

মুদলমান যাত্রীদের মধ্যে বয়স্ক কেউ কেউ সামনে ভেকের ওপর গিয়ে চাদর বিছিয়ে নামাজ পড়ছে। শিক্ষিত একজন মুদলমান কোরাণ পাঠ করছে আর একদল লোক তাই শুন্ছে। স্কুল-কলেজের ছেলেরা স্থানে স্থানে পৃথক আসর খুলে তাস খেলা স্কুক করে দিয়েছে!

মেয়ে মহলে কোলের ছেলে মেয়েরা কান্নাকাটিতে কেবি**নগুলি** সরগরম করে তুলেছে।

মেয়েরা তাদের বোঝাচ্ছে যে, সাম্নে ইষ্টিশানে ভালো তুধ, মিষ্টি ফল পাওয়া যাবে—তাই কিনে রাত্রিরের খাবারের ব্যবস্থা করা হবে। চায়ের দোকানে ভীড লেগেই আছে।

যুবক সন্প্রদায় সেথানে চায়ের পেয়ালায় রাজনৈতিক তুফান তুল্ছে আর সিগারেট ফুঁক্ছে।

ষ্টিমারে তিল ধারণের ঠাঁই নেই।

যাত্রীদল, ইস্কুল কলেজের ছাত্ররা, বাস্তত্যাগীরা, ব্যবসায়ী মহল আর কৃষক সম্প্রদায় সকলকে নিয়ে একটি সন্ধ্যায় এক বৃহৎ পরিবার গড়ে উঠেছে। পাটের আবাদ, ধানের মলন, ছেলের বিয়ে, মেয়ের নিকে, চূটবল খেলা, গুড়ের মণ, মাছের অভাব, অকারণ কোন্দল, র্মেতত্ত্ব এবং সর্বোপরি সম্ভা রাজনীতি জায়গাটাকে শব্দ-ব্রন্মের গীর্থস্থানে রূপাস্তরিত করেছে। সেই সঙ্গে হুঁকো আর সিগারেট লাকের মুখে মুখে ফিরছে।

খালাদীদের মুখে নীচ থেকে শব্দ ভেসে আস্ছে— \*এখানে তাল মে—লে—না !"

হঠাৎ থচাৎ করে সমস্ত ষ্টিমারটা ভূমিকম্প হওয়ার মতো যাত্রীদের কাঁপিয়ে ছলে উঠল। যারা দাঁড়িয়েছিল—তাল সাম্লাতে মা পেরে এ-ওর ঘাড়ের ওপর পড়ে গেল।

তারপর চারিদিকে একটা জল আলোড়নের শব্দ, তারপরই স্থির! বিত্যুৎ প্রবাহের মতো ষ্টীমারের এ মাথা থেকে ও মাথা অবধি বার্তা রেট গেল যে —জাহাজ চরে আটকেছে!

তারপর ইঞ্জিনের ফোঁসফোঁসানি— বাঁশীর ঘন-ঘন দীর্ঘখাস— খালাসীদের চ্যাঁচামেচি— কয়লার ক্রমাগত আত্মাহুতি—

কিছুতেই কিছু নয়—!

ওদিকে যাত্রীদের মধ্যে—
সমবেত—থেদ—হায় আল্লা—!
তীর্থ-যাত্রীদের করুণ কাকৃতি—

একি করলে জগন্নাথ—!

মেয়েদের মর্মন্তদ আর্তনাদ—

গুষ্টির মুখে কি এখন ছাই দেবো— ?

তথুনি মিন্সেকে বল্লাম কিছু চিড়ে গুড় বেঁধে নাও—

সঙ্গে সঙ্গে মিন্সেদের ত্রুত পদ-ক্ষেপের শব্দ শোনা গেল— খাবার ও চায়ের দোকানে সব ভেঙ্গে পড়ল—

খালাসীরা চীৎকার করে উঠল—

সব একদিকে জমায়েৎ হলে জাহাজ উপ্টে যাবে।

কিছুক্ষণ বাদেই ভগ্নদৃতের দল জানিয়ে দিল যে,—চিড়ের দাম সাড়ে তিন টাকায় উঠেছে। গুড় যা ছিল খরচ হয়ে গেছে। আর মিষ্টি-খাবার সব ইস্কুলের ছেলেরা কিনে উদরের অগ্নিদেবতাকে অর্ধ্য প্রদান করেছে।

তখন বয়স্ক কয়েকজন ব্যক্তিকে পৈতে লুকিয়ে আর টিকি আড়াল দিয়ে বাট্লারের আশে পাশে উকি-ঝুঁকি মারতে দেখা গেল।

বাট্লাবের মুখে আর হাসি ধরে না।

সে ঘন ঘন মাথা নাড়ে আর নীচে গিয়ে মুর্গি জবাই করে।

সন্তানবতী মেয়েদের কল্যাণকামী রূপে জমাদার আল্লাবক্সের শুভ আবির্ভাব হয়।

হাতে তার হু বালতি হুধ।

ত।' দাম একটু বেশী হোক।

বাচ্চাদের ত' গলা ভিজবে।

ত্থ বাল্তি তুধের এক ফোঁটাও পড়ে রইল না। দাম যা উঠল সেটা হিসেব করতে জমাদার একেবারে হিম-সিম!

টিকিট ক্লার্কের কাছেও আবেদন-নিবেদনের বিরাম নেই।

যাঁদের ট্টাকে কিছু আছে তারা গোপনে ভালো রকম দক্ষিণা দিয়ে কেবিনগুলি দুখল করে ফেল্ল।

বাদ বাকি যাত্রী একেবাবে মাছ-পাতুরী!

অধিকাংশ যাত্রীরই নিশিপালন করতে হল। কচি ছেলের কারা, মহিলাদের পূজো মানসিক, বুড়োদের বিনিজ্র রজনী যাপন, ছাত্রদের আন্দোলন, কিছুই—হিন্দু-মুস্লীম প্যাক্টকে এতটুকু শিথিল করতে পারল না।

হায় মহাত্মা গান্ধী !

এই অভিনব প্যাক্টের অন্ধি-সন্ধি তিনি আজীবন তপস্থায় আয়ত্তে আনতে পারেন নি !



তাকিয়া ঠেস্ দিয়ে, আল্বোলা টান্তে টান্তে, নেত্রদয় অর্ধ-মুদ্রিত করে, নিশ্চিন্ত আরামে আমেজ করা চলে, বাঙলা দেশের সেই সময়কার এক গণ্ড প্রামের কাহিনী।

তথন রেশনের প্রবর্তন ও বদনের অভাব ছিলনা বলে মামুষ আন্ধকের দিনের মতো তড়িৎ-গতি হয়ে ওঠেনি; ফলে ফরাদের ওপর মন্ধলিদী গল্প জমতো ভালো। জনার্দন ভট্চাজ ভাদ্রের শেষাশেষি এক সন্ধ্যায় অহিফেনে মজলিসী মনকে মাধুর্য্যময় করে দীপালোকে সন্থ আগত 'সঞ্জীবনী' পাঠ করছিলেন—এমন সময় হস্ত-দন্ত হয়ে গজানন গলুই একটা ভাঙা ছাতা হাতে নিয়ে ঘরে ঢুকেই ডান হাতে ভট্চাজের পদ স্পর্শ করে জিবে ঠেকিয়ে নাটকীয় ভঙ্গীতে বল্লে, কর্তা শুনেছেন ?

'সঞ্চীবনী' থেকে মুখ না তুলেই জমিদার জনার্দন বল্লেন, ই্যা, কল্কাতায় কথা-কওয়া ছবি এসেছে—এই ত' ছাপার হরফে বড় বড় করে লিখছে—

যথাসম্ভব চোথ ছটিকে বড় করে গজানন গলুই জবাব দিলে, আজে, ছবির কথাই নয়—। চক্রবর্তীরা এবার প্রতিমা হুজুরের চাইতে আধ-হাত উচু করেছে।

এইবার ভট্চাজ চোথের চশমাটি খুলে রাখলেন, তারপর খবরের কাগজ থেকে মুখ তুলে বল্লেন, জ্যা ! তুমি বল্ছ কি গজানন ? আমার প্রতিমা থেকে চকোতিদের প্রতিমা আধ-হাত উচু ? উহু ! কথাটা আমার বিশ্বাস হচ্ছে না।

এই ব্যাপারে তারও যে বিশ্বয়ের পরিসীমা নেই এই রকম একটা মুখের ভাব করবার চেষ্টা করে গজানন গলুই বল্লে, আজ্ঞে, আমি নিজ কানে শুনে এলাম যে! সবাই বলাবলি করছিল যে, এবার হুর্গো পূজোয় চকোত্তিরা হুজুরকে হারিয়ে দিয়েছে!

— হুঁ! হারিয়ে দিয়েছে! ভট্চাজ গর্জে উঠলেন। বাইরে কুমোর প্রতিমায় রঙ লাগাচ্ছিল। পূজোর আর বিলম্ব নেই। আখিনের প্রথমেই দশভূজার শুভাগমন। কিন্তু জনার্দন ভট্চাজের মনে হল—দশভূজা যেন তাঁর দশ হাতের দশটি চড় তার তুইগালে কসিয়ে দিলেন।

এ পরাজয় মেনে নেয়া ত' মৃত্যুর সামিল। ভট্চাজদের প্রতিমা গাঁয়ের সকল মূর্তির ওপরে মাথা উচু করে দাঁড়িয়ে থাকে এই ত' চিরকাল সবাই জেনে আস্ছে। ভাসানের মিছিলে ওঁদের মূর্তি সকলের শিরোভাগে।

তিনি বেঁচে থাকতেই সে নিয়মের ব্যতিক্রম হবে ? জনার্দন ভট্চাজের অহিফেনের নেশা ছুটে গেল। তিনি কর্মনিরত কুমোরকে আহ্বান করলেন।

কিন্তু এখন আর প্রতিমার উচ্চতা বৃদ্ধি অসম্ভব। তা' ছাড়া তৈরী প্রতিমা ভাঙা চলে না, তাতে পরিবারের অকল্যাণ হতে পারে।

নিফল আক্রোশে ভট্চাজ গুড়ুক-গুড়ুক তামাক টান্তে লাগলেন।

গজানন গলুই মাথা চুল্কে বল্লে, আছ্জে, এক কাজ করলে হয় না ? মিছিল বের করবার সময় একটা উচু মাচা তৈরী করে দিলেই হবে।

জনার্দন এইবার মুখ খুল্লেন। বল্লেন, মাচা বেঁধে আমি টেকা মারবো ভেবেছ? মোটেই নয়। তুমি কাল সকালেই বেরিয়ে পড়ো গজানন, একদল ভালো যাত্রা বায়না করে আসবে। চক্কোত্তিরা হারাবে ভট্চাজদের? যা কোনো কালে হয়নি—সে ব্যাপার আমিও ঘটতে দেবো না। এই জাতীয় উত্তেজনামূলক এবং মুখরোচক কাজ পেলে গজানন গলুই আর কিছুই চায় না। যাত্রা বায়না করবার অজুহাতে ছু'পক্ষ থেকেই যে বেশ উপরি লাভ হবে সেই কথা অন্ধাবন করে গজানন বিশেষ পুলকিত হয়ে উঠল।

গজাননের এক ভাগনে চকোত্তিদের ওথানে চাকরী করে। রাত্তিরে তার বাড়ী গিয়ে উস্কে দিলে, যদি সে-ও জনার্দনের এই যাত্রা-পর্বের উল্লেখ করে অপর একটি যাত্রার দল বায়না করবার স্মযোগ পায়।

মামা-ভাগ্নেতে বহুক্ষণ কি দলাপরামর্শ হল দে কথা তারাই ভালো বল্তে পারে। তবে আশু-প্রাপ্তি যোগের সম্ভাবনায় উভয়েই পুলকিত হয়ে উঠল।

জনার্দনের মন্দির প্রাঙ্গণে বিরাট সামিয়ানা খাটানো হচ্ছে।
স্বয়ং জনার্দন বারান্দায় একটি জলটোকির ওপর বসে লোক জনের
কাজকর্ম দেখছেন আর গুড়ুক-গুড়ুক তামাক টান্ছেন। যুক্তজয়ের একটা গরিমা তাঁর চোখে-মুখে ফুটে বেকচেছ। এমন সময়
ভগ্নদুতের মতো গজানন গলুই এসে উপস্থিত হল।

চোখ ছুটো একবার নাচিয়ে নিয়ে জনার্দন জিজ্ঞেদ কর্লেন, কি হে গজানন, তোমার যাত্রার আদর কেমন হচ্ছে ? অধিকারীর পছন্দ হবে ত'? আর দেখ, ঐ দিকে চিকের ব্যবস্থা থাকবে। দারা গাঁয়ের মেয়েরা বদে যাত্রা শুনতে পারবে, দে আয়োজন আমি করে রাখবো। ওদিকে কাক-পক্ষীও উকি দিতে যাবে না। আমার নেমস্তর হবে নারদের নেমস্তর। জনার্দন একটা অর্থপূর্ণ ইঙ্গিত করলেন।

গজানন গলুই এতক্ষণ ধরে হুজুরের কথাগুলি গিল্ছিল আর একটা সুযোগ খুঁজছিল কখন তার বক্তব্য সে সুরু করতে পারে:

হুজুরের হাসিব ফাকে সে শুধু জোড় হস্তে নিবেদন করল,— আজ্ঞে সর্বনাশ!

জনার্দন আর একটি সুখটান দিয়ে বল্লেন, সর্বনাশ কি হে ? বরং বলো বাজীমাৎ। গজানন বল্লে, আজ্ঞে না হুজুর ! চকোত্তিরা কল্কাতা থেকে থিয়েট্রিক্যাল যাত্রা এনেছে। এই মাত্তর গরুর গাড়ী থেকে সব নাবল কিনা। কি তাদের জাক-জন্মক, সাতটা কাঠের বাক্স ভর্তি শুধু রঙ-বেরঙের পোষাক। লোকজন সব ধরাধরি করে নামাচ্ছে। অধিকারীর বিরাট চেহারা।

জনার্দনের মুখটি হঠাৎ আম্সির মতো শুকিয়ে গেল। কিছুক্ষণ তার মুখে যেন কে বোবা কাঠি ছুইয়ে দিলে।

আঁয়! থিয়েট্রিক্যাল যাত্রা পার্টি! কলকাতা! এই কথাটি অসংলগ্ন ভাবে তার মুখ থেকে খানিক বাদে বেরুল!

হুজুরকে এতথানি মুষড়ে পড়তে দেখে বোধ হয় গজানন গলুইয়েরও দয়! হল।

একটুখানি মাথা চুল্কে নিয়ে বল্লে, আজে, ওদের যাত্রা দলের ছোক্রা অনেক বেশী হবে বটে তবে আমাদের হবে রাম-রাবণের যুদ্ধ। আপনার ভিটে বাড়ীর যত প্রজা আছে সবাইকে ল্যান্ধ লাগিয়ে বানর সাজিয়ে দেবো তারাই আসর মাৎ করে দিতে পারবে।

জনার্দন চোথ বন্ধ করে বল্লেন, যা হয় করো গজানন, আমি আর কিছু ভাবতে পাচ্ছিনে।

গলুই মশাই তাঁকে আশ্বাস দিয়ে বল্লে, আপনি কিছুমাত্র চিন্তা করবেন না হুজর, আসর মাৎ আমরা করবই !

সেদিন রাত্তিরে মামা-ভাগ্নের কথা হচ্ছিল।

ভাগনে বল্লে, ভাগ্যিস তুমি বুদ্ধি দিয়েছিলে মামা, তাইত' ছ্'-ছুটো যাত্রার দল গাঁয়ে এলো। খুব মজা করে যাত্রা দেখে নেয়া যাবে।

মামা ফোঁড়ন দিয়ে জবাব দিলে, আরে রেখে দে তোর যাত্রা! মিছি মিছি রাত জেগে শরীর নষ্ট করবার কোন মানে হয় ? ' ঢঁ ্যাক ভারী হ'ল কিনা সেই হিসেব আগে গিয়ে কর।

গাঁয়ের লোক কিন্তু থিবুয়ট্রিক্যাল যাত্রা পার্টির চাইতে ভট্চাজ বাড়ীর রাম-রাবণের যুদ্ধই পছন্দ করল বেশী। একে মুখপোড়া হন্তুমানের লম্বা লাফ, তার ওপর গাঁয়ের যত চেনা লোক বানর সৈশ্য সেজে হুপ-হুপ শব্দে আসর গরম করে তুলেছিল! তার কাছে চকোত্তি বাড়ীর "নহুষ-উদ্ধার" পালা একেবারে যেন ঠাণ্ডা মিয়োনো মুড়ির মতো নেতিয়ে পড়ল!

যাত্রা আনার ব্যাপারে চকোত্তিদের খরচ হয়েছিল বেশী। কেননা খাস কল্কাতার দল—তাদের খাঁই বেশী। তাই জলের মতো টাকা খরচ করেও স্থনাম হল না দেখে তাঁরা তেলে-বেগুনে জ্বলে উঠলেন।

গোপনে-গোপনে ঠিক করলেন—দরিজ্র-নারায়ণের সেবার ব্যবস্থা করে ভট্চান্স বাড়ীর খ্যাতির ব্যারোমিটার কয়েক ডিগ্রী নামিয়ে দেবেন। 'ছোটলোক'দের চূড়াস্ত খাওয়া খাওয়াতে হবে। যাকে বলে একেবারে ফাঁসির খাওয়া। তাতে যদি গোটা কয়ের লোক মরে ত' মরুক, কিন্তু চকোত্তি বাড়ীর দয়া-দাক্ষিণ্যের কথা লোকমুখে ছড়িয়ে পড়বে।

কথাটা যথাসময়ে ভট্চাজ বাড়ী পৌছতেও বিলম্ব কর্ল না। ছই পক্ষই গোপনে চিঁড়ে-দৈ থেকে স্কুক্ত করে সব রকম খাবারের আয়োজন করতে লাগল। ভট্চাজ বাড়ী যদি কাক-পক্ষীর মুখে শুনতে পেলেন, যে চকোত্তি বাড়ী বর্ধমানের সীতা ভোগ আনাচ্ছেন; শুমনি জনার্দনের গোমস্তা ছুটল কৃষ্ণনগরের সরপুরিয়া সংগ্রহ করতে।

উল্যোগ-পর্ব দেখে মনে হল কুরুক্ষেত্র যুদ্ধের পূর্বক্ষণে কৌরব-পাণ্ডবও নিজেদের জয় সম্পর্কে এতথানি নিশ্চিন্ত ছিলেন না।

তারপর এলো সেই স্মরণীয় দিন। গ্রামবাসিগণ বিস্ময়ে তাকিয়ে রইলো—

কাতারে কাতারে লোক! কেউ খেলো, কেউ ছাঁদা বাঁধল, আবার অনেককে চ্যাংদোলা করে ঘরে পেঁছে দিয়ে আস্তে হল। এবার কিন্তু চকোত্তি বাড়ীর জয়-জয়কার পড়ে গেল। কারণ অমুসদ্ধান করতে গেলে কিন্তু হক্চকিয়ে যেতে হবে। গাঁয়ের লোক সমস্বরে বলে, ভট্চাজ বাড়ী আর এমন কি খাইয়েছিল? হ্যা খাওয়ালে বটে চকোত্তিরা। সেই খাওয়া খেয়ে বাইশ জন লোক ওলা বিবির দয়ায় মারা গেল! আর ভট্চাজ বাড়ী পাত পেতে কারো পেটের ব্যথা পর্য্যন্ত হল না। ওটা আবার খাওয়া নাকি?

জনার্দন ভট্চাজ কিন্তু অত সহজে হাল ছাড়বার পাত্র নন।

গজানন গলুইকে ডেকে বল্লেন, এবার নতুন পাঁচি কসতে হবে।
তুমি পাঁচশ' ঢাকী বায়না কর। প্রতিমা বিসর্জ্জনের সময় এই
পাঁচশ' ঢাক এক সঙ্গে বাজবে। গোটা গাঁয়ের লোকের
কানে তালা লাগিয়ে দেয়া চাই। দেখি কেমন আমার জিত না
হয়।

গজানন হাত জোড় করে বল্লে, হুজুর, এইবার উপযুক্ত ব্যবস্থা হবে। আপনি এমন খাওয়াটা খাওয়ালেন, আর গাঁয়ের লোকে বল্লে কিনা, কেউ কলেরা হয়ে মারা যায়নি বলে আপনার দেয়া 'ফলার' ফলারই নয়। —মজাটা এবার টের পাবে সবাই।

ওদিকে গজাননের ভাগ্নের কাছ থেকে খবর পেয়ে চকোত্তি চুপ করে বদে রইলেন না।

দরিদ্র-নারায়ণ ভোজনে জয়লাভ করে তাঁদের বুকের ছাতি দশ হাত ফুলে উঠেছে। তলে তলে তাঁরাও হাজার ঢাকির বায়না করে বসে রইলেন।

প্রতিমা বিসর্জ্জনের দিন সকাল থেকে গাঁয়ে কান পাতে কার সাধ্যি!

দেড় হাজার ঢাকি প্রাণপণে ঢাক পিটছে। ফলে হাতের কাছের মানুষ্টিকে পর্য্যন্ত একটা কথা বলতে হলে ব্কফাটা চীৎকার করতে হচ্ছে!

এই বাজনা চল্ল তিন রাত্তির তিন দিন।

নব বিবাহিত দম্পতিদের কান-কথা বন্ধ হয়ে গেল! বাসর ঘরে কেউ আড়ি পাতে না—গোটা গাঁয়ের কাক-চিল পালিয়ে ভিন্ গাঁয়ে আশ্রয় নিলে। গরুর বাঁটে তুধ গেল শুকিয়ে—

চতুর্থ দিন সকাল বেলা ভট্চাজদের পাঁচশ ঢাকির ঢাক গেল ফেঁসে—!

জনাৰ্দন মাথায় হাত দিয়ে বদে পড়লেন।

সেই দিন সন্ধ্যেবেলা গাঁয়ের মাতববরেরা ভট্চাজ বাড়ী
সমবেত হয়ে মত
প্রকাশ করলেন.



এইবার তোমারই জিত হয়েছে জনার্দন ভায়া। ঢাকের বাল্তি থামলেই মিষ্টি!



অনেক সমুশীলনের অন্তে অসাধ্য-সাধন করা গেল। অসাধ্য সাধনের কথা শুনে পাঠক-পাঠিকারা হয়ত আন্দাজ করে নেবেন যে, আমি চন্দ্রগ্রহে যাবার একটি পাশপোর্ট সংগ্রহ করেছি। কিন্তু বিষয়টি মোটেই জগৎ-বহিন্ত্ ত নয়, গৃলি-মলিন এই মাটির পৃথিবীরই কথা।

ব্যাপারটা আরও ঘরোয়া করে বল্লে, এই দাঁড়ায় যে, বহু

হাটাহাটি করে, জুতোর স্বকতলা খুইয়ে, বাড়ীওয়ালাকে বত্রিশপাটি দাত বিকশিত করে, বহুবিধ সাধ্য-সাধনা অস্তে একটি ফ্ল্যাট সংগ্রহ করেছি।

আপনারা একবারও মনে করবেন না যে, শুধু মুখের কথায় চিডে ভিজেছে।

বেশ কিছু কাঠ-খড পোডাতে হয়েছে এর পেছনে। আপনাদের কাছে গোপন করে লাভ নেই, পাকিস্তানে ঘর-বাড়ী বিক্রি করে যে হাজার টাকা টা্যাকে নিয়ে কলকাতা সহরে এসেছিলাম তার প্রায় সবই বাডীওয়ালার গহরের গেছে, সেলামী ও আগাম বাডী-ভাজা বাবদ।

তা ধাক।

তবু এখন ফ্ল্যাটের বারান্দায় ছোট্ট একটি মাতুর বিছিয়ে ভাবতে পারবো, ভিটেমাট গেছে যাক, নিরিবিলি ঘুমোবার ত ছোটোখাটো ঠাই মিলেছে।

পণ্ডিতেরা বলে থাকেন যে, সর্বনাশ উপস্থিত হলে অর্ধেক ত্যাগ করতে হয়। আমি না হয় তাঁদের কথা আরো একট বেশী মেনে নিয়ে গোটাগুটিই "বয়া হৃষিকেশ" করে বসে আছি। এতে অক্সায়টা কি করেছি বলুন ?

যা ডামাডোলের বাজার পডেছে, নেংটের নেই বাট্পাডের ভয় ৷

আমার সংসারে ঝামেলা কম।

স্বামী-স্ত্রী আর একটি ছেলে। কাজেই বরণন কার্ডের বাইরে কালো ৰাজার থেকে চাল কিনতে হয় না। দশটা-পাঁচটা অফিস ক'রে মনে করি আমিই বা কে আর রাণী এলিজাবেথের কুমারই বা কে।

গৃহিণীর মুখে হাসি-খুসি যেন উপচে পড়েছে। বললেন, ছটি ঘর বটে কিন্তু ভারী স্থলর। ভেতরের ঘর হবে শোবার আর বাইরের ঘরে তোমার ছত্রিশ-জাতের বন্ধু আস্কুক, আমার বিন্দুমাত্র আপত্তি নেই। কিন্তু একটি নোটিশ আগে থাক্তেই দিয়ে রাথছি, চা চাইলে সঙ্গে না-মঞ্জুর হবে। তবে যদি ঝোলা-গুড়ে আপত্তি না থাকে, নেহাৎ ঝোলারুলি করলে সকাল-সন্ধ্যে কয়েক কাপ পেলেও পেতে পারে।

করজোড়ে বললাম, তথাস্ত দেবি!

তারপর, মুদ্রিত নেত্রে জীবন-দেবতাকে উদ্দেশ করে নিবেদন করলাম, এখন আর কোন কিছুতেই আপত্তি নেই, রাত্তিরে একটু ঘুমিয়ে বাঁচবো।

গৃহিণী কথাটায় সায় দিলেন এবং ঘুমটাকে আরামদায়ক ও মধুরতর করবার জভে বালিশের ওপর সভ রজক-গৃহ-প্রত্যাগত শ্বেতবকপাথা-সদৃশ তোয়ালে পেতে—দিশি মতে ( থুড়ি মোগলাই মতে ) একটু আতর ছিটিয়ে দিলেন।

এর পরেও যদি স্থানিজা না হয় তবে যেন অনিজার 'ইনজেক্শন' নি—তাতে বিষে বিষক্ষয় হবে।

না, ঘুমের দোষ দিতে পারিনে।

ঘুম এসেছিল এবং মায়ের কোলের মধুর দোলানির মতো সেই আবেশ আমায় বিশ্বতির অতল গহবরে টেনে নিয়ে গিয়েছিল। কিন্তু গভীর রাত্রে হঠাৎ ঘুমটা ভেঙে গেল কেন! বালিশে ছারপোকা নেই, মনে নেই ময়লা। পাশে প্রেয়সী, আতরের গন্ধে গোটা ঘর ভুর ভুর করছে, তবু ঘুম ভাঙে কেন?

ঘুমটা ভাঙ্বার পরও কেমন একটা আচ্ছন্ন ভাব। চুপ্চাপ ভাবতে লাগ্লাম, তাল কাট্লো কোথায় ?

শুন্তে পাই অতি আনন্দেও লোকে কাঁদে! আমারও কি সেই দশা হল নাকি ?

আর না-ই বা হবে কেন? কথায় বলে, কুকুরের পেটে ঘী সয়না।

অনেক দিন পরে আরামের বিছানা পেয়ে অস্ত্রবিধায় অভ্যস্ত দেহ বোধ করি ধর্মঘট করবার মতলব আঁট্ছে!—না-না, তা ত'নয়!

সেলাণী আর ছ'মাসের ভাড়ার টাকা, সবটাই জলে গেল না ত ?
ওই ত আবার কে যেন নাকি-কানা সুরু করে দিলে! গিন্নীকৈ
ঠেলে জাগিয়ে দেবো কিনা ভাবছি এমন সময় নাকি কানার সঙ্গে সমতা রক্ষা করে গুরু গন্তীর গলায় ধমকানি শোনা গেল!

রাম বলো !

ঘাম দিয়ে সত্যি জ্বর ছাডলো !

তা হলে আসল ভুত নয়—, মারুষ ভুত !

পাশের ফ্রাটে যেন অহি-নকুলের যুদ্ধ চলছে!

আর কিছু ঘোষণা করবার পূর্বেই গৃহিণী জেগে উঠ্লেন, তার পর সভয়ে বললেন, শুন্ছ, একটা মাতাল বোধ করি তার বৌকে ধরে ঠ্যাঙ্গাচ্ছে।

দেখলাম, আমার চাইতে আমার গৃহিণী রোগানর্ণয়ে অধিকতর পটু। ডাক্তারী বিছে জানা থাক্লে বেশ ভালো রকম পশার জম্ত!

স্ত্রী-ভাগ্য সম্পর্কে বিশেষ গর্বিত হয়ে উঠ্লাম এবং পাশের ফ্র্যাটের মাতাল স্বামীরত্নটিকে যে বেশ শিক্ষা দেয়া প্রয়োজন, দৃঢ় কপ্তে সেই অভিমত ব্যক্ত কর্লাম।

কিন্তু গৃহিণী সাবধান করে দিলেন যে, মাতালদের কোনো কাণ্ড-জ্ঞান নেই···ঝোঁকের মাথায় তারা নাকি যে কোনো লোকের গায়ে বমি করে দিতে পারে!

শুনে—মনে এমন ভাব জাগ্লো না যাতে দরজা খুলে পাশের ফ্লাটের স্বামীরত্নটিকে শিক্ষা দেবার সদিচ্ছা বলবং থাকে!

আরো কিছুক্ষণ চুপ চাপ থম্ থমে আবহাওয়ায় কাটলো;
তার পর নিজ্ঞিয়তার উল্টো হাওয়ায় কখন যে ঘুমিয়ে পড়েছি আর
আদপেই খেয়াল নেই।

পর্দিন সকাল বেলায় মনে কোনো কৌত্হলই জেগে রইল না। কেননা কেরাণীদের সকাল বেলাটা রেসের ঘোড়ার মতোই তড়িং-গতিতে কাটে।

প্রাতঃকৃত্য সমাধা করে বাজার পর্ব শেষ করতে হবে। তার পর ওরই ফাকে রয়েছে সংবাদ-পত্র পাঠের সঙ্গে ঈষতৃষ্ণ চা পান।

গৃহিণীর সঙ্গে গবেষণা করি সে অবসর কোথায় ? ৃিকোনো রকমে নাকে-মুথে গুঁজে—বাঁ হাতে পান নিয়ে, ভান হাতে বাসের হ্যাণ্ডেল ধরে সার্কাসের কসরৎ করতে করতে কেরাণীকুল ;যে ভাবে ডালহৌসি স্বোয়ারে অফিস করে, ভবিষ্যুৎ কালে তা প্রাত্নতত্বের গবেষণার বিষয় হয়ে রইল।

কিন্তু অফিস-অন্তে জীবনটা হয়ে আসে বেশ মন্থর। কালিদাসের কালের মতো আর কোন ত্বরা থাকে না। ট্রামে-বাসে যদি অত্যধিক ভীড় হয়…হাটি-হাঁটি-পা-পা করে না হয় চলেই এলাম। আমাদের সনাতন ফুটপাথ ত' আর কেউ কেড়ে নিতে পারবে না।

গৃহিণী যেন গৃহে একেবারে আমার জন্ম উন্মুখ হয়ে ছিলেন। বিয়ের অব্যবহিত পরেও আমার অপেক্ষায় এতটা ধৈর্ঘ নিয়ে অপেক্ষা করতে দেখিনি।

প্রীমতীর চোখে-মুখে আমেরিকা আবিষ্কারের উৎসাহ!
মুখ টিপে হেসে বল্লেন, তুপুর বেলা সব কিছু জানা গেল।

- —কা জানা গেল ? আমি বিশ্বিত হয়ে উঠি। আমার পুরাণো ধুতি খানকয়েক লুকিয়ে রেখেছিলাম। শ্রীমতী তাই আবিষ্কার করে বাসন-ওয়ালির কাছ থেকে আজে-বাজে বাসন কিনে বসেন নি ত ?
- কিন্তু না; গেরস্তালীর পথে এতথানি পুলক সঞ্চারের কথান্য।

অবাক্ হয়ে চির-পরিচিত গৃহিণীর মুখের দিকে বিক্ষারিত নেত্রে তাকিয়ে বইলাম।

শ্রীনতী তথন আরো ঘনিষ্ঠ হয়ে বসে তাঁর আবিন্ধারের কথা জানালেন—পাশের ফ্ল্যাটের বৌটি নাকি নিরিবিলি ত্বপুরে তার সঙ্গে ভাব করে গেছে। টাকা-পয়সার অভাব নেই ওদের। ব্যাঙ্কে মোটা টাকা সঞ্জিত আছে।

কিন্ত স্বামীর ঘোড়া-রোগ আর মদের নেশা। নইলে মামুষ নাকি তিনি মন্দ নন।

মনে মনে বললাম মান্ত্র্য তিনি ভালো হোন্, তাতে আপত্তি করবার কিছু নেই, কিন্তু ছপুর রাত্তিরে পাশের ফ্ল্যাটের লোকদের ঘুম ভাঙাবার রোগটি ত' ভালো নয়! বেশী বাড়াবাড়ি করলে পুলিশে খবর দিতে হবে।

আমার নিরুৎসাহ মুখখানি নিরীক্ষণ করে গৃহিণী বোধ করি হতাশ হয়ে গেলেন। কিন্তু একেবারে হাল ছেড়ে দেবার পাত্রী তিনি নন। তাই বললেন, বোটিও ভারী হাসিখুশী—মিশুকে।

এইবার আমি মুথ খুললাম।

—তবে তুপুব রাত্তিরে পেত্নীর মত নাকি-কান্না স্থরু করে মান্তবকে ভয় দেখিয়ে দিচ্ছিলেন কেন ?

শ্রীমতী হেদে গড়িয়ে পড়লেন। বললেন, তারও একটা কারণ আছে। ওর স্বামীটি মদ খেয়ে মাতাল হয়ে পড়লেই ক্রমাগত ওকেও মদ খেতে জিদ করতে থাকে! তাই নিয়ে কথা কাটাকাটি, ঝগড়া…শেষকালে ধরে একেবারে মার! বৌটি বললে, ওর স্বামী নাকি ওকে সভিত ভালোবাদে।

একটা সিগারেট ধরিয়ে বললাম, স্থা, ভালোবাসার নমূনা কাল রাত্রে যা দেখিয়েছেন···একেবারে পেটের পিলে চম্কে উঠেছিল।

এইবার গৃহিণী চটে উঠলেন বলে মনে হল।

বৃদ্ধিম জ্র-নির্দেশে বললেন, তোমরা সব জিনিস্টারই উল্টো মানে করে বসে থাকো। ওর বৌ বল্ছে খুব ভালোবাসে আর তোমার তাতে সবিশ্বাস। তুমি ত আর ভদ্রলোককে নিয়ে ঘর করো না।

অকাট্য যুক্তি!

এর ওপর আর কোনো প্রতিবাদ করা চলে না!

পরবর্তী ছটো রাত বিনা উপদ্রবে—একটানা ঘুমে বেশ কাটল। দেদিন অফিসে বড়বাবুর দাত-মুথ থি চুনি থেয়ে মন-মেজাজ ভারী বিগড়ে ছিল।

তাই তাড়াতাড়ি খাওয়া-দাওয়ার পাট চুকিয়ে শুয়ে পড়লাম। গভীর রাত্রে…আবার সেই বড়বাবুর গোঁফওয়ালা বদনে পান ভর্তী বিকৃত মুথ…আর তারই সঙ্গে দাঁতমুথ থি'চুনি…

চীৎকার ক্রমে বেড়ে উঠল।

কিন্তু না, এ ত বড়বাবুর আকালন নয়···পাশের ফ্লাট থেকেই হুমকিটা আসছে বলেই মনে হল !

বড়বাব্র ভ্মকিটা পাশের ফ্ল্যাটের মাতালের চীৎকারের সাথে দিব্যি মিশে গেল।

সিনেমার লোক হলে বলত, এরই নাম হচ্ছে আর্ট কাত-মুথ থিচুনি 'ডিজলভ্' হয়ে পাশের বাড়ীর চাৎকারে রূপান্তরিত হল।

হঠাৎ আবার বৌটির নাকি-কান্না স্থক হল। নাঃ ! এদের পতি-পত্নী প্রেমের ঠ্যালায় আমি গরীব কেরাণী প্রাণে মারা যাই।

গিন্নাকে ঠ্যালা দিয়ে জাগিয়ে বল্লাম, কি রকম ভালবাসার প্রতিযোগিতা চল্ছে শুন্তে পাচ্ছ ত ?

গিন্নী জেগে উঠেছেন ব্ঝতে পারলাম, কিন্তু কোনোরকম সাড়া দিলেন না।

যে জেগে ঘুমোয় তাকে জাগানো শক্ত। তাই সে চেষ্টা

না করে দাম্পত্য-প্রেমের গতি শুয়ে শুয়ে অমুধাবন করতে লাগলাম।

হঠাৎ বৌটি আচমকা এমন একটা চীৎকার করে উঠল যে মনে হল···তার মাথায় বুঝি ডাণ্ডা মারা হয়েছে।

এইবার আমার শ্রীমতী নীরবতা ভঙ্গ করলেন, বল্লেন, বলি চুপ করে শুয়েই থাকবে ? একটু ওঠে। না—বৌটাকে যে একেবারে মেরে ফেল্লে ?

অফিসে বড়বাব্, আর বাড়ীতে রয়েছে পাশের বাড়ীর ভদ্রলোক।
যদিও তারে চোথে দেখিনি ••• শুধু বাঁশী শুনেছি!

গম্ভীরভাবে জবাব দিলাম, প্রয়োজন থাকে পাশের বাড়ীর ভদ্রলোকের সঙ্গে তুমি গিয়ে মোলাকাৎ করতে পারো, আমার অতথানি উংসাহ নেই।

শ্রীমতী বল্লেন, আমি ? তোমার কি মাথা খারাপ হয়ে গেল নাকি ?

খনাদক্ত ভাবে উত্তর দিলাম, মাথা যার দত্যি খারাপ হয়েছে তার দক্ষে পরিচিত হতে আমার বিন্দুমাত্র আগ্রহ নেই—আর তা ছাড়া তুমিই ত বলেছ, মাতালরা যে কোনো মুহূর্তে গায়ে বমি করে দিতে পারে। দে বমি ত' শেষ পর্যন্ত তোমাকেই মুক্ত করতে হবে।

গ্রীমতীকে চুপ করে থাকতে দেখে ব্ঝলাম ওষ্ধ ঠিক ধরেছে।

নাঃ, আর ত' পারা যায় না। ভদ্রলোকের হুম্বার যেন ক্রমশঃ বাড়তে লাগলো। জীবনে এক- এক সময় এমন বিরক্তি আসে যথন অবলীলাক্রমে একটা মান্ত্রকে খুন করে ফেলা চলে।

কিন্তু আমরা বিংশ শতাকীর সভ্য মানুষ। মনে যথন ইচ্ছে জাগে বড়বাবুর গোঁফ ধরে এক টান মারি, তথন মাথা চুলকে বলতে হয়, আজে, এ রকমটি আর কথনো হবে না।

মাঝ রাত্তিরে ঘুম ভেঙ্গে গেলে মান্তুষের মনে খুন চেপে যাওয়া মোটেই অস্বাভাবিক নয়; মনস্তাত্তিকেরা হয় ত সেই কথাই বলবেন।

ক্রমাগত চীংকার শুনে শুনে আমিও ক্লেপে গেলাম। খ্রীমতীকে ডেকে বল্লাম, দেখ, ঘুমের দফা যখন গয়া, তখন ওদেরও শান্তিতে থাকতে দেওয়া হবে না! আমাদের সেই পুরোণো ঝরে-ঝরে চোঙ-ওয়ালা গ্রামোফোনট। আছে, সেইটেই চাবি লাগিয়ে একটারেকর্ড চাপিয়ে দাও ত দেখি, কপোত-কপোতী কেমন করে ঝগড়া করে!

গৃহিণী রেগে উঠে বল্লেন, তুপুর রাত্তিবে গ্রামোফোন ? তুমিও কি আজকাল মদ ধরেছে নাকি ?

আমি বল্লাম, ধরিনি, তবে ধরবো ব'লে স্থির করেছি। কেননা, মদই হচ্ছে ভালোবাসার ব্যারোমিটার!

মুখ ঝাম্টা দিয়ে গৃহিণী পাশ ফিরে শুয়ে পড়লেন। কিন্তু আমার চোখে ঘুম নেই।

যাহোক একটা কিছু কাণ্ড আমায় করতেই হবে। সত্যি বিছানা ছেডে উঠে দাঁডালাম।

পাকিস্তান থেকে চলে আসবার মুথে ঠাকুর্দার আমলের চোঙ

দেয়া এই 'কলের গান'টা নিয়ে এসেছিলাম। প্রতিহিংসা চরিতার্থ করতে তার যে এমন প্রয়োজন হবে সে কথা ইতিপূর্বে ভাবতে পারি নি।

পুরোণো জিনিষ-পত্র হাতড়ে সেটা বের করে নিয়ে এসে ক'ষে চাবি লাগিয়ে দিলাম।

ওদিকে চীৎকারের মাত্রা উদারা—মুদার। ছেড়ে একেবারে তারায়



রেকর্ড**ও কি ছাই** আছে!

সেই পুরে<sup>†</sup> ণো আমলের গোটা কয়েক বহু বাব হাত ভাঙ্গা রেকর্ড।

অবশেষে বেজে উঠল গ্রামোফোন রে ক র্ড তার বিকৃত স্বর নিয়ে—

"হামি তোমার জুলু কাঁদি—

তোমার প্রাণ কি কাঁদে নারে ?"

ভাবলাম—এইবার ঝগড়াটে সুখী-দম্পতি গলা আরো চড়াবে। ভদ্রলোকের কর্কশ কণ্ঠ ছাড়িয়ে যাবার দাবী রাথে এমন গানের নমুনা দেখাতে পেরে আমিও মনে মনে পুলকিত হয়ে উঠলাম।



সত্যি! কি অবাক্ কাণ্ড!
গান শুনে ভদ্রলোক একেবারে চুপ।
ব্যাপারটা কি, ঠিক বোঝা গেল না।
সঙ্গে সঙ্গে আমাদের বদ্ধ দরজায় করাঘাত শোনা গেল।
আমরা কর্তা-গিন্নী পরস্পরের মুখের দিকে তাকালাম।
ভদ্রলোক বাড়ী চড়াও করে মারামারি করতে এলো নাকি?
আবার শব্দ।

তাবই সাথে আবার চাপা মেয়েলী গলার আওয়াজ পাওয়া গেল—ও দিদি, শীগ গির দরজাটা একবার খোলো না।

শ্রীমতীর মুখের দিকে তাকালাম। গৃহিণী বল্লেন, নিশ্চয়ই সাংঘাতিক একটা কিছু ঘটেছে, নইলে এত রাত্তিবে এসে কেউ দরজা ধাকায় ?

নির্বিকার চিত্তে জবাব দিলাম, যাওনা, দরজা থুলে তোমার নতুন পাওয়া বাল্লবীর কথা শোনো—

গৃহিণী ছুই চোথে অগ্নি বর্ষণ করে বিছানা ছেড়ে উঠে গেলেন। অনেকক্ষণ ধরে ফিস্-ফিস্ আলোচনা চললো আমার বৈঠকখানা ঘরে।

আধহন্টা পরে শ্রীমতী ফিরে আসতে যে সন্দেশ পাওয়া গেল তা একেবারে অপ্রত্যাশিত ও অভ্তপূর্ব।

পাশের বাডীর কর্তা নাকি ওই রাসভনিন্দিত কলের গান শুনে চুপ মেরে গেছেন। বৌটির বিববণে প্রকাশ, সাপের মাথায় যেন ধ্লোপড়া দেয়া হয়েছে। এতদিনে ছ্রারোগ্য ব্যাধির টোট্কা মিলেছে! কাজেই ওই রেকর্ডটি তার চাই।

\* \*

রেকর্ডটিকে হাতছাড়া করতে হয়েছে। তবে আমরা তার বদলে রাত্তিরের নিরুপজ্রব-নিজা ফিরে পেয়েছি। মাঝে মাঝে যখন গভীর রাত্রে ভাঙ্গা কণ্ঠের গান শুনি—

> "আমি তোমার জ্বল্যে কাঁদি তোমার প্রাণ কি কাঁদে নারে—"

—তথুনি স্বামী-স্ত্রী বেশ হৃদয়ঙ্গম করতে পারি যে, সাপের মাথায় ধ্লোপড়া দেবার ব্যবস্থা করা হচ্ছে!



সকালে ঘুম ভাঙ্তেই রামগোবিন্দের মনে হল—আজ তার নবজীবন। সারা জাবন তপস্থার পব আজ সে সাফল্য লাভ করেছে। পাঠক-পাঠিকা হযত মনে করেছেন—শ্রীমান রামগোবিন্দ প্রবেশিকা পরীক্ষায় পাশ করেছে।

কিন্তু তা নয়। খবর আরও চমকপ্রদ ও রোমাঞ্চকর। সাত বছর ষ্টুডিও অঞ্চলে ঘোরাঘুরির পর আজ সেবাল্মাকি চিত্র প্রতিষ্ঠানের নিশ্মিয়মান চিত্র "আলুথালুকেশা" ছবিতে সর্ব্বপ্রথম একটা সুযোগ পেয়েছে। পরিচালকমশাই বহুক্ষণ ধরে তার চেহারা নিরীক্ষণ করে এই মত প্রকাশ করেছেন যে, তার চোথ ও নাক যেমন অভিনব—
তাতে গুণ্ডার পাট সে 'রিয়ালিষ্টিক্' ভাবে ফুটিয়ে তুল্তে পারবে।

যদিও এই বিশিষ্ট ভূমিকায় কোন 'বচন' বল্বার অধিকার দে পায় নি—কিন্তু পরিচালকমশাই তাকে গোপনে ডেকে বলে দিয়েছেন, ভাবের অভিব্যক্তি প্রকাশের বহু স্থযোগ আছে এই অংশে। রূপসজ্জাই নাকি উল্লেখযোগ্য হবে গুণ্ডাটির। এমন পার্ট করতে হবে যে, চিত্রটি যথন পর্দ্দায় প্রতিফলিত হবে, ছেলে মেয়েরা ভয়ে আংকে উঠবে, তরুণীরা শঙ্কিত হয়ে পার্শ্ববর্ত্তী দর্শককে জড়িয়ে ধরবে, স্বামী স্ত্রীর অঞ্চলে আশ্রয় গ্রহণ করবে, শিক্ষক ছাত্রকে পীড়ন করা ভূলে যাবে, ছাত্রের মনে নকল কার্য্যে বাধাদানকারী শিক্ষককে শিক্ষা-দান স্পৃহা জেগে উঠবে এবং বৃদ্ধের গঙ্গাযাত্রার বাসনা জাগরিত হবে।

গত রাত্রে ঘরের দরজা বন্ধ করে তাই রামগোবিন্দ বহুক্ষণ ধরে আয়নার সামনে ৰহুবিধ মুখ-বিকৃতি করে গুণ্ডার ভূমিকাটি আয়ত্ত্ব করে নিয়েছে।

আজ তুপুর বেলা সেই দৃশ্যেরই স্থাটিং হবে। ঝিকে বকে, চাকরকে ভুম্কি দিয়ে, ঠাকুরকে তাগিদ দিয়ে সে সকাল থেকেই 'নিন্-ক্রিয়েট্' করতে স্থরু করে দিলে। বন্ধু-বান্ধবদের বারে বারে শারণ করিয়ে দিলে—"আলুথালুকেশা" যখন পর্দায় প্রতিফলিত হবে—তখন সে তাদের "পাশ" দিয়ে আপ্যায়িত করবে, কিন্তু তারা 'মেক্-আপে'র আড়ালে রামগোবিন্দকে হয়ত চিন্তেই

পারবে না! পরিচালক মশাই বলে দিয়েছেন, তাকে সাজাবার জন্মে বিশেষ রূপসজ্জাকারী নিয়োগ করা হয়েছে।

পরীক্ষার্থীরা পরীক্ষা গৃহে রওনা হবার আগে যেমন তাড়াহুড়ো করে, রামগোবিন্দ তার চাইতেও তৎপর হয়ে তাড়াতাড়ি বাসা থেকে বেরিয়ে এলো। দবাই ডালহোসী স্বোয়ারের যাত্রী। কিন্তু কেউ জানে না—ভাবীকালের বিশিষ্ট চিত্রতারকা রামগোবিন্দ পতিতৃত্তী তাদের পাশাপাশি গা ঘেঁযাঘেষি করে বঙ্গেছে। কিন্তু পর পর হু'খানা ছবিতে সবাইকে তাক্ লাগিয়ে দে যখন নিজের গাড়ীতে চড়ে, ধূলো উড়িয়ে টালিগঞ্জের দিকে রওনা হবে—তখন তাকে দেখবার জন্তে, আর চকিতে তার ছবি তুলে নেবার বাসনায়, বাড়ীর সাম্নে ভীড় জমে থাক্বে; এই সব হতভাগ্য কেরাণীরা তখন রামগোবিন্দ পতিতৃত্তির মোটরের ধূলো খেয়ে ট্রামেবাসে ওঠবার জন্তে ছুটোছুটি করবে এবং গলদঘর্শ্ম হয়ে একটা দিট্ জোগাড় করে চল্তি সিনেমা পত্রিকায় "নবোদিত সিনেমা তাড়কার (!) একটি দিন" পাঠ করতে করতে অফিসে হাজির হয়ে দেরী হওয়ার জন্যে বড়বাবুর ভর্ণসনা গলাধঃকরণ করবে নীরবে।

সত্যি ওদের তুর্জিশার কথা ভেবে তুঃখ হতে লাগলো রামগোবিন্দের। হারুণ-অল-রিদি যেমন লুকিয়ে প্রজ্ঞাদের তুঃখ-তুর্জিশা দেখে বেড়াত — আজ রামগোবিন্দেরও ঠিক সেই রকম ছদ্মবেশ ধারণ। এ ত' তার আসল রূপ নয়! আসল রূপ ফুটে উঠবে—সেই আগামী দিনের "নবোদিত সিনেমা তাড়কার (!) একটি দিন" আলেখ্যে।

টালিগঞ্জেব পথে তাকে ত্বার বাস থেকে নামতে হল। একবার ঠন্ঠনে কালীবাড়ীতে আর একবার কালীঘাটের পীঠস্থানে। সেথানে সে তার গোপন কামনা শতবার নাক-কান মলা খেয়ে আর মাথা খুঁড়ে জানিয়ে এলো। মা পাষাণী বলে সেই গোপন-কথা আর দ্বিতীয় ব্যক্তির কর্ণ-কুহরে প্রবেশ করবে না। এই তার একমাত্র সাস্থনা।

ষ্টুডিওতে পৌছে দেখল, সেটিংস ডিপার্টমেন্ট দৃশ্য পরিকল্পনার কাজে বিশেষ তৎপর। তথনো আর কেউ এসে পৌছয় নি।

রামগোবিন্দ আপন মনে পা দোলাতে লাগলো আর দেশের লোকের সময়ামুবর্ত্তিতা নেই বলে ভারতবাসী জগৎ-সভায় ক্রমাগত পিছিয়ে যাচ্ছে এই দার্শনিক তত্ত্ব আলোচনা করে দীর্ঘ নিঃখাস ফেলতে লাগলো।

একে একে সবাই আসতে লাগলেন, এলেন প্রোডাকসন ম্যানেজার, সহকারী পরিচালক দল, খাবারের লোকেরা, মেকাপম্যান প্রভৃতি। রামগোবিন্দ মেকাপম্যানকে নিয়ে নিজের ভূমিকা ও বাসনা-কামনার কথা সালস্কারে জানালো। সে এমনি বেরসিক যে পরিচালকের অনুমতি না পেলে কিছু করতেই রাজি হল না। রামগোবিন্দ তাকে একথাও জানিয়ে দিতে ভূল্লো না যে, সেই হবে ভাবীকালের 'লনচ্যানী'।

মেকাপম্যান অবজ্ঞার হাসি হেদে জানতে চাইলে, লনচ্যানী দেব্যানীর কেউ হয় কিনা!

পর্বত-প্রমাণ মূর্থানার সম্মুখীন হয়ে রাগ ও ছঃখে রামগোবিনদ চুপ করে বদে রইল। ভাবলে, বেনা বনে মুক্ত ছড়িয়ে লাভ কি ?

অবশেষে এলেন পরিচালক ও ছবির নায়িকা।

আজ কয়েকটি ছোট ছোট দৃশ্য তোলা হবে—তার সবগুলিই

নায়িকাকে নিয়ে। শেষ দৃশ্যে গুণ্ডা নায়িকাকে ভাড়া করলে সে প্রাণের ভয়ে গিয়ে জলে ঝাঁপিয়ে পড়বে—এই হচ্ছে চিত্র-নাট্যের বিষয়-বস্তু।

পরিচালক বল্লেন, রামগোবিন্দ, তোমার সিনটি সকলের শেষে তোলা হবে।

মুচকি হেদে পরিচালক মেকাপ-ম্যানকে ডেকে সব কথা বুঝিয়ে বলে দিলেন।

নায়িকার জন্মে ত' আলাদা ঘর—আলাদা মেক্-আপ্! স্থুতরাং রামগোবিন্দ মনের আশ মিটিয়ে সাজতে বসল অন্ম ঘরে। মেকাপম্যানের হাতে কাজ চলে, আর রামগোবিন্দের নির্দেশ চলে মুখে।
জ্রাব শেষ অংশটা যেন কপালে গিয়ে ওঠে তিনি মেনি ঠিক্রে
বেরিয়ে আস্বে ত ? একটা নকল দাত এমনভাবে তৈরি করে দিতে
হবে যেটা দেখলেই দর্শকরা বুঝতে পার্রে—ভূমিকাটি কি!

একটি হুর্দান্ত গুণ্ডায় রূপান্তরিত হয়ে ওঠে রামগোবিন্দ। শেষ

তুলির টান দিয়ে মেকাপ-ম্যান বলে, দেখুন ত' নিজেকে চিন্তে পারেন কিনা ?



আয়নার দিকে
তাকিয়ে বিশ্মিত হয়ে
৩৫১ রামগোবিন্দ।
বলে, ই্যা, আপনার
হাতের মুন্দি য়া না
আছে। এমন টাইপের
স্থি করবো যে,
দিনেমা-জগৎ চিরকাল
মনে করে রাখবে।

সেদিন স্থটিংএর আগেই এই নবতম তাড়কা একটা খণ্ড-প্রলয়ের সৃষ্টি করে।

তার রূপসজ্জা দেখে নায়িকা তুম্ড়ি খেতে খেতে নিজেকে সামলে নেয়, দারোয়ান দাঁতমুখ খিঁচিয়ে ওঠে, খাবারওলা মনে মনে খাবি খেতে থাকে! এমন কি পরিচালক পর্যন্ত প্রথমটা অবাক হয়ে তাকিয়ে থাকেন! রামগোবিন্দ তাঁর পারের ধূলো নিয়ে বলে, আপনি আশীর্বাদ করুন—আমি যেন "লন্চ্যানি অফ্ বেঙ্গল" হ'তে পারি!

অক্সান্ত ফ্রোর থেকে খবর পেয়ে লোক ছুটে আসে। গুণ্ডাকে দেখতে ভীড় জনে যায়! নায়িকা বলে, এই গুণ্ডা যদি সত্যি আমায় তাড়া করে তবে আগে থেকেই আমি হার্টফেল করে বসে থাকবো।

সেদিন গোটা ষ্টুডিওর সবাইকার মতামত গ্রহণ করে রাম-গোবিন্দ। সেটিংস্ ডিপার্টমেন্টের মিস্ত্রি থেকে স্কুরু করে চা পরিবেশনের বেয়ারা পর্যান্ত তার প্রশ্নে হক্চকিয়ে ওঠে।

্এ ঘর থেকে ও ঘরে—এ ফ্লোর থেকে ও ফ্লোরে অবারিত অভিযান চলে তার।

চা দিতে এসে বলে, না—না—আজ আর চা নয়, মেকাপ উঠে যাবে! ছপুর বেলা যথন খাবার আদে—সে আঁতকে উঠে বলে, ওরে ধাবা! এখন খাবার খেতে গেলে আমার নকল দাঁত পড়ে যাবে! সব হবে স্থাটিং-এর পর।

অভিনয় করার আগেই বিখ্যাত হয়ে ওঠে রামগোবিন্দ। নকল দাতের গল্লে মুখরিত হয়ে ওঠে ষ্টুডিও অঞ্চল। **গু**ণ্ডা যে সত্যি একটা রেকর্ড করবে---সে বিষয়ে সন্দেহ থাকে না কারো।

হঠাৎ একসময় পরিচালক মশাই ওর দিকে ভাকিয়ে আঁৎকে ওঠেন। একি! ঘামে ভোমার সব মেকাপ যে উঠে যাচছে! এই দারুল রোদ্ধুবে সারা ষ্টুডিও বুঝি লোটিমের মতো ঘুরে বেড়াচ্ছ? এইবার গুণ্ডার সিন্ নেয়া হবে। যাও—যাও আবার নতুন করে মেকাপ নিয়ে এসো—

রামগোবিন্দের মাথায় যেন আচমকা আকাশ ভেঙে পড়ে! তাড়াতাড়ি ছুটে যায় রূপ-সজ্জাকরের ঘরে। সে বেচারী ফ্যান খুলে দিয়ে মহানন্দে নাক ডাকিয়ে ঘুমুচ্ছে! অকালে কুস্তকর্ণের নিদ্রা ভঙ্গ হলে যা হয়, তাই হল। প্রথমটা সে ভারী চটে গেল,—

তারপর মুখখানাকে গোম্রা করে আবার রামগোবিদের মুখ নিয়ে পড়ল ।

এদিকে ফ্লোরে আবার অঘটন ঘটল।

বিরাট গাড়ী করে প্রযোজকমশাই এসে হাজির।

কোথায় তিনি টি-পার্টির আয়োজন করেছেন—নায়িকাকে তাঁর সঙ্গে তক্ষনি থেতে হবে।

পরিচালক মাথায় হাত দিয়ে বল্লেন, পনেরো মিনিট অপেক্ষা করুন স্থার—এইটি নায়িকার মৃত্যু-দৃগ্য। গুণ্ডা দাজতে গেছে— এলো বলে।

প্রযোজক চটে-মটে উঠে ফতোয়া জারি করলেন, আমার আর এক মুহূর্ত অপেক্ষা করার যো নেই। নায়িকাকে মারতে চান—ভালো কথা, কিন্তু আগে মেরে রাখেন নি কেন? আমি ফোন করে জানিয়ে দিয়েছিলাম আপনাকে! গাড়ী চাপা দিয়ে মারুন, হোঁচট্ থাইয়ে মারুন, ফুলের ঘায়ে মূর্চ্ছা যাক্—জলে ঝাঁপিয়ে পড়ে মরুক…মোট কথা এসব গগুগোলে ব্যাপার আগেই করা উচিত ছিল। এখন আর আমি এক মিনিটও অপেক্ষা করতে পারবোনা। বিশিষ্ট ব্যক্তিরা সব অপেক্ষা করছেন।

নিরুপায় পরিচালক চারদিকে তাকান।

হঠাৎ বলে ওঠেন, ইউরেকা ! হয়েছে ! নিজের চুলে ফাঁস লাগিয়ে মরবে নায়িকা ! কুইক !

নায়িকাও টি-পার্টিতে যাবার জন্মে তৈরী হয়েই আছেন! কাজেই চুলে ফাঁদ লাগিয়ে মৃত্যুকে বরণ করে নিতে তার এক মৃত্তিও বিলম্ব হল না।

ক্যামেরাম্যান সবে তার হাতল ছেড়েছেন···এমন সময় হন্ত-দন্ত হয়ে ফ্লোরে এসে ঢুক্লো—নতুন মেকাপ করা রামগোবিন্দ! কিন্তু তথন গুণ্ডার প্রয়োজন ছবি থেকে একেবারে ফুরিয়ে গেছে!

ভাকে ধাকা মেরে এক পাশে হটিয়ে দিয়ে প্রথোজক নায়িকাকে নিয়ে মোটরে গিয়ে উঠলেন।

রামগোবিন্দ শুধোলে, তাহলে আমার অবস্থা ?

পরিচালক বল্লেন, নেকষ্ট্ পিক্চারে তোমায় আমি স্থযোগ দেবো,
—ভেবোনা তুমি! সে মরিয়া হয়ে বল্লে, তাড়া করবো নাকি
লোকটাকে ? গুণ্ডার অসাধ্য কিছুই নেই—!

পরিচালক তার হাত ধরে বল্লেন, তার চাইতে হোটেল থেকে ভালো ডেভিল এমেছে—তাই খাও—।

রামগোবিন্দ ছই চক্ষে অগ্নি বর্ষণ করে বেরিয়ে গেল। তার চোথের ভাষা হচ্ছে এই যে, গুণ্ডার পার্ট সিনেমায় করতে পারল না বটে—রাস্তায় জল-জ্যান্ত সেই ভূমিকাতেই অভিনয় করবে সে!

—আর সে পার্ট হবে সত্যি রিয়ালিষ্টিক !

মেকাপ-ম্যান ভয়ে ভয়ে বল্লে, চিত্রতারকা ত' নয়—আ**সল** তাড়কা!



িনাটমঞ্চে একটি নতুন নাটকের উদ্বোধন-রজনী। নতুন নাট্যকার, কিন্ত স্থপ্রসিদ্ধা অভিনেত্রী জয়মালা নায়িকার ভূমিকায় অবতীণা হবেন বলে প্রেক্ষা গৃহে তিল ধারণের ঠাঁই নেই। যবনিকা উত্তোলিত হবার কয়েক মিনিট আগে আমাদের নাটকের স্থক্ষ এবং ভুপ ওঠার সঙ্গে সংস্ক এই নাটকেব শেষ। একে আপনার। পাঁচ মিনিটের নাটকও বলতে পারেন

[ স্থান—থিয়েটারের ম্যানেজারের কামরা ]

#### —্যানেজার—

# (ছুটে মেক-আপ-ম্যানের প্রবেশ)

# সর্বনাশ হয়ে গেছে ম্যানেজারবাবু!

#### —ম্যানেজার—

কি পাগলের মতো যা-তা কথা বল্ছিস্! আজ নতুন নাটকের শুভ উদ্বোধন-রজনী, আর বল্ছিস কিনা সর্বনাশ হয়ে গেছে!

### -- মেক-আপ-ম্যান---

আজে, প্রথম দৃশ্যেই নায়িকার হীরের ব্রোচ্পরার উল্লেখ আছে, নায়িকা, জান্লা গলিয়ে ভালবাসার নিদর্শন স্বরূপ সেটা নায়হকর হাতে ছুঁড়ে দেবে।

#### —ম্যানেজার—

বেশ ত' "বিজ্নেস্ ম্যানেজারকে" ত একটা নকল হীরের ব্রোচ আন্তে বলে দিয়েছি।

# - মেক-আপ-ম্যান--

তা হলে আর গোল কিসের স্থার! বিজ্নেস মাানেজারের কোন দোষ নেই! তিনি ঠিক "পিস্গুড্স্" জোগাড় করে রেখেছেন।

#### ---মানেজার---

তবে আট্কাচ্ছে কোথায় শুনি ?

# —মেক্-আপ-ম্যান—

আজে, জয়মালা নকল হারের ব্রোচ্পরবেন না…গোঁ ধরেছেন! ওদিকে কনসার্ট ওয়ালাদের বাজাতে বাজাতে হাতে খিল ধরে গেল! দ্রপ কিছুতেই উঠ্তে পারছেনা স্থার! এখন যা হয় একটা বিহিত করুন!

#### — ম্যানেজার—

তাইত! আসল হীরের ব্রোচ! আমায় বিক্রী করলেও জোগাড় হবেনা! আজ বাদে কাল আর্টিষ্টদের মাইনে দিতে হবে। এই নতুন নাটকে কিছু পাওয়া যাবে সেই ভরসা!

# —মেক্-আপ-ম্যান—

তা'হলে কি হবে স্থার ? মেক্-মাপ বন্ধ রাখবো ?

### --- ম্যানেজার---

(চটে উঠে) মেক্-আপ! এখন চূন আর কালি নিয়ে এসে আমার তু'গালে মাখিয়ে দাও! যাও…যাও…বল্ছি…

িসভয়ে মেক্-আপ-ম্যানের প্রস্তান আব শাল্মলী তরফদারের প্রবেশ ]

# —শালালী—

আজ যে থুব বিক্রী করেছ ম্যানেজার! তুটো ফাউল কাট্লেটের অর্ডার দাও দেখি।---

### --- ম্যানেজার---

আমায় চটিওনা বিশাল-শালালী তক ! মন-মেজাজ ভালো নেই !

### —শালালী—

সেকি হে ম্যানেজার! বাইরে "হাউসফুল" টাঙানো তব্ ভোমার মুখে হাসি নেই! (সীতার স্থরে) বিরস বদনে, আনমনে বিসিয়া একাকী! কি হয়েছে জীবন-বন্নভ?

# —মুখ বাভিয়ে মেক-আপ-ম্যান—

আছে, মহা বিপদ! জয়মালা নকল হীরের ব্রোচ পর্তে চাইছেনা—ডুপও উঠ্ছেনা!

### --শালালা--

্মহা উৎসাহে) সে কথা আগে বল্তে হয়! আমি রয়েছি কিসের জন্ম! ব্যাঙ্কের ম্যানেজিং ডাইরেক্টর আমি, সে কথা তোমরা ভুলে বসে থাকো…! ভয় নেই! আমার সঙ্গে গাড়ী রয়েছে। (যেতে যেতে ফিরে এসে) ভাই, স্টেজের ওপর কথাটা "অ্যানাট্ন্স" করে দিও। আমি নিজে হাতে জয়মালাকে ব্রোচ পরিয়ে দেবো।

[ জ্রুতবেগে প্রস্থান ]

#### --- ম্যানেজার --

(আপন মনে) এঃ ! দাতা বলীরাজ এলেন আর কি ! যথন বল্লান, কিছু টাকা ফাইনান্স করো. 'ষ্টেজ'টাকে ভালো করি…জবাব দিলে, আমার টাকা কোথায় ! এখন ছুট্লেন হীরের ব্রোচ কিন্তে ! হাস্বাগ !

# —মেক্-আপ-মাান—

যাক্! বিপদ ত কেটে গেল! আপনি আর ওঁর **সঙ্গে চটাচটি** কর্বেন না যেন স্থার!

# —ম্যানেজার—

উনি আবার এলেন আমায় উপদেশ দিতে। যাও, জয়মালাকে গিয়ে বলো যে, হীরের ব্রোচই আস্ছে! কি আহাম্মুকীই করেছিলাম থিয়েটাব খুলে! এর চাইতে কয়েক বিঘে জমি নিয়ে গাই-বলদ দিয়ে চাষ-আবাদ কর্লে আখেরে কাজ দিত। চাই কি সরকারী সাহাযাও পাওয়া যেত!

[ মেক্-আপ-ম্যানের প্রস্থান, কিছুক্ষণ বাদে হলধর হালদারের প্রবেশ ]

#### — **হল**ধব —

এই নিন্ স্থার, আপনার বাবরী চুল, মার এই রইল আপনার নায়কের পোষাক। আমি চল্লাম !

### —ম্যানেজার—

(বান্ত হয়ে) কেন, কেন, ভোমার আবার কি হ'ল হলধর ?

#### — **হল**ধব —

আমি কি বানের জলে ভেসে এসেছি স্থার ?

### ---ম্যানেজার---

(কাষ্ঠ-হাসি হেসে) — না — না! দিব্যি কার্ত্তিকের মতো চেহার। তোমার, তুমি বানের জলে ভেসে আসবে কেন ?

#### ----হলধর----

কিন্তু কার্ত্তিক-চেহারায় ত' কুলোন্ডে না স্থার। আর জন্মে যেন আর কিছু হয়ে জনাই…।

### ---ম্যানেজার---

আহা! চট্ছ কেন ? কি হ'ল তাই বলনা!

#### —হলধর—

প্রথম কথা—পোষ্টারে নায়িকার চাইতে আমার নামের টাইপ ছোট কেন? নায়ক বড়ো—না নায়িকা বড়? এটা বাঙ্লা দেশ! এখনো আমেরিকা হয়ে ওঠেনি! তা' ছাড়া আপনি নাকি জয়মালাকে হীরের ব্রোচ দিচ্ছেন? তবে আমিই বা হীরের আংটি পাবোনা কেন শুনি?

#### —ম্যানেজার—

সে সব বিবেচনা পরে করা যাবে। আর নাম ? আগে উদ্বোধন-রজনী উৎরে যাক্—তারপর তোমার নামাবলী দিয়ে আমি কল্কাতার রাস্তার দেয়ালগুলি ঢেকে ফেলে দেবো।

# [ছুট্তেছুট্তে শাল্মনীর প্রবেশ ]

# —শালালী—

এই যে ভাই ম্যানেজার, দেখো, হীরের ব্রোচটা জয়মালার পছন্দু হবে কিনা! দেখে নিও, খেলো জিনিষ আমি কাউকে দিই না!

### — **হ**লধর—

ও! হীরের ব্রোচটা আপনিই জয়মালাকে দিচ্ছেন! তা' হলে অবশ্য—

### —শালালী—

হেঁ—হেঁ! আপনি হচ্ছেন কলার সাধক। বুঝ্তেই ত'পাচ্ছেন সব। স্টেজে দাঁড়িয়ে জয়মালা যে সব প্রেমের কথা শোনায় আপনাকে, সবই কিন্তু বংল আমাকে উদ্দেশ করে। আমি "রয়েল-বক্নে" বসে থাকি ··· দেখেন নি লক্ষ্য করে, মাঝে মাঝে আমার দিকে কেমন ভাবে তাকায় ?

#### —হলধর—

(ম্যানেজারকে) তবে আর আপনার সঙ্গে আমার ঝগড়া নেই। কিন্তু মাইনে বাড়িয়ে দিতে হবে স্থার। নইলে আমি—

#### —ম্যানেজার—

ঠিক কথা বলেছ হলধর। আজ থেকেই তোমার একশ টাকা মাইনে বেড়ে গেল। যাও, মনের আনন্দে কাজ করো গে!

#### --- হলধর---

(উচ্ছাস চাপতে না পেরে) মনের আনন্দ আস্বে কোখেকে স্থার!

যথন বৃঝি নায়িকার ওই সব জোরালো প্রেমের কথাগুলি একেবারে

সাবানের ফ্যানার মতোই অন্তঃসারশৃত্য শুধু হাওয়াতেই মিলিয়ে

যাচ্ছে, তথন কি আর প্রাণে অঃনন্দ আসে? যাক্ একশ টাকা

মাইনে বৃদ্ধি! পড়ে পাওয়া চৌদ্দ আনাই লাভ!



[নকল চুল আর পোষাক তুলে নিয়ে প্রস্থান ]

- নাট্যকার এভক্ষণ চুপচাপ ঘরের এক কোণে বসে-ছিলেন—এইবার ভিনি একটু এগিয়ে এসে ম্যানেজারকে বল্লেন
- নাট্যকার—
  সবাইকারই সব স্থবিধে
  করে দিলেন স্থার!
  আমার দিকে একবার ফিরে তাকাবেন
  না গ
  - —ম্যানেজার (ভাচ্ছিল্যের স্থরে)

আপনি আবার ড্রপ ওঠবার মুথে ঘ্যানর-ঘ্যানর স্থরু করে দিলেন ?

## —নাট্যকার—

আছে, মানে আমারই ত' নাটক---

#### --- ম্যানেজার---

আপনার নাটক তাতে হয়েছে কি ?

# —নাট্যকার—

এই বল্ছিলাম কি—[ আম্তা আম্তা করে ] উদ্বোধন রক্তনীতে নায়িকা পেলো হীরের ব্রোচ, নায়কের হল মাইনে বৃদ্ধি, আর নাট্যকার নগদ কিছু পাবে না ?

### —ম্যানেজার—

আপনি দেখি আমায় অবাক করলেন! কাগজে কাগজে আপনার নাম ছাপা হয়েছে, পোষ্টারে বড় বড় টাইপে আপনার নাম লাল কালীতে ঝক্ ঝক্ করছে .....এত কাণ্ডতেও আপনার মন উঠ্ল না ?

### —নাট্যকার<del>—</del>

[ ক্টিত হয়ে ] এই মানে বল্ছিলাম কি ছেলেটা আজ এক মাদ থেকে টায়ফয়েডে ভূগছে। চিকিৎসার কোনো ব্যবস্থা করতে পারছিনে! ভেবে রেখেছি—উদ্বোধন রজনীতে যে টাকা পাবো তাই দিয়ে ইন্জেক্সন কিনে নিয়ে যাবো। ডাক্তার আমার বন্ধ—সে বসে রয়েছে!

### --- ন্যানেজার---

বসে থাক্লেই হল ? আপনার কি ধারণা যে, আমি এখানে দান-ছত্র খুলে বসেছি ?

## —নাট্যকার—

কিন্তু টাকা ত' আমার পাওনা হয়েছে—ম্যানেজারবাব্ ! আমার নাটকটা যথন আপনারা অভিনয় করছেন !

### —ম্যানেজার—

জ্যা! আপনি বল্ছেন কি মশাই? আপনার নাটক? আপনি যে মশাই রাতকে দিন করতে পারেন!

# —নাট্যকার—

আপনার কথা ত' আমি ঠিক বুঝ্তে পারছিনে ম্যানেজারবাবু!

### —ম্যানেজার—

বুঝ্বেন কি করে বলুন ? মলাটখানি ছাড়া আপনার নাটকের আর কি আছে শুনি ?

# —নাট্যকার—

আঁণ! শুধুমলাট ?

#### —ম্যানেজার—

হ্যা-হ্যা, শুধু মলাট ! নামটা যে দিয়েছি এই আপন র ভাগ্যি। যান্, নীচে গিয়ে অভিনয় দেখুন গে! ওরে হরে, বাবুকে "স্পেশাল সিটে" বসিয়ে ঘণ্টা মেরে ড্রপ তুলে দিতে বল।

[ যবনিকা ]

**—ইভি**—

# —স্বপন বুড়োর লেখা বই—

সাতসমূদুর তেরনদীর পারে

211

[ ভ্ৰমণ কাহিনী ]

গল্প-সঞ্চয়ণ

**9**,

[বিভিন্ন রকমের শ্রেষ্ঠ গল্পের সংগ্রহ ]

প্রাপ্তিস্থান: **ওরিয়েণ্ট বুক কোম্পানি**১, খ্যামাচরণ দে খ্রীট

কলিকাতা—১২